

CA TITSA' TSE' NU CCA QUI' JESUCRISTUA NU BEDIA SAN MATEO

El Santo Evangelio Según

SAN MATEO

1 Lista nu riquixá'a ti'iŷa cca Jesucristua relacionar lànì David nna Abraham nna adí ca enne' gutsé'e tiempo antigua nna. ²Abraham, tàta qui' Isaac. Isaac, tàta qui' Jacob. Jacob, tàta qui' Judá lani ca bettsi' bi. ³Judá nna Tamar nna tàta nàna qui' Fares lani bettsi' bi Zara. Fares, tàta qui' Esrom. Esrom, tàta qui' Aram. ⁴Aram, tàta qui' Aminadab. Aminadab, tàta qui' Naasón. Naasón, tàta qui' Salmón. ⁵Salmón nna Rahab nna tàta nàna qui' Booz. Booz nna Ruth nna tàta nàna qui' Obed. Obed, tàta qui' Isai. ⁶Isaí, tàta qui' David enne' uccua rey tiempo lania. David, tàta qui' Salomón lani niula nu uccua ya'la qui' Urías. ⁷Salomón, tàta qui' Roboam. Roboam, tàta qui' Abías. Abías, tàta qui' Asa. ⁸Asa, tàta qui' Josafat. Josafat, tàta qui' Joram. Joram, tàta qui' Uzias. ⁹Uzias, tàta qui' Jotam. Jotam, tàta qui' Acaz. Acaz, tàta qui' Ezequías. ¹⁰Ezequias, tàta qui' Manasés. Manasés, tàta

qui' Amón. Amón, tàta qui' Josías. ¹¹Josías, tàta qui' Jeconías lani ca bettsi' bi tiempo loti' guche' ca soldadua çà preso hàstaba le' nación Babilonia. ¹²Bitola de chi bette çà çà para Babilonia nna gùlia Salatiel ŷi'ni Jeconías. Salatiel, tàta qui' Zorobabel. ¹³Zorobabel, tàta qui' Abiud. Abiud, tàta qui' Eliaquim. Eliaquim, tàta qui' Azar. ¹⁴Azar, tàta qui' Sadoc. Sadoc, tàta qui' Aquim. Aquim, tàta qui' Eliud. ¹⁵Eliud, tàta qui' Eleazar. Eleazar, tàta qui' Matán. Matán, tàta qui' Jacob. ¹⁶Jacob, tàta qui' José nu uccua tsela María. María nna beditsina' bi Jesús enne' lá huá Cristo. ¹⁷Asi es qui'ni dèstaba gùdua Abraham hàstaba bitsina' rey David nna uccua tsità' libixi. Dèstaba gùdua rey David hàstaba loti' guche' ca soldadua çà Babilonia nna uccua á tsità' libixi. Dèstaba loti' bette çà çà para país Babilonia hàstaba gùlia Jesucristua nna uccua á tsità' libixi.

¹⁸Historia qui' Jesucristua loti' gùlie nna uccua íi: María enne' ccá nàna qui' Jesús nna chì' nábabáni José bi. Pero ántesca thi' luetsi cabi nna gutebé'ni María qui'ni por milagro qui' Espíritu Santo nna nùà' bi huatsa to'. ¹⁹Joséa nna labi uccua latsi' bi guni bi biya cosa mal, nihua labí uccua latsi' bi gudà bi titsa' qui' María, acca belaba latsi' bi qui'ni adila tsa' gútse'e latsi' bi María sin qui'ni adí ca enne' nna ccá çà saber. ²⁰De chi belaba latsi' bi anía nna, de repente tabá bitsina' ttu ángel enne' guthel-la' Señor Dios lo yèla qui' Joséa nna gunènie bi nna rèe bi: Lu' José descendiente qui' David, bittu gulaba latsi' lu' làa thi' lu' María' para ccá niula qui' lu', porqui'ni por la'huacca qui' Espíritu Santo nna nùà' María' huatsa to'. ²¹María' nna guditsina'á nitu'á' nna quixa lu' lée JESUS porqui'ni por medio de lèe nna l-lá ca enne' qui'e le' ca tul-la' qui' quí. Anía ra ángelia Joséa. ²²Iyaba ca cosí nna uccua çà para qui'ni ccá cumplir nu ra Señor Dios lo libro nu bedia ttu profeta qui'e enne' gùdua tiempo antigua nna rèe:

²³Ttu niula nu labí chi nabia'niá nubeyu' nna hua' ýi'ni nna guditsina'á ttu nubeyu' to'; nitu'í nna gata' lée Emanuel, titsa' qui' ri'u nna ra: DIOS DUE LANI RI'U.

²⁴De bebani Joséa nna beni bi ti'ba beni ángelia bi mandado nna beni bi María recibir. ²⁵Pero labi benibia' bi María hàstaba qui'ni bitsina' primero ýi'ni bi. Gutixa bi lée JESUS.

2 Jesucristua nna gùlie le' yetsi Belén estado qui' Judea

tiempo loti' rigú'ubia' rey Herodes. Làniana tuchùppa ca enne' yala la' riyeni tsè' te qui' quí, lá çà magos nna bitsina' çà le' ciudad Jerusalén, da' çà idittu' tsè' lado ril-lani bitsa. ²Ca máguá nna gunaba titsa' çà nna ra çà: Ti'ani uccua enne' chì' gùlia ba rey qui' ca enne' Israel, qui'ni loti' tsè'e tu' látsi tu'a nna bilá'ni tu' bélia nu rulue' qui'ni chi gùlie, acca da' tu' para guni tu' e adorar. ³De bina rey Herodes nu ra ca máguá nna yala nuyue uccuaníá ã'hua iyaba canu Jerusalén nna. ⁴Acca gutaýi chìá iyaba ca sacerdote principal tsè'e le' ciudad ã'hua ca maestro nu rulue' nu ra lo Escritura qui' canía nna gunaba titsa'á çà nna ra: Gani ná qui'ni galia Cristua. ⁵Lacá nna ra çà na: Le' yetsi Belén región qui' Judea, la'a mísmuba estado qui' rí'uj, porqui'ni ã' ra lo libro nu bedia attu enne' gunne parte Tata Dios nna rèe:

⁶Lu' Belén región qui' Judá, yetsi yala xcuichu to' ná lu', pero adírula dacca' lu' de lo iyaba canu rigú'ubia' qui' Judá, porqui'ni nì galia ttu enne' ichi'e iyaba ca enne' Israel nna hui'e çà cuidado porqui'ni ná çà enne' quia'.

⁷Làniana gutaýi gattsí' ba Herodes ca máguá nna. Iyá ýíabani gunaba titsa'á çà ã'hua tsáliãya itsá chi uccua gul-lani bélia. ⁸Guthel-la' tiã çà Belén nna ra: Litsia linaba titsa' tsè' taá gaýa gulia huatsá'; canchu chi etseláni li e nna, equixá'ani le inte' para qui'ni tsa'a huá' guni ye' e adorar. ⁹De biyénini çà nu ra Herodes nna dia tè çà. La'yani' qui'

bélia nu bilá'ni canaá nna denérua lo qui hàstaba qui'ni bitsina'á làti te huátsáa. ¹⁰De bilá'ni ca guleda la'yani' qui' bélia nna yala bedácca'ni ca. ¹¹Làniana gut'à ca le' yú'a nna bilá'ni ca Jesús lani nàna qui'e María, acca bèdu ÿibi qui' nna beni ca Jesús adorar. Làniana gulequia tè ca ca regalo qui' caniá nna bete ca qui'e oro nna incienso nna mirra nna. ¹²Pero ca máguá nna por medio de lo yèla qui' qui' nna uccua ca saber qui'ni bittu eyequia ca ru'a lo Herodes. Acca lacá nna deyya ca attu neda huaya' la para látsi qui'.

¹³Bedà' diba ca nna làniana ángel enne' guthel-la' Señor Dios bitsina' bi lo yèla qui' Joséa attu nna gunènie bi nna rèe bi: Huàtha, guÿi' huatsá' lani nàna qui'á' nna becuitta huía Egiptua la, nía ba tsé'e le hàstaba qui'ni equixá'ania' lu', porqui'ni Herodes nna eyilá huatsá' para gúttiá ne. ¹⁴Làniana la'a yèla taá huatha Joséa nna guche' bi María lani huatsa nna gudà' cabi dia cabi idittu' tsè' hàstaba le' nación Egiptua. ¹⁵Nía ba gutsé'e cabi hàstaba qui'ni gùtti Herodes. Anía modo nna uccua cumplir nu ra Señor Dios lo libro nu bedia attu profeta qui'e nna rèe: Egiptua la beyáÿia' ÿi'ni ya'a.

¹⁶De gutelíni Herodes qui'ni uccua bá burla por ca máguá nna yala bitsa'ániá nna beniá mandado gatti iyaba ca nubeyu' to' nu chi' bitsina' taá hàstaba nu chuppa idani le' yetsi Belén a'hua le' iyaba ca yetsi to' anta' exa taá nía, de acuerdo lani fecha nu chi ra ca máguá na. ¹⁷Anía modo nna uccua

cumplir ca titsa' nu ra Tata Dios lo libro nu bedia Jeremías attu enne' uccua profeta qui'e nna rèe:

¹⁸Biyénini' le' yetsi Ramá ribetsi ca descendiente qui' Raquel enne' gùdua tiempo antigua; yala ditsa ribetsi ca nna rehuiní'ni ca, pero labí uccua latsi' qui' etáni ca la'ÿeni, porqui'ni gùtti ca ÿi'ni to' qui' caniá.

A' bedia profétaa. ¹⁹Gùtti diba Herodes nna gudu ángelia attu lo yèla qui' Joséa loti' tsé'e ru cabi Egiptua. ²⁰Gunènie bi nna rèe bi: Huàtha nna beche' huatsá' lani nàna qui'á' para región qui' Israel, porqui'ni chía gùtti canu uccua latsi' qui' gùtti ca huatsá'. ²¹Làniana huatha taá Joséa nna beche' bi María lani huátsáa nna deyya cabi para región qui' Israel. ²²De bina Joséa qui'ni Arquelao ÿi'ni Herodes rigú'ubi'á le' región qui' Judea parte ta' tàta qui' níá nna, gùtsibáni bi eya'a bi nía. Pero por medio de lo yèla qui' bi nna uccua bi saber qui'ni adila tsa' tsía bi región qui' Galilea. ²³Bitsina' bi nía nna gùdua bi le' ttu yetsi lá Nazaret. Anía modo nna uccua cumplir ca titsa' qui' Tata Dios nu gune ca profeta qui'ni a'hua gata' léé Enne' Nazareno.

3 Làniateaá nna gudulo Juan el Bautista hueni predicar fuera ca yetsi canu anta' le' itúbani región qui' Judea. ²Ra bi ca enne': Liguni reconocer qui'ni ná le enne' tul-la', porqui'ni chi' tení duá il-lani tsá qui'ni Tata Dios nna cu'úbia'nie ca enne'. ³Qui' Juan nì nuá gutixà'a Tata Dios lo libro nu bedia profeta

qui'e Isaías enne' gùdua tiempo antigua nna rèe:

Ruyeni ttu enne' fuera yetsi nna ra bi: Lits'é leda porqui'ni chi da' Señor; liutha' lí ca neda qui' la'labani qui' le para lèe.

À! bedia profétaá. ⁴Nu guccu' Juan nna uccua de ittsa' ÿo camello, a'hua guthi lè'e bi ttu cincho nu de yeti. Uccuabàni tènì bi tsua' teruba ttu clase de guxaru' a'hua ÿixi qui' i'yatò'. ⁵Ca enne' ciudad qui' Jerusalén a'hua itúbani Judea nna iyaba adí ca yetsi to' anta' exa taá yò Jordán nna huía çà ru'a lo bi. ⁶Juan nna beni bi çà bautizar le' yò Jordán porqui'ni beni çà reconocer ca tul'la' qui' quí. ⁷De bilá'ni Juan qui'ni iÿetse' canu lánì religiòn fariseo nna saduceo nna dia çà para gugadia bi çà inda, acca ra bi çà: Yala mañoso ná le tì'a ca bèl'la. Nuni rã le qui'ni huaccani le ucuittani le la' tsialatsi' qui' Tata Dios nu chì' da'la cá. ⁸Liulue' lani ca hecho tsè' qui' le canchu là hualigani chi beyacca le arrepentir. ⁹Alàa chì' gutsia la le pretexto nna ina le: Yala enne' tsè' ná tu', porqui'ni ná tu' descendiente qui' ta' enne' gùla qui' tu' Abraham. Pues inte' nna nia' le qui'ni hàstaba ca íyya anta' nì nna huaccani Tata Dios gunie qui'ni eyacca çà ÿi'ni Abraham. ¹⁰A'hua chi du leda yètte para ichua çà yaga dèsdaba l'lú qui; a'hua iyaba ca yà nu labí runna fruto tsè' nna chú çà tsía çà lo yi'. ¹¹Inte' nna hualigani runia' le bautizar lani inda canu reyacca arrepentir. Pero enne' da' bitola de inte' nna adí la'huacca te quì'e

tì'chula inte', acca nìdirubani là dàcca'a' para cuequia' ca guarachu yù'u ni'e. Lèe nna gunie le bautizar lani Espíritu Santo nna la'huacca tì'a yi'. ¹²A'hua dènie pala para guthúe ÿua' nu re' lo tsinà' quì'e. ÿua'xtíla nna gunie na seguro le' yú'u, pero tébáÿua nna gudàl'lèe na lo yi' làti nunca labí eyola. Anía gunèni Juan ca enni'a.

¹³Làniana gudà' Jesús Galilea nna díe para yò Jordán làti reqquia Juan, para guni bi e bautizar.

¹⁴Pero Juan nna ridúdítsi ba bi nna ra bi e: Inte' la riquina' te' ccá' bautizar por cuiã'lu', atsi'íni cuiã'lálu' da' ru'a lua' nna. ¹⁵Becabi Jesús nna rèe bi: Oba gunà guni lu' inte' bautizar porqui'ni a'ba ná tsè' para guni ri'u cumplir iyábani nu rú'ulatsi' Tata Dios. ¹⁶De beyacca uccua Jesús bautizar nna beria tìe le' inda, làniana biyàlia ÿiabara' nna bilá'ni Juan qui'ni Espíritu Santo nna huadie ti'ba ttu becha to' nna bitsine'e iquía Jesús.

¹⁷Làniana biyéni'ni tsì'i ttu enne' gune de ÿiabara' nna rèe: Là enni'í enni'a' ÿì'nia' yala catsi'í ti' e, a'hua por lèe nna yala la' redacca'latsi' te quia'.

4 Làniana por medio de Espíritu Santo nna huía Jesús ttu lugar idittu' fuera yetsi para qui'ni numalua nna guniã ne tentar canchu xiaba irialàniã gunie nu calatsi'í. ²Nía nna beni Jesús ayunar nna labí gutúe chua' ubitsa nna chua' yèla nna. Bitola nna yala gutùnìe. ³Làniana bitsina' nu huethacca'ÿía nna rã ne: Canchu hualigani ná lu' ÿi'ni Tata Dios nna gùtsi ca íyya anta' qui' qui'ni

eyacca cą ettaxtíla. ⁴Becabi Jesús nna rèe na: Escrí tuba ga'na qui'ni aláa tsua' teruba lani ettaxtíla ccabaniní ca enne', sino a'hua lani iyábani ca titsa' riria rú'a Tata Dios. ⁵Là niana numalua nna guche' tią ne le' Jerusalén ciudad nu ná para Tata Dios nna beduą ne iquía torre qui' templua nna ⁶ra ne: Canchu hualigani ná lu' Ýi'ni Tata Dios nna bittsía tsanna de nì para loyu nna, porqui'ni escrí tuba ga'na qui'ni Tata Dios nna ithel'le'e ca ángel qui'e para gudaxu' cą lu' lo ná' qui' para qui'ni làa itsina' nì'a lu' lo íyya nna ccadí' qui' lu'. ⁷Becabi Jesús nna rèe na: Ga'na huá escrito làti ra qui'ni: Bittu guni lu' tentar Tata Dios qui' lu'. ⁸Numalua nna guchi'a ne attu lo ttu i'ya xeni tsè'ni nna belue'nią ne ituba làti bána'nią le' yétsiloyu lani ituba riqueza qui'í nna, ⁹ra tią ne: Iyaba ca nui nna gunna ya' cą qui' lu' canchu gudu ýibi lu' nna guni lu' inte' adorar. ¹⁰Jesús nna ra tìe na: Becuitta ru'a lua' Satanás, porqui'ni escrí tuba ga'na qui'ni guni ri'u adorar ttu teruba Señor Dios qui' ri'ua a'hua la terúbée guni ri'u servir. ¹¹Betha'na tè numalua ne nna becuitta. Là niana bitsina' ca ángel de ýiabara' ru'a lo Jesús nna beni cabi e servir. ¹²Bina ba Jesús qui'ni te Juan litsi' íyya, acca labiru gùdue nía sino beyequia lée para Galilea hàstaba látsie Nazaret. ¹³Là niana bedè'e Nazaret nna hué ru'a indatù'a gùdue le' yetsi Capernaum le' región qui' Zabulón nna Neftalí nna. ¹⁴Anía modo nna uccua cumplir nu ra Tata Dios lo libro nu bedia profeta qui'e Isaías nna rèe:

¹⁵Látsi Zabulón nna Neftalí nna, neda ru'a indatò', attu ládulá yò Jordán, Galilea región qui' canu labí ná raza Israel.

¹⁶Yetsi nu re' le' chul-la nna chi bilá'nią iýeni la'yani', làti tsè'e ca enne' le' ýula qui' lu'uti nna huàni' rábani la'yani' para laçą.

Anía ra lo libro qui' profeta Isaías. ¹⁷Dèsdeba lania nna gudulo Jesús hueni predicar nna rèe: Leyacca arrepentir por ca tul-la' qui' le porqui'ni annana calatsi' Tata Dios qui'ni ca enne' nna hue'él-la' cą qui'ni quée enne' cu'úbia'nie cą. ¹⁸De reqquia Jesús ru'a indatò' qui' Galilea nna, bilá'nie chuppa ca enne': Simón enne' lá Pedrua lani bettsi' bi Andrés rudal-la cabi exxa le' inda porqui'ni uccua cabi nu huedaxu' bél-lá. ¹⁹Rèe cabi: Lità lani inte', inte' nna gunia' qui'ni ca enne' la guni le pescar. ²⁰Làcabi nna betha'na taá cabi ca exxa nu rudaxu'ní cabi bél-lá nna dia taá cabi lani e. ²¹Gutte diba Jesús nía nna bilá'nie áchuppa ca enne': Jacóbu lani bettsi'í Juan yù'u cabi le' ttu barco lani tàta qui' cabi Zebedéua reyuni cabi ca exxa nu rudaxu'ní cabi bél-lá. Jesús nna gutàýie cabi. ²²Biyeni báni cabi qui'ni rinnie cabi nna betha'na taá cabi bárcuá nna tàta qui' cabia nna dia taá cabi lani e. ²³Là niana gurèni Jesús ituba Galilea nna gutè'e le' ca sinagoga làti retuppa canaá nna bethè'te' ténie cą nna bènìe predicar ca titsa' cubi nu cca qui' la' rigú'ubia' qui' Tata Dios. A'hua gùtue iyábani ca itsahue' a'hua iyábani clase de dolor qui'

ca enne' le' ca yétsiá. ²⁴Gudà tè titsa' qui'e itúbani región lã Siria. Acca tahua' çà ru'a lúe iyaba canu ra'ni para eyunie çà: canu rappa çà biãa tediba dolor nna canu cca sufrir bíãaáru itsahue' ni nna, a'hua canu cca padecer por ca espíritu mal nna canu yù'u be', a'hua ca paralítico canu chi gutschání ra'ni çà nna, tahua' çà iyaba çà ru'a lúe. Lèe nna beyúninìe iyaba çà. ²⁵Enne' yétsení nna gudulo çà dia çà lani e: ca enne' Galilea nna Decápolis nna, a'hua qui' Jerusalén nna ituba región qui' Judea nna hàstaba ca enne' qui' attu ládulá yò Jordán nna denó huá çà ne.

5 De bilá'ni Jesús ca enne' yétselá nna huàppie lo í'yaá nna gùre' báníe nna bebiga' tè ca enne' ruthète'niáa ru'a lúe. ²Gudulo tìe riquixa'ánìe cabi ca enseñanza tsè' nna rèe:

³Ica'rubà canu chi yù qui'ni riquína'ni çà la'yeni lo losto' qui; pues qui'ba qui ná iyate nu runna Tata Dios enne' rigú'ubia'nie çà.

⁴Ica'rubà canu ribetsi; porqui'ni lacà nna huetáni çà la'yeni.

⁵Ica'rubà canu ná yénlatsi' losto' qui; porqui'ni huadi' bá çà lóyu nu beni Tata Dios prometer para lacà.

⁶Ica'rubà canu yala calatsi' qui gata' ttu la'labàni tsè' qui' qui tì'a calatsi' Tata Dios; pues lèe nna gúnìe çà cualani para guni çà nu ná tsè'.

⁷Ica'rubà canu té la' retúalatsi' qui' qui lani adí ca enne'; porqui'ni lacà nna huàl-la' huá çà la' retúalatsi'á.

⁸Ica'rubà canu labí bèyia té lo losto' qui delante de Tata Dios; pues lacà nna hualá'ni çà lúe. ⁹Ica'rubà canu runi qui'ni étse'etsè' ca enne';

porqui'ni huata' lá qui yì'ni Tata Dios. ¹⁰Ica'rubà canu cca padecer por la' ruyudí' qui' ca enne' por causa de qui'ni runi çà nu ná tsè'; porqui'ni qui'ba qui ná iyate nu runna Tata Dios enne' rigú'ubia'nie çà. ¹¹Ica'rubà le canchu chi inne ca enne' bicca'áya titsa' mal ni contra le nna gutschia latsi' qui le porqui'ni denó le inte', a'hua bèyalo bání ná nu ina çà contra le nna runi latsi' qui. ¹²Ledácca' lání le; porqui'ni gudàliani Tata Dios le yìabara'. Porqui'ni a'hua ca enne' nu gutsché' ttu cuaãa nuá nna betsiahuá latsi' qui ca enne' uccua profeta qui' caníá.

¹³Lebi'ì nna ná le dete' para yétsiloyu. Canchu dèti'á gunittia' la' iye' qui'ì nna, bíála lani eyaccaniã iye' attu vuelta cá. Labiru biãa íyu'ã sino para iru'na terubã fuera para gúl-liani ca enne' na. ¹⁴Lebi'ì nna ná le la'yani' para yétsiloyu. Ttu yetsi re' lo ttu i'ya nna labí modo té igàtsi'ã. ¹⁵Nihua labí rugàl-la' ri'u ttu yi' nna rutòthe' tè ri'u ttu cajón lúì, sino qui'ni gudua la ri'u a ttu lugar làti gudàni'ã qui' iyábani ca enne' tsè'e le' yú'u. ¹⁶A' tèhua ná qui'ni hue'él-la' le qui'ni gudàni' la'yani' nu runna Tata Dios qui' le por medio de ca obra tsè' nu guni le, para qui'ni télìni ca enne' nna gudàliani çà Tata Dios qui' le enne' dua yìabara'.

¹⁷Bittu gulaba latsi' le qui'ni inte' nna daya' para chu'na' nu ra lo ley nu bedia Moisés enne' gùdua tiempo antigua, nihua nu bedia adí ca enne' uccua profeta qui' Tata Dios; sino qui'ni daya la' para gunia' cumplir iyaãia tení. ¹⁸Hualigani

te' riquixa'ánia' le qui'ni ántesca l'luŷa latsi' ŷiaba nna yétsiloyu nna, nidi rúbani ttu letra to' nihua ttu acento to' dua lo ley qui' Tata Dios labí ttée qui'ni làa ccá cumplir. ¹⁹Acca canchu nuŷa diba labí runia obedecer nuŷa ttu ca mandamiento hàstaba ca mandamiento nu ná adiru xcuichu túl'i, a' tèhua ruluè'nià adí ca enne' nna, entonces lã nna tito' teruba la'dàliani gata' qui'ì le' la' rigú'ubia' qui' Tata Dios. Pero nuŷa diba runia iyaba nu ra lo ca mandamiéntuì a'hua ruluè'nià ca enne' nna, lã nna yala enne' ŷeni ccá le' la' rigú'ubia' qui' Tata Dios. ²⁰Acca nia' le qui'ni canchu labí guni le adí tsè' ru'a lo Tata Dios ti'chu nu runi ca maestro de la ley nna ca fariséuq' nna, entonces a'hua lebi'ì nna labí gá'a le le' la' rigú'ubia' qui' Tata Dios.

²¹Hua yù bá le biŷa ra ca ta' enne' guláa: Bittu gútti lu'. A'hua: Nuŷa diba gúttiã ttu enne' nna cca tehuá merecer íriã sentencia qui'ì gattiã. ²²Pero inte' nna nia' le qui'ni nuŷa diba ruyudí'ã ttu enne' nna, cca tehuá merecer ccá castigar; a'hua nuŷa diba ruduadí'ã ttu enne' nna, chi nã culpable nna cca tehuá merecer tsíã ru'a lo uxticia. A'hua nuŷa diba ínniã adiru ca titsa' è-la ni contra ttu enne' nna, cca tehuá merecer tsíã lo yi'. ²³Acca canchu chi tahua' lu' ofrenda qui' lu' lo meŷa nna, pero de repente tabá exalatsi' lu' qui'ni ttu enne' nna té ttu queja qui'ì contra lu'; ²⁴entonces bethà'na ofrenda qui' lu' nía nna, beyya ŷa eyaccatsè' lu' a, làniana eyeqquia lu' gute lu' ofrenda qui' lu'á. ²⁵Beyaccatsè' contrario qui' lu'

miéntraste yù'urù lu' neda lani a antesca guniã contra lu' lani juez, juez nna gutiã lu' cuenta lani ca policia, lacã nna gudàl-la cã lu' litsi' ìyya. ²⁶Hualigani te' riquixa'ánia' lu' qui'ni labí éria lu' nía hàstaba qui'ni quiŷa lu' ituŷiatè multa nu inàbani cã lu'.

²⁷Chi yù le qui'ni ga'na escrito: Bittu thúalani lu' niula huaya'. ²⁸Pero inte' nna nia' le: Nuŷa diba rinna'ã ttu niula nna ridà latsi'ì thúalaniã na, pues chi runia adulterar lani a por la' rulabalatsi' qui' terubì. ²⁹Acca, canchu íyyalo lu' lado bàni runia qui'ni innia lu' le' tul-la' nna, gulèqquia teláã, gurù'na a; qui'ni adila tsa' gunitti lu' ttu íyyalo lu' ti'callá tsía itute lu' lo yi'bél-laá. ³⁰A'hua canchu ná' lu' lado bàni runia qui'ni innia lu' le' tul-la' nna, guchù telá a, gurù'na a; qui'ni adila tsa' gunitti lu' ttu parte qui' cuerpo qui' lu' ti'callá tsía itute lu' lo yi'bél-laá.

³¹Ga'na huá escrito: Canchu nuŷa calatsi'ì ela'ã niula qui'ì nna, té qui'ni hué' ÷ã niuláa acta de divorcio. ³²Pero inte' nna nia' le: Nu ela'ã niula qui'ì pero álahua por causa de qui'ni gùdualani niuláa attu nuhuaya', entonces lã nna nã responsable canchu innia niuláa le' adulterio. A'hua canchu attu nubeyu' guttsan'ì lani niuláa nna runi huã adulterar.

³³Hua yù bá le biŷa ra lo ley nu bete Tata Dios lani ca ta' tàta gùla qui' lía dèsdeba tiempo antigua: Bittu guni lu' jurar cuèntaba, sino guni la lu' cumplir itute nu beni lu' ofrecer lani Señor Dios. ³⁴Pero inte' nna nia' le: Nú ttú tèhua por nuŷa

ni guni le jurar nihua làa gudu le por testigo ttu cosa tsia ÿiaba, porqui'ni ÿiabara' nna ná làti dua Tata Dios enne' rigú'ubia' lo iyate. ³⁵Nihua bittu guni le jurar nna gudu le por testigo ttu cosa té le' yétsiloyu, porqui'ni ná huá parte de la' rigú'ubia' qui'e. Nihua làa gudu le por testigo Jerusalén, porqui'ni ná ciudad qui' Tata Dios enne' ná Rey Ýeni. ³⁶Nihua bittu guni lu' jurar nna gudu lu' por testigo la'a iquua bá lu', porqui'ni nidi rúbani ttu ittisa' iquua lu' labí ccani lu' guni lu' a tsíttsi o yéthia para siempre. ³⁷Pero adila tsa' qui'ni la' rinne qui' le nna ccá bá làchu o labí, segúnba nu ná lí. Porqui'ni hua ná malo canchu inaáru le bica'áýáru tì'a canu runi sostener la' beýia qui' qui' ru'a lo ca enne' para íria nàri cã.

³⁸Chi hua yù le qui'ni ga'na escrito: Bittu gappa lu' la'ýeni sino íyyalo lani íyyalo bá a'hua laya' lani laya' bá. ³⁹Pero inte' nna nia' le: Bittu edúdítsini le nu runi mal contra le, ántesla nuýa diba huí'ã xaga' lu' lado bàni nna, bedà tèla attu lado. ⁴⁰Canchu nuýa ilidã pleito lani lu' nna calatsi'í thí'ã camisa qui' lu', pues be'él-la' telá a thi' huá mata qui' lu'. ⁴¹A'hua nuýa diba guthítsiniã lu' huá' lu' yùà' qui'í por chuppa kilometro nna, pues huía tèla lani a áchúppa por propio gani voluntad qui' lu'. ⁴²A'hua nu rinàbaniã lu' biýa nna, bete tènì a. A'hua nu inàbasaniã lu' biýa nna, bittu gutsùna'ni lu' a.

⁴³Chi hua yù le qui'ni ga'na escrito: Catsi'íni lu' luetsi enne' lu', pero guyudí' la lu' nu ná contrario qui' lu'. ⁴⁴Pero inte' nna nia' le:

Licatsi'i lání ca contrario qui' le. Liuluítsa' tsè'la canu riyé' iquua le. Liguni tsè' lani canu ruyudí' cã le, a'hua liguni oración por canu ruduadí' cã le nna rutsia latsi' qui' le. ⁴⁵A' modo télini ca enne' qui'ni ná le ýi'ni Tata Dios qui' le enne' dua ÿiabara'. Porqui'ni lèe nna runie qui'ni bitsã' nna rudàni'ã tàntua para ca enne' malo a'hua para ca enne' tsè' nna. Runi huéé qui'ni cca iyya tàntua para canu runi nu ná tsè', a'hua para canu labí runi nu rée nna. ⁴⁶Porqui'ni canchu rappatsi'i le làteruba canu catsi'íni cã le nna, biani cosa tsè'ni nuá runi le para ccá le merecer gudàliani Tata Dios le. Tsí álahua a'hua runi ca enne' malo canu ruquiýa xàtta qui' impuesto cá. ⁴⁷Biárua tsè'ni runi le canchu làteruba canu cca tsè' le runi le saludar cá. Tsí álahua a'hua runi canu labí ríalatsi' cá. ⁴⁸Acca lébi'í nna, lícca completamentetaá enne' tsè' tì'a Tata Dios qui' le enne' dua ÿiabara' née enne' tsè' gani.

6 Lihue' cuidado qui'ni làa guni le ca obra tsè' ru'a lo ca enne' de tantua calatsi' le qui'ni gudàliani cã le. Porqui'ni canchu a' runi le, entonces Tata Dios qui' le enne' dua ÿiabara' nna labí gudàlianie le. ²Canchu chi rute lu' biýa lani ca enne' pobre, bittu guni lu' qui'ni cuetsi trompeta para qui'ni ca enne' nna ccá cã saber, tì'a runi canu yala enne' tsè' rulue' cã pero álahua anía ná cã. Porqui'ni lacã nna de yù'u cã le' ca sinagoga qui' qui' nna a'hua lo ca néda nna siempre runi cã qui'ni cuetsi trompeta para qui'ni gappa' ná' ca enne' qui' qui'

por ca limosna nu runi cą lani ca enne' pobre. ³Acca canchu chi calatsi' lu' gute lu' biya ofrenda nna bittu cueda lu' para ccá saber ca enne' tsè'e lado ná' yatti lu' nu runi ná' bání lu'. ⁴Anía modo nna lanú enne' ccá saber tsáliaya rute lu'. Tata Dios qui' lu' enne' rinna' gattsil' bée lu' nna, lèe nna gudàlianie lu' lo enne' yetse'.

⁵A'hua canchu chi runi lu' oración nna bittu guni lu' tì'a runi canu yala enne' tsè' rulue' cą pero álahua anía ná cą. Lacą nna ridàni cą de runi cą oración le' ca sinagoga qui' qui' a'hua lo ca neda làti tsè'e ca enne', porqui'ni calatsi' qui' qui'ni gudàliani cą cą. Hualigani te' nia' le qui'ni lacą nna chía ridi' cą la'dàliani qui' ca enne'. ⁶Pero lu' nna canchu chi guni lu' oración nna beyà'a le' litsi' lu' nna bethàya puerta nna, bel-luítsa' Tata Dios qui' lu' enne' du gattsil' bée lani lu' a'hua rinna' gattsil' bée lu' nna. Lèe nna gudàlianie lu' lo enne' yetse'. ⁷De runi le oración nna bittu iquuiabete bá inne le ca titsa' tì'a canu rul-luítsa' cą ca idolo, porqui'ni rulaba latsi' qui' qui'ni de tantua repetir runi cą nna huayénini nu rena cą. ⁸Bittu ccá le tulappa lani cą. Porqui'ni Tata Dios qui' lía nna hua yù bée biya cosa riquína'ni le ántescala inàbani li e. ⁹Lebi'í nna guni le oración íj:

Tata Dios qui' tu' enne' dua
yíabara', rinàba tu':

Qui'ni nombre qui' cuią'lu' nna
ccá nombre sagrado lo losto'
ca enne',

¹⁰A'hua qui'ni ita la' rigú'ubia' qui'
cuią'lu' le' yétsiloyu nna,

Ccá bá nu rú'ulatsi' cuią'lu' tì'ba
yíabara' a'hua le' yétsiloyu.

¹¹A'hua qui'ni gunna cuią'lu' nu
go tu' ttu ttu tsá.

¹²Beyuniyén latsi' cuią'lu' ca
falta qui' tu', tì'a intu' nna
reyuniyén latsi' tu' qui' ca
luetsi enne' tu' biya ruthacca'
cą intu'.

¹³Bittu guthàna ná' cuią'lu' intu'
ccá tu' tentar, sino gudilà la
cuią'lu' intu' le' iyaba canu
ná mal. Porqui'ni làteruba
cuią'lu' nna té itute la'
rigú'ubia' nna la'huacca nna
la'dàliani nna para siémpreni.
Amén.

¹⁴Porqui'ni canchu chi reyuniyén
latsi' le lani itute latsi' le qui' ca
enne' rigú'u biya falta lani le nna,
entonces a'hua Dios Padre qui' le
enne' dua yíabara' nna hueyuniyén
latsi'e qui' le. ¹⁵Pero canchu labí
reyuniyén latsi' le qui' ca enne'
biya ruthacca' cą le nna, entonces
nihua Dios Padre qui' lía nna labí
eyuniyén latsi'e biya falta nu rigú'u
le.

¹⁶Canchu chi guni le ayunar de
tantua calatsi' le guni le adí oración
nna, bittu guni le qui'ni inna' le
triste tì'a ca enne' canu rinna' cą
qui'ni chi rigutsi latsi' qui' para
qui'ni ilá'ni ca enne' qui'ni rigua cą
labí ro cą. Hualigani te' nía' le qui'ni
lacą nna chía ridi' cą la'dàliani qui'
qui'. ¹⁷Pero lu' nna canchu chi guni
lu' ayunar nna, gùl-liba ittsa' iquua
lu' nna quíi lo lu' nna, ¹⁸para qui'ni
làa tébe'ní qui'ni runi lu' ayunar.
Porqui'ni Tata Dios qui' lu' enne' du
gattsil' bée lani lu' làterubée yù nna
gudàlianie lu' lo enne' yetsi.

¹⁹Bittu gudua iquua le gata' riqueza qui' le le' yétsiloyui, porqui'ni tsè'e taá ca bèl-la dîl-la', a'hua biyaáru interés ni nna rel-lani taá ca iyya, a'hua ca ubàna nna rithàlia taá ca nna ribana ca. ²⁰Sino liúdua la iquua le gata' riqueza qui' le yiabara', porqui'ni nía nna lanuru ca bèl-la dîl-la' té, nihua labiru biya rel-lani iyya, nihua ubàna nna lanuru té. ²¹Pues làti té ca cosa nu dacca' qui' lía nna nía huá du la' rulábalatsi' qui' le.

²²Iyyalo ri'u nna nâ tî'a ttu lámpara para ri'u. Acca canchu iyyalo lu' tsè'ba nâ nna, entonces labiru biya la'yani' reyátsani lu'. ²³Canchu iyyalo lu' labí yûa biya nuâ' la'yani', entonces táliâ qui'ni reqquia bá lu' le' chul-la. Canchu la' ritelíni qui' lu' re' bâ le' chul-la nna, entonces la' chul-li nna áchúppa tanto yethia nâ le' la'labani qui' lu'.

²⁴Lanú ccani thuâ bajo la' rigú'ubia' qui' chuppa ca patrón, porqui'ni miéntraste guyudí'â ttuâ nna catsí'í lánia attuâ. A'hua miéntraste nâ cumplido lani ttuâ nna riníyû lá attuâ. A'hua lebi'i nna labí ccani ccá le huenitsina qui' Tata Dios nna tse'e huá le bajo la' rigú'ubia' qui' Bel-liu nna.

²⁵Acca inte' nna nia' le qui'ni bittu nûyuegá ccáni le por tî'iya ccá le nu í'ya go le para qui'ni ccabàni le, nihua tî'iya ccá le nu gaccu' le. Tsí álahua adila dacca' la'labani qui' ri'u tî'chula nu ri'ya ro ri'u cá. A'hua cuerpo qui' ri'u nna, tsí álahua adila dacca'â tî'chula nu raccu' ri'u cá. ²⁶Linna'áruhua ca binni to' nu tsè'e lo be'. Bihua rada ca nihua labí rutùppa ca lèna' nihua labí redi' ca

le' yú'u. Pero Tata Dios qui' le enne' dua yiabara' nna rui'e ca ro ca. Tsí álahua adírule dacca' le tî'chula lacá cá. ²⁷Nuni le ccani itùni á tsatsitta de tantua gulaba latsi'i cá. ²⁸Acca por nu gaccu' le nna, biánicca rulaba thùti latsi' le. Liuyuúruhua ca iyya nu anta' i'yatò' tî'iya latsitte riýeni ca, pues labí biya tsina ni runi ca nihua labí rul-la ca tûu. ²⁹Pero inte' nna riquixa'ánia' le qui'ni niहुani rey Salomón lani itúbani riqueza qui'i nna labí bilá' bi adí latsitte lani ca ýo tsè'ni qui' bi tî'chu nuya ttu ca iyya tú'â'. ³⁰Yala tsè'ni rugaccu' Tata Dios ca ixxi' to' canu anta' ttu tiempo to' teruba le' yétsiloyu pero guxtila taá chi bihuèthiâ nna dia chiâ lo yi' le' horno. Acca lebi'i nna, tsí álahua adila dispuesto ná Tata Dios para gunnee adí nu riquína'ni le. Pero lebi'i nna labí confianza té qui' le lani e. ³¹Acca bittu gulaba thùti latsi' le nihua bittu ina le: Tî'ani ccábaníní ri'u attu ida, o, tî'agani ccá ri'u nu gaccu' ri'u. ³²Porqui'ni canu labí ríalatsi' nna, pues puro qui' canuá huadua iquua qui'. Pero Tata Dios qui' le enne' dua yiabara' nna hua yû bée qui'ni riquína'ni le iyaba ca cosí. ³³Acca liudua la iquua le ya'la tè nu cca qui' la' rigú'ubia' qui' Tata Dios, a'hua qui'ni guni le nu rú'ulatsi'e; làniana iyábani ca cosa nu rulaba latsi' líi nna, ni nada ba gunnee ca qui' le. ³⁴Acca bittu gulaba xàttaga latsi' le anna nu ccá qui' guxtila, porqui'ni uxé nna yètsi' bá ná nûyue da' lani â. Basta lani ca problema qui' ttu ttu tsá bá.

7 Bittu guyu le la'ditsi qui' ca enne', para qui'ni làa guni

Tata Dios le juzgar. ²Porqui'ni ti'iyábá runi le ca enne' juzgar, entonces anáhua ccá le juzgar. Lani la'a mísmuba medida nu rurixibiá'ni le ca enne' nna, nuá huá ebixibiá' huáni le. ³Biécca rinna' lu' yíyí to' nu yù'u lo attu enne', atsi'íni labí runi lu' duel-la' ebèqquia lu' nicùà' nu yù'u íyyalo lu' ni'i. ⁴Miéntaste yù'u ttu nicùà' íyyalo lu' nna, ti'ani modo eyáyani lu' gá lu' attu enne': Gulèda qui'ni ebèqquia' yíyí nu yù'u íyyalo lu' cá. ⁵Yala enne' tsè' rulue' lu' pero álahua a' ná lu'. Ná qui'ni ebèqquia yá lu' nicùà' nu yù'u íyyalo lu'a', làniana ilá' tsè'ni lu' ebèqquia lu' yíyí to' nu yù'u íyyalo attu luetsi enne' lu'. ⁶Ca cosa nu beni le'ya Tata Dios nna, bittu gute le ca lani ca beccu', no sea qui'ni eyeqquia ca nna pedázeni guni ca le. Nihua ca cuttsi nna bittu hué' le ca ca perla tsè'ni, porqui'ni nìca'chu labí guni ca ca recibir nna sino gul'lia la ca ca.

⁷Línaba nna huadi' bá le. Leyìla nna huetselá báni le. Linne ru'a puerta nna hua yàlia bá. ⁸Porqui'ni nuña tediba rinàba nna huadi' bá. Nu reyìla nna huetsèla bánía. Nu rinne ru'a ttu puerta nna huayàlia bá. ⁹Nuni ttu nubeyu' ni entre lebi'ì canchu ttu yì'nì nna inàbanià na ttu ettaxtíla gúą, tsí hué' lą na ttu íyya cá. ¹⁰Canchu inàba ttu bél-la to' gúą nna, pues aya labí capaz ná le gute le ttu bèl:là la qui'ì álá. ¹¹Lebi'ì màsqui'ba ná le enne' tul-la', pero hua yù bá le gute le ca cosa tsè' qui' ca yì'ni le. Tsí álahua adí telá lani gusto gunna Tata Dios qui' le ca cosa tsè' nu inàbani li e

cá. ¹²Iyábani ca cosa nu rú'ulatsi' le qui'ni guni ca enne' lani le nna, a'hua liguni lani laça; porqui'ni nui ná nu rulue' nu ra lo ley qui' Moisés a'hua lo ca libro nu bedia adí ca profeta qui' Tata Dios.

¹³Liguni duel-la' gá'a le ru'a puerta xcuichu to'; porqui'ni belaga ná ru'a puerta para lù'uti, a'hua fácil ná neda nu ch'ìą ca enne' para nitti ca; nuýé ca nna dia ca lo nedá'. ¹⁴Porqui'ni tabi ná ru'a puerta para la'labàni, a'hua lathi to' ná neda qui'ì; tuchùppa rúbá ca nna runi ca duel-la' thá' ca lúj.

¹⁵Lihue' cuidado lani canu rena ca qui'ni rinne ca parte Tata Dios, porqui'ni álahua iyá ca rinne ca nu ná lí; yala humilde rulue' ca ti'átsi ttu carnero to' ril-lani ca ru'a lo le; pero liú'u losto' qui' nna ná ca ti'a ttu lobo túxu nu dá'a para gul-lù'ỹą latsi' iyábani. ¹⁶Por ca hecho qui' qui' nna edácca'ni le ca nuña clase de enne' ni ná ca. Tsí ína ri'u hua redi' ri'u betsuli' nna exxuhuí nna lo ca yettse' cá. ¹⁷Iyaba ca yà canù ribia fruto tsè' lo qui' nna es porqui'ni ná ca yà tsè'. A'hua iyaba ca yà canu labí runna fruto tsè' nna es porqui'ni ná ca yà nu labí riyu'. ¹⁸Labí ccani ttu yà tsè' gunna fruto nu labí ná tsè'. Nihua labí ccani ttu yà nu labí riyu' gunna ttu fruto tsè'. ¹⁹Iyaba ca yà nu labí runna fruto tsè' nna chúu bá ca nna tsía ca lo yí'. ²⁰Acca por ca hecho qui' qui' nna edácca'ni le canchu hualigani ná lí nu rena ca.

²¹Nuýetse' ca enne' reya ca inte': Señor, Señor: pero alàa iyá ca té permiso qui' qui' para gá'a ca le' yìabara', sino làteruba canu

runi nu rú'ulatsi' Tata quia' enne' rigú'ubia' le' ÿiabara'. ²²Canchu chi gal'la' tsá juicio nna, nuÿetse' ca nna gá ca inte': Señor, Señor, ti'átsi yala titsa' rappa ca inte'. Laniana ína ca: Tsí álahua gutixà'a huá tu' lani nombre qui' cuiá'lu' ca cosa nu chì' ccálá, a'hua lani nombre qui' cuiá'lu' nna bedà'la tu' fuera iyaba ca espíritu malo de lo losto' ca enne', a'hua beni tu' iÿetse' ca milagro. ²³Làniana gudea' lo qui nna epa' ya' ca: Labí nabia' te' le, acca liucuitta ru'a lua' lebi'i' canu hueni tul'la'. ²⁴Nuÿa diba riyéniniá ca titsa' quíy'i' nna runiá ca nna, entonces inte' nna guni ya' a' comparar tì'a ttu enne'yù' nu té la' riyeni tsè' qui' nna beduá yú'u qui' lo cimientu tsè' nu púruani íyyaá. ²⁵Bedà iyya nna biria yò nna uccua be' nna gutsé'e ca yú'a. Pero labí gubixiá porqui'ni duá tsittsì lo íyyaá. ²⁶Pero nuÿa diba riyéniniá ca titsa' quíy'i' pero labí runiá ca nna, entonces inte' nna guni ya' a' comparar tì'a ttu nubeyu' necio nu beduá yú'u qui' lo yúyì. ²⁷Bedà iyya nna biria yò nna gutte be' nna gutà'tsa' ca yú'a lani itute fuerza qui' qui; yú'a nna gubixi chìa nna guche' inda itutiá. ²⁸De beyacca gunne Jesús ca titsi'i' nna yala biquila' latsi' ca enni'a de tantua ca enseñanza tsè' gutixa'ánie ca; ²⁹porqui'ni gutixa'ánie ca ti'íya ná nu guni ca, aláa tì'a ca maestro qui' qui rul'la ca nu ra lo ittì qui' ley religioso qui' caniá, sino beluè'nie ca lani la'huacca de ÿiabara'.

8 Beyàdi bá Jesús lo í'yaá nna nuÿetse' ca enne' denó ca ne. ²Làniana bitsina' ttu nu ra'ni lepra

rutsu' látì nna bedu ÿibì ru'a lúe nna ra ne: Señor, canchu calatsi' cuiá'lu' nna huaccani cuiá'lu' eyuni cuiá'lu' inte'. ³Jesús nna becàa tè né'e nna beláppe'e na nna ra tìe na: Huacca látsa'a', beyàcca nàri. Cuanto taánì rée anía nna benítilo chì itsahue' qui' niá. ⁴Làniana ra tè Jesús na: Bè' cuidado qui'ni nú ttu tehuá nuÿa quixá'ani lu', sino qui'ni huía talue' lo lu' lani sacerdotéa, bete tè ofrenda qui' lu' tì'a nu beni Moisés mandado para qui'ni ccaÿén latsi' qui'.

⁵De gutà'a Jesús le' yetsi Capernaum nna bitsina' tè ttu capitán ru'a lúe nna gutta'yúniá ne, ⁶ra ne: Señor, mozo quíya'a nna rà'niá parálisis nna nìdirúbani labí cca ttá, yàl'la'ni dolor rappá. ⁷Jesús nna rée na: Anna tháya' eyuni ya' a'. ⁸Becàbi capitáan nna ra ne: Señor, labí ná' nu dacca' para qui'ni gá'a cuiá'lu' le' litsá'a', sino canchu ína teruba cuiá'lu' titsa' nna, entonces mozo quíya'a nna eyacca latsi'i'. ⁹Porqui'ni inte' nna, tsè'e canu runi ca inte' mandado, a'hua tsè'e ca soldado làtsi' nàya' rúni ya' ca mandado; a'hua canchu gáÿia' ttuá nna huitá. A'hua mozo quí'a nna canchu épa'a ya' a: Bèni nui nna, la nna guni bá na. ¹⁰De biyénini Jesús ca titsa' qui' niá nna yala biquila' latsi'e nna rée canu denó ca néa: Hualigani te' nia' le qui'ni nihua entre ca enne' Israel nna lanú enne' té iÿeni fe qui' tì'a nu té qui' nubéyu'i'. ¹¹A'hua riquixa'ánia' le qui'ni iÿetse' ca enne' da' lado ril'lani bitsa a'hua lado renia bitsa nna il'lani ca xúanì ca lani ca ta' tàta qui' le Abraham nna Isaac nna

Jacob nna lugar de la' rigú'ubia' qui' Tata Dios. ¹²Pero ca enne' becué' Tata Dios priméruete nna labí tsé'e çà lani e le' la' rigú'ubia' qui'e, sino tsía la çà le' chul-la; nía nna ccá çà sufrir nna cuetsi çà nna góya'a tsùni laya' qui'. ¹³Làniana Jesús nna rèe capitáan: Beyya bá, porqui'ni chía ríalatsi' lu' nna, acca ccá bá tì calatsi' lu' à'. La'a mísmuba hóraá nna beyacca latsi' mozo qui' niá.

¹⁴Bitsina' Jesús litsi' Pedrua nna bilá'nie suegra qui' niá tía yi'bél-laníq̄ ÿìl-lá. ¹⁵Jesús nna bedàxu'e ní'ì nna beria chía ÿìl-láa. Lq̄ nna huatha tía nna bèniq̄ cabí servir.

¹⁶Gùl-la diba lanía nna tahua' çà ru'a lúe iyètse' canu cca padecer por ca espíritu malo; lèe nna lani titsa' qui' terúbée nna bebèqqúie fuera ca espíritu malua. A'hua iyaba canu ra'ni nna beyúnie çà. ¹⁷Anía modo nna uccua cumplir nu bedia Isaías enne' uccua profeta tiempo antigua nna ra bi qui'ni:

La'a mísmuba Señor nna beyúnie ca itsahue' qui' ri'u nna gütue iyábani ca dolor qui' ri'u.

¹⁸Beyù bá Jesús qui'ni iyètse' ca enne' tsè'e itá'lubanie nna, acca benie ca enne' ruthète'niáa mandado qui'ni tté cabí lani e attu lado la indatù'a. ¹⁹Làniana bitsina' ttu maestro nu rulue' ley qui' caniá nna rā ne: Maestro, hua tãnu' cuiq̄'lu' gāya tediba tsía cuiq̄'lu'. ²⁰Jesús nna rèe na: Ca beda' nna hua tsía bèlia qui' qui, a'hua ca bìnni to' ridà lo be' nna hua tsía huá xcu'ni to' qui' qui. Pero Nubeyu' de ÿiabara' nna labí té gāya quixa

íqqúie. ²¹Attu enne' ruthète'niáa nna ra tía ne: Señor, tanó huá' cuiq̄'lu', pero bènna cuiq̄'lu' permiso quia' qui'ni priméruya éya'a' ugáttsi'a' tãta qui'a. ²²Jesús nna rèe na: Gutà tè lani inte', be'él-la' canu yattia' qui'ni ucáttsi' luetsi nu yatti qui.

²³Laníala nna gutà'a Jesús le' bárcuá. Ca enne' ruthète'niáa nna dia tè cabi lani e. ²⁴De repente taání nna huatha ttu iyyabe' fuerte lo indatù'a hàstaá qui'ni chi rurixiá bárcuá nna chi calatsi'ì inétsiá le ìndaá, Jesús nna ti'áthi bée.

²⁵Làniana ca enne' ruthète'niáa nna bedibàni chì cabi e nna ra cabi e: Señor, bèni xia cuiq̄'lu' qui'ni l-lá rí'u porqui'ni chi rinetsi ri'u le' indj. ²⁶Lèe nna rèe cabi: Biáni cca rátsini le ni'ì, hualigani labí ríalatsi' le qui'ni inte' nna té la'huacca quia'. Làniana huàthèe nna gutìtse'e bè'a a'hua indatù'a. Luego taá indatù'a nna beyàtta' chía tsi. ²⁷Acca uccuayí ya'ání latsi' cabí nna ra cabi: Núgani enní'ì acca hàstaba be' nna indatù'ì nna riyénini çà qui'e.

²⁸Bitsina' diba Jesús attu ládula indatù'a ru'a loyu qui' ca enne' gadarenos, làniana chuppa canu cca padecer por ca espíritu malo nna beria çà le' bèlia làti bigátsi' canu yatti nna tattsa' çà Jesús. Lacq̄ nna yala túxu runi çà hàstaá qui'ni lanú nuya reyáyani tté neda nía.

²⁹Gunne çà iditsa na ra çà: Jesús ÿi'ni Tata Dios, biáni té qui' lu' ni. Tsí da' chì lu' para guni lu' intu' castigar ántesca gál-la' tiempo cá.

³⁰Idittu' tì'ba de nía nna tsè'e ttu montón ní ca cuttsi huìla go. ³¹Ca espíritu malua nna gutta'yúni çà

Jesús nna ra cą: Canchu ebèqquia lu' intu' fuera nna, bènna permiso qui'ni tsá' tu' gá'a tu' lani ca cuttsiá'. ³²Lèe nna rèe cą: Líttisia. Laca nna betsè'e latsi' qui' chuppa ca nubeyu'á nna huía cą gutà'a tè cą lani ca cuttsia. Luégutaá nna uccua litsiani ca cuttsia nna gutù'lu cą lo ttu i'yatò' nn binnia cą le' indatù'a nn gùtti cą. ³³Canu rappa ca cuttsia nna bigàa chì cą nna betsina' cą le' yetsia nna gutixà'a cą iyaba ti'i'ya ná nu uccua a'hua nu uccua lani chuppa ca nubeyu'a. ³⁴Làniana biria chì itúbani yetsi para tattsa' cą Jesús. De bitsina' cą ru'a lúe nna gutta'yúni cą ne qui'ni erie látsi caniá.

9 Làniana beyappi Jesús le' bárcuá nna huíe attu lado indatù'a nna betsine'e le' yetsi qui'áa. ²Tuchùppa ca enne' nna tahua' cą ttu nu rà'ni parálisis ru'a lúe, nìdirúbani làa cca ttá, yu'á lè'e camilla. De gutelíni Jesús qui'ni yala fe té qui' ca nubeyu'a lani e nna ra tìe nu rà'nia: Gùppa confianza yì'nia', chía beyuniyén látsa'a' ca tul-la' qui' lu'. ³Làniana tuchùppa ca maestro de la ley nna liú'u losto' bá qui' ra cą: Rinne nui ca titsa' nu ná qui'ni làteruba Tata Dios ínnié á'. ⁴De gutelíni Jesús qui'ni anía rulaba latsi' qui', acca rèe cą: Biánicca rulaba latsi' le nu labí ná tsè' ni'i. ⁵Biála adí yánaba, tsí inia': Chì beyuniyén látsa'a' ca tul-la' qui' lu', o, tsí inia': Beyátha nna gùda', acca. ⁶Pues annana gulué'nia' le qui'ni inte' Nubeyu' de Yíabara' nna té la'huacca quia' le' yétsiloyu' para eyuniyén látsa'a' ca tul-la'. Làniana rèe paralíticuá:

Beyátha nna bedi' camilla qui' lu'á' nna beya litsi' lu'. ⁷Nu rà'niá nna beyátha chía nna deyyá litsi'í. ⁸De bilá'ni ca enni'a na yala biquila' latsi' qui', bedàliani cą Tata Dios qui'ni betìe luetsi la'huaqu' qui' ca enne'.

⁹Gutte diba Jesús nía nna bilá'nie ttu nubeyu' láq Mateo rì'q lo meya làti ría ca enne' huiya impuesto nu ruquiya gobierno. Lèe nna rèe na: Gutà, tanó inte'. Matéuá nna gudulí tabá nna día tiq lani Jesús. ¹⁰Loti' re' Jesús lo meya le' yú'u nna bitsina' huá iyetse' canu ruquiya qui' impuestua nna a'hua canu dàa titsa' qui' qui' labí rigua cą ca costumbre religiosa qui' ca judúa. Iyába ca nuá nna guya cą junto bá lo meya lani Jesús nna ca enne' ruthète'niáa nna. ¹¹Ca fariséua, de bilá'ni cą qui'ni re' Jesús lani ca enni'a nna ra tè cą ca enne' ruthète'niáa: Biani cca ro Maestro qui' líq' lani canu ruquiya qui' impuesto a'hua lani adí canu tul-la' ni'i. ¹²Biyeni tènì Jesús nui nna rèe cą: Canu bihua rà'ni nna pues bihua riquína'ni cą nuya eyúniq cą, sino làteruba canu rà'ni riquína'ni cą médico. ¹³Acca ligùl-la nna liuthète' biya nuq' calatsi' Tata Dios làti rèe:

La' retúalatsi' calátsa'a',
alàa biya sacrificio ní.

Acca labí daya' para ga'ya' canu rulaba latsi' qui' qui'ni chi ná cą enne' tsè', sino daya la' para ga'ya' ca enne' tul-la' para qui'ni eyacca cą arrepentir.

¹⁴Làniana ca enne' ruthète'ni Juan el Bautista nna bitsina' cabi ru'a lo Jesús nna ra cabi e: Intu' lani ca fariséuq' teruba nna dàatiba

runi tu' ayunar. Biani cca ca enne' ruthète' qui' cuiá'lu'á' nna bihua rigua tí' cą làa ro cą. ¹⁵Jesús nna becàbinie cabi nna rèe: Tsí ína ri'u canu tsè'e thá'a nna yala triste tse'e cą miéntraste ènne'yu' ruttsaná'a du bá bi lani cą cá. Labí, pero huì'yu tsá qui'ni itua ènne'yu'a lani cą, laníalá nna guthà'na cą labí go cą por la' rehuiní'latsi'. ¹⁶Lanú nuŷa regú'u remiendo ttu vestido viejo lani ttu pedazo lari' cubi, porqui'ni la'a mísmuba remiendo cúbía nna ichèda'ą lari' viejua, anía nna adila iyàl-la' làti chi birèda'a. ¹⁷Nihua labí rigá'a ca enne' vino cubi le' bolsa vieja nu de yeti; porqui'ni cáalá ą' runi cą nna, entonces por fuerza qui' vino cúbía nna itsu' la ca bolsa yétiá nna ilàlia vínua, ą'hua ca bolsa yétiá nna labiru iŷu' cą. Sino rigá'a la cą vino cubi le' ca bolsa yeti cubi, ą' modo nna júntuba guchia bolsa yétiá lani vino cúbía.

¹⁸Hua rinne cannabée ca títsa'a nna bitsina' ttu ènne'yu' rigú'ubia' le' yétsiá, beduŷibí ru'a lo Jesús nna rą ne: Chi' gútti tegani ŷi'ni niula to' ya'a. Tsí huacca qui' cuiá'lu' ita cuiá'lu' guláppa' cuiá'lu' cuerpo to' qui' níá nna eyaccabàni tabá. ¹⁹Gudulí tề Jesús nna díe lani ą, dia huá ca enne' ruthète'niáa. ²⁰Neda bá yu'ée nna taŷeni ttu niula ne. Chi uccua tsì'nu ida rà'nią réni. Lą nna gubíga'ą cuè'e lée beláppa'ą ru'a ŷuéa. ²¹Anía benią porqui'ni liú'u losto' bíj nna rą: Canchu guláppa'a' màsqi'di ŷúe nna eyacca taá látsa'a'. ²²Bedequua tề lo Jesús nna gúnne'e na ra tìe na: Gúppa confianza ŷi'nia', chi rialatsi'

lu' qui'ni té la'huacca quia', acca chi ná lu' salvo. Dèdeba lanía nna beyacca latsi' niuláa. ²³Làniana bitsina' Jesús litsi' nubeyu' principal qui' yétsiá nna bilá'nie ca músico ą'hua alboroto nu runi ca enne'. ²⁴Lèe nna rèe cą: Líria cànna tsástito' qui'ni niula cuiti'í nna labí chi gúttią sino ti'éthi bá. Pero laçą nna burla la beni cą ne. ²⁵De chi benie mandado qui'ni éria ca enni'a nna gutè'e làti té niula cuiti'a nna gutèl-lé'e ní'í nna beyátha chią. ²⁶Gudà tề titsa' itúbani níá ti'íŷa ná milagro nu beni Jesús.

²⁷Gutte diba Jesús níá, làniana chuppa ca enne' ciego nna tanó cą ne, ditsa tsè' rinne cą nna ra cą: Cuiá'lu' ŷi'ni David, betúa latsi' cuiá'lu' intu'. ²⁸Làniana Jesús nna de chi rì'e le' yú'u nna bitsina' ca enne' ciéguá ru'a lúe. Lèe nna rèe cą: Tsí hua ríalatsi' le qui'ni huacca te' gunia' nu rinàbani le inte' cá. Becàbi cą nna ra cą: Hua ríalatsi' tu' Señor. ²⁹Làniana beláppe'e íyyalo quí nna rèe cą: Porqui'ni chi ríalatsi' le nna ccá bá tí' calatsi' le. ³⁰Luégutaá nna bilá'ni cą. Làniana Jesús nna yala idí' gunènie cą rèe cą: Lihue' cuidado qui'ni nú ttu nuŷa ccá saber nui. ³¹Pero laçą nna de beria cą níá nna bedà chi cą titsa' itúbani níá ti'íŷa tsè' ná milagro nu beniáa. ³²Merua reria cą fuera nna bitsina' tề attu te ca enne' ru'a lo Jesús tahua' cą ttu enne' ŷíi nna ccą padecer por ttu espíritu malo. ³³Benie mandado qui'ni éria espíritu malua lo losto' enne' múduá nna luégutaá guduluą gúnnią. Ca enne' nna uccuayí ya'ání latsi' quí nna ra cą: Nunca

labí chi bilá'ni ri'u guni ttu enne' luetsi ca milagruí le' nación qui' ri'u Israel. ³⁴Pero ca fariséua nna ra la çà: Porqui'ni rul-luítsa'á nu ná huexana' qui' ca espíritu malo, acca rudàl-là çà fuera.

³⁵Jesús nna gurènie le' iyaba ca yetsi a'hua ca rancho to' nna gutixa'ánie ca enne' le' ca sinagógaá ca enseñanza cubi nna beni huée predicar evangelio nu rulue' ti'iyá tsè' ná la' rigú'ubia' qui' Tata Dios. A'hua beyunie iyábani itsahue' nna gütue iyábani clase de ca dolor qui' ca enne' qui' ca yétsiá. ³⁶De bilá'ni Jesús qui'ni yií berèe' ni re' ca enne' nna, yala betúa latsi'e çà porqui'ni tsi'irúbani cani latsi' qui' nna gàtti' tsè'e bá çà tì'a ca carnero to' lanú pastor qui' qui' té. ³⁷Acca rèe ca enne' ruthète'niáa: Hualigani iyèniní lena' chi té para éy'u, átsi'ini tuchùppa rúbani ca obrero tsè'e. ³⁸Acca linàbani Tata Dios enne' ná Xana' loyuí qui'ni ithèl-le'e adí ca obrero gutùppa çà lena' qui'e.

10 Làniana gutàyi Jesús tsi'nu ca enne' ruthète'niáa nna betie la'huacca qui' cabi sobre ca espíritu malo para qui'ni ebèqquia cabi çà fuera, a'hua para qui'ni eyuni cabi iyábani itsahue' nna cúa cabi iyábani clase de dolor. ²Tsi'nu ca apóstol nna lá cabí íj: Primérute Simón lá huá bi Pedro, a'hua Andrés bettsi' bía, a'hua Jacobo yi'ni Zebedeo, lani Juan bettsi' bía nna, ³Felípea nna, Bartoloméa nna, Tomas nna, Mateo enne' bequiya qui' impuesto nna, Jacobo yi'ni Alfeo nna, a'hua Lebeo enne' guta' huá lá bi Tadeo, ⁴a'hua Simón enne'

gulátsi' partido lá cananistas nna, a'hua Judas Iscariote nu betià ne cuenta para gattie.

⁵Loti' guthel-la' Jesús ca enne' tsi'nua nna betie consejo qui' cabi nna rèe: Bittu tsía le lado qui' adí ca nación, nihua le' ca yetsi anta' le' distritu lá Samaria nna bittu gá'a le. ⁶Sino tsía la le lani ca enne' Israel porqui'ni ná çà tì'a ca carnero to' nu chi gunitti. ⁷De dia le nna guni le predicar ína le: Annana calatsi' Tata Dios qui'ni ca enne' nna hue'él-la' çà qui'ni quéé enne' cu'úbia'nie çà. ⁸A'hua ná qui'ni eyuni le canu ra'ni, a'hua canu rùtsu' láti qui' para eyacca çà nàri nna, guni le qui'ni eyátha canu yatti, a'hua ebèqquia le fuera ca espíritu malo. Chi yá guyi' bá le la'huacca para guni le ca cosa', acca ná qui'ni yá guni bá le çà. ⁹Bittu hua' le oro nihua bel-liu nu de plata, nihua nu de cobre, ¹⁰nihua morral nu cu'u le biya go le. Nihua bittu cueda le guni le prevenido para hua' le chuppa cue' yó le nihua chuppa cue' guarachu, porqui'ni ttu obrero nna dacca' bá guni çà na sostener. Nihua làa theni le ttu yà para ccani le defender. ¹¹Gayá tediba yetsi o rancho to' làti gá'a le, inàba titsa' le canchu hua dua ttu enne' ga'na dispuesto gunià le atender; entonces níabá ccá lugar qui' le hàsta'na gal-la' tsá eda' le le' yétsiá. ¹²Canchu chi gá'a le le' yú'u nna guni le çà saludar qui'ni gáta'ni çà la'yeni lo losto' qui'. ¹³Canu tsè'e le' yú'u nna canchu gudà naga' qui' qui' le, làniana la' redacca'latsi' qui' le nna gata' huá qui' qui'. Pero canchu gutsibi çà le nna, entonces egà'na

ca sin bendición. ¹⁴Nuŷa diba labí guniã le recibir le' litsi'ĩ nihua labí gudà nagui'ĩ ca titsa' qui' le nna, entonces ná qui'ni eria le le' yú'a o le' yétsiá, pero gucuibi tè bestè nì'a le, seña para télini ca qui'ni labí tsè' beni ca. ¹⁵Hualigani te' riquixa'ánia' le qui'ni adila fuerte ccá la' tsialatsi' qui' Tata Dios nu chì' da'la lani yétsiá tì'chula juicio nu uccua lani ca yetsi Sodoma nna Gomorra nna.

¹⁶Ca lugar làti rithél·la'a' le nna té peligro, tì'a ca carnero to' tsè'e lahui' ca lobo. Acca ccá le listo tì'a ca bèl·là, a'hua ccá le humilde tì'a ca becha to'. ¹⁷Lihue' cuidado lani ca enne' porqui'ni tahua' ca le ru'a lo ca juez para guni ca contra le, a'hua hué' ca le lani cuarta le' ca sinagoga làti retuppa ca.

¹⁸A'hua tahua' ca le hàstaá ru'a lo ca gobernador a'hua ca presidente nna por causa de qui'ni riquixá'a le nu cca quia'. Anía modo nna gute le testimonio nu cca quia' ru'a lo qui' a'hua ru'a lo canu idittu'.

¹⁹Canchu chi gudaxu' ca le preso nna bittu nùyue cani le tì'iyã ecàbi le, porqui'ni la'a mísmuba hora nna innia le' la' riyeni qui' le ca titsa' nu ná qui'ni inne le. ²⁰Porqui'ni álahua lebi'ĩ nuá inne, sino Espíritu Santo enne' ithel·la' Tata Dios qui' lía, lèe nna ínnié por medio de lebi'ĩ. ²¹Ttu bettsi' nna gutiã cuenta la'a bettsi' bíj para gattiã, a'hua ttu tàta nna gutiã cuenta la'a yì'ni bíj. Ca yì'niá nna eyeqquia ca contra ca tàta nàna qui' qui'. ²²Iyaba ca nna guyudí' ca le porqui'ni riquixá'a le nu cca quia', pero canu guchia bá hàstaá fin de cca ca sufrir por inte' nna, làcanuá nna l·lá ca. ²³Canchu chi gutsia

latsi' qui' le le' ttu yetsi nna, lítsiá telá attu yetsi huaya'. Hualigani te' nia' le qui'ni labí chi beyáni le tsía le iyaba ca yetsi qui' ca enne' Israel canchu chi gal·la' tsá il·lani Nubeyu' de Yìabara' attu. ²⁴Nu ruthète' nna labí dacca'ã adiru tì'chu maestro qui' niá. Nihua ttu mozo nna labí dacca'ã adiru tì'chu xana' niá.

²⁵Basta qui'ni ttu discípulo nna ccá tì' ná maestro qui' niá. A'hua nu runi servir nna ccá tì' ná xana' niá. Ttu tàta nna, canchu téni ca lá bi: enne' malo nna, pues adí teerulá mal inne ca qui' ca familia qui' bi cá.

²⁶Acca bittu gátsini le ca, porqui'ni labí ttu cosa nu gattsí' té sin qui'ni làa ilá'niã, nihua biŷa ttu secrétuni té sin qui'ni làa guni ri'u a saber. ²⁷Nu riquixa'ánia' tsua' teruba lebi'ĩ le' chul·la nna, liguni a declarar lani iyaba ca enne'.

A'hua nu riyeni gattsí' báni le nna, lítsappi iquia yú'u nna guyèni li a. ²⁸Bittu gátsini le canu rutti ca cuerpo, pues bittu ccani ca gul·lùŷa ca latsi' le. Sino lígátsi lani enne' té la'huacca qui'e gudàl·lèe ca enne' lo yì'bél·laá, a'hua cuerpo qui' qui'.

²⁹Tsí álahua ritò'o chuppa ca bìnni to' por ttu moneda to' rúbá ca. Pero nidí ttuã labí inniã loyu sino por voluntad qui' Tata Dios qui' lía.

³⁰Hàstaá ittsa' iquia le nna chi babànie iyãŷiani ca. ³¹Acca bittu gátsini le, porqui'ni adí telá dacca' le ru'a lo Tata Dios tì'chula iŷetse' ca bìnni to'.

³²Nuŷa diba gudàlianiã inte' ru'a lo ca enne' nna, a'hua inte' nna gudàliani huá ya' a ru'a lo Tata quia' enne' dua yìabara'. ³³Pero nuŷa

diba ettú'niá quixá'á nu cca quia' ru'a lo ca enne' nna, a'hua inte' nna ettu' huá te' guni ya' a presentar ru'a lo Tata quia' enne' dua yiabara'.

³⁴Bittu cani le qui'ni inte' nna daya' para qui'ni bíttuúru ccá chuppa la' rulábalatsi' le' yétsiloyu. Labí daya' para qui'ni bíttuúru til-la ca enne' sino ccá la ca dividir por causa de inte'. ³⁵Acca por causa de inte' nna til-la ca enne' entre familia: ttu yi'ni contra tàta qui'í, ttu yi'ni niula contra nàna qui'í, ttu yòlitsi' contra suegra qui'í. ³⁶Pues ca contrario qui' ttu nubeyu' nna ccá ca la'a mísmuba canu le' yú'u qui'í. ³⁷Nu catsi'íniá tàta nàna qui'í adiru ti'chu catsi'íniá inte' nna, entonces labí ccá merecer thá'a lani inte'. A'hua nu catsi'íniá ca yi'ní adiru ti'chu catsi'íniá inte', entonces a'hua labí ccá merecer thá'a lani inte'. ³⁸Nu labí ga'na dispuesto ccá padecer hàstaba canchu gútti ca enne' na porqui'ni denúá inte', entonces labí dacca'a para ccá enne' quia'. ³⁹Nuã tediba dua iquui etúa latsi'í la'labàni qui'í nì nna, pues lã nna gunittia la'labàni nu adiru dacca' para después'lá. Pero nu iria latsi' la'labàni qui'í hàstaá canchu gattia porqui'ni denúá inte' nna, lã nna ccabàni láa.

⁴⁰Nu guniã le recibir le' litsi'í nna, entonces ti'atsi inte' bá nuá runiã recibir. A'hua nu runiã inte' recibir nna, runi huá recibir Tata Dios enne' guthel-le'e inte'. ⁴¹Nu runiã recibir ttu profeta porqui'ni ná enne' rinne parte Tata Dios nna, entonces tulappa bá ná la'dàliani thá'a lani nu gute Tata Dios qui' profétaá. A'hua nu runiã recibir ttu

enne' quia' porqui'ni runiã nu ná tse', entonces lã nna luetsi premio qui' enni'a huá thá'a. ⁴²A'hua nuã diba gutiã biã tediba cosa màsqui'di ttu vaso inda dil-la' qui' nuã ttu canu xcuichu tú'í porqui'ni ná ca huenitsina quia', pero inte' nna nia' le qui'ni hualigani labí iyùl-lani Tata Dios na.

11 Beyacca diba gutixa'áni Jesús tsi'nu ca discípulo qui'áa ti'iã ná nu guni cabi, bede'e nía nna huie huequix'a le' ca yetsi anta' nía nna benie predicar. ²Litsi' iyyà bá té Juan el Bautista nna bina bi iyábani nu beni Cristua, acca guthel-la' bi chuppa ca enne' ruthè'te' qui' bíá làti rènie. ³Gunaba titsa' cabi e nna ra cabi: Tsí cuiã'lu' Cristo enne' ná qui'ni ìta, o tsí cueda tu' attu enne' huaya' áccá. ⁴Becàbi Jesús nna rèe ca enne' dia mandado qui' Juáan: Leyya liute razón lani Juáan ca cosa nu riyénini le nna ca milagro nu rilá'ni le nna. ⁵Gá le bi qui'ni ca ciego nna rilá'ni ca; ca cojo nna rida' ca; canu rùtsu' láti qui' nna reyacca ca nàri; canu cuètsu nna riyénini ca; canu yatti nna reyacca bàni ca; ca enne' humilde nna chi runa ca ca titsa' nu runna salvación qui' qui'. ⁶Ica'rubà canu bittu redúl-la'a latsi' qui' lani inte'. ⁷Bedà' diba ca nna làniana gudulo Jesús riquixé'e nu cca qui' Juáan lani ca enne' nna rèe: Biani nua' calatsi' le úhuia' le acca biria le fuera yetsi cá. Tsí huía le tanna' le ttu nubeyu' variable nu rudu chùppaniã latsi'í cá. Labí. ⁸Biani biria le tanna' le. Tsí ttu enne' nu yala tsè' de yú'í áccá. Canu raccu' yò fino qui' nna, pues le' palacio

qui' ca enne' dacca' tsè'e cą. ⁹Acca, biani biria le tanna' le áccá. Tsí ttu enne' ná profeta áccá. Hualigani qui'ni biria le iyénini le qui' ttu mensajero nu adírula enne' yēni ti'chu ttu profeta. ¹⁰Porqui'ni qui' bi nuą' riquixá'a Tata Dios làti ga'na escrito:

Ni rithél·la'a' mensajero quia',
deneru bi lo lu',

Para ithàlia bi neda para guni
ca enne' lu' recibir.

¹¹Hualigani nia' le qui'ni de lo iyábani ca enne' nna, lanú chi gùdua ccą adiru enne' yēni ti'chu Juan el Bautista. Pero canu bitote le' reino qui' yīabara' nna, pues adila enne' yēni ná cą ti'chula Juáan. ¹²Dèsdeba loti' gudulo Juan el Bautista huēni predicar hàstaba anna, iyáyiani ca enne' nna yala rue' latsi' quí gá'a cą le' la' rigú'ubia' qui' Tata Dios; canu violento nna runi cą duel·la' thí' cą na. ¹³Porqui'ni iyaba ca profeta nna ą'hua ca enne' bedia ley qui' Tata Dios nna gutixà'a cabi nu chì' ccálá, ą' beni cą hàstaá qui'ni gul·lani Juáan. ¹⁴Canchu calatsi' le gudà naga' le qui' bi nna, làbi nuá Elías enne' ná qui'ni ìta. ¹⁵Nu calatsi' téliniā nna gudà nagui'į adí. ¹⁶Acca, núnì tì'na gunia' comparar ca enne' tsè'e anna cá. Ná cą tì'a ná ca huatsa cuiti' nu rucuetsi cą flauta qui' quí lo neda nna rul·luítsa' cą idítsa ca luetsi huatsa quí, ¹⁷rena cą: Chi becuétsi tu' pieza alegre nna, pero labí bedácca'ni le. Chi hua bil·la tu' qui' enne' yatti, pero ñihua làa gurètsi le. ¹⁸Anía nia' le, porqui'ni bita Juáan nna gurèni bi rigua bi labí gu'ya gutó bi bicca'áya,

pero rena la ca enne' qui'ni espíritu malo nna duą lani bi. ¹⁹Gul·lani tehuá Nubeyu' de Yīabara' ri'ya ro bée lani iyaba ca enne' nna redena la cą: Nui nna puro go bá nna gu'ya bá nna runiā ą'hua yala catsi'ą canu ruqui'ya qui' impuesto nna ą'hua adí canu huēni tul·la' nna. Pero nia' le qui'ni canu runi obedecer la' riyeni tsè' nu da' de yīabara' nna, lacą nna rulue' rábani cą por ca hecho tsè' qui' quí.

²⁰Làniana Jesús gunnie idí'ni contra ca yetsi làti chi benie adí iýē ca milagro, porqui'ni labí beni cą reconocer qui'ni ná cą enne' tul·la' delante de Dios, acca rēe cą: ²¹Airu lu' yetsi Corazín nna Betsaida nna, porqui'ni cáalá le' ca yetsi Tiro nna Sidón nna uccua ca milagro canu chi uccua lani lebi'į, pues cuando lánì chi gùccu' cą lari' corriente nna bedua tte iquua quí seña de qui'ni reyacca cą arrepentir por ca tul·la' qui' quí. ²²Acca nia' le qui'ni de gal·la' tsá juíciua nna huāyia' la castigo tsía canu yetsi Tiro nna Sidón nna ti'chula lebi'į. ²³Ą'hua lu' nna yetsi Capernaum, màsqui'ba hàsta rúbani yīaba rulaba latsi' lu' ri'yu la' dàliani qui' lu', pero hàsta rúbani yàrèe' èxxá lu'. Porqui'ni cáalá le' yetsi Sodoma uccua ca milagro canu chi uccua lani lu' nna hualigani hàstaba anna àtsaba rì'ą. ²⁴Acca riquixa'ánia' le qui'ni de gal·la' tsá juíciua nna huāyia' la castigo tsía canu yetsi Sodomò ti'chula lebi'į.

²⁵Laniataá nna beni Jesús oración nna rēe: Cuią'lu' Tàta quia' enne' té làtsi' né'e itute la'huacca qui' yīabara' ą'hua qui' yétsiloyu,

quiŷarú cuią'lu' porqui'ni canu yala la' riyeni té qui' qui' nna labí rue'el-la' cuią'lu' qui'ni gunibia' çą ca enseñanza tsì'i nihua lani canu rulaba latsi' qui' qui'ni yala ritelíni çą. Pero lani ca huatsa to' la nna chi beni cuią'lu' çą declarar. ²⁶ A'ba beni cuią'lu', porqui'ni anía guyú'u latsi' cuią'lu'. ²⁷ Làniana ra Jesús canu tsè'e nía: Iyába ca cosa nna chi benna Tàta qui'a làtsi' nàya'. Lanú nuŷa nabíá'nią Ŷi'ni Tata Dios sino làteruba Tàtáa nna nabíá'nie bí. Lanú nuŷa nabíá'nią Tàtáa sino Ŷi'niáa, a'hua iyaba canu calatsi' Ŷi'niáa gunie declarar Tàtáa lani çą. ²⁸ Iyaba le canu rue' la' dí'latsi' le de nùà'ni le yua' ìdi'i nna, lità lani inte' porqui'ni inte' nna gunia' qui'ni èdi' latsi' le. ²⁹ Liguni la aceptar yugu' nu té quia' para lebi'i, a'hua lícca canu ruthète' quia' porqui'ni ná' maestro ŷénlatsi' nna labí itìtsi te' le. A' modo nna gatà'ni le la'ŷeni nu riquína'ni le. ³⁰ Porqui'ni fácil taá ná yugu' nu té quia' para lebi'i, a'hua yiŷi débá ná yua' nu gunna' huá'ni le.

12 Tiempo làniana gutte Jesús làti tè ŷua'. Tsá lanía nna uccua tsá redi' latsi' ca enne' judíua. Ca discípulo qui'áa nna gutuni cabí, acca guchèccu' cabi tuchùppa ŷua'xtíla, beni tsè' tè cabí çą nna gutò cabí. ² De bilá'ni ca fariséua nna ra chì çą ne: Gunna' tsáruhua ca discípulo qui' lu'a' qui'ni runi çą ttu tsina nu labí ná qui'ni guni ri'u natsa. ³ Lèe nna rèe çą: Tsí bíhuani' gul-la le làti riquixá'a biŷa beni rey David loti' gutuni bi lani ca enne' tsè'e lani bía. ⁴ Gutà'a bi le' templo qui' Tata Dios nna gutò bi

ca ettaxtíla nu ná ofrenda para Tata Dios màsqui'ba labí ná qui'ni go bi çą nihua canu tsè'e lani bía nna. Làteruba ca sacerdotéa ná qui'ni go çą ca ettaxtílaá pero bíhua beni Tata Dios bi juzgar qui'ni ná tul-la'. ⁵ Tsí bíhuani' gul-la le lo ley qui' ri'u làti ra qui'ni ca sacerdotéa màsqui'ba runi çą tsina le' templua tsá ŷeni nna, pero bihua ra qui'ni rigú'u çą falta por nuá. ⁶ Inte' nna nia' le qui'ni nì du ttu enne' adírula dacca' ti'chula templua. ⁷ Liudà naga' le nu ra Tata Dios:

La' retúalatsi' calátsa'a' para ca enne',

Alàa biŷa animal nu guni le ofrecer por inte'.

Cáalá rennia le cuenta biŷa nuą', entonces labí la juzgar runi le canu làhuabi mal runi çą. ⁸⁻⁹ Porqui'ni Nubeyu' de Ŷiabara' nna té la' rigú'ubia' qui'e lo iyábani ca tsá màsqui'ba labí ná tsá para guni ri'u tsina. Gutte bá Jesús nía nna bitsine'e le' sinagoga qui' canía. ¹⁰ Nía nna re' ttu nubeyu' gubitsi ya'abá ná' bànĵ. Gunàba titsa' tè çą Jesús para qui'ni gappa çą neda biŷa caúsani gutsia çą qui'e, acca nna ra çą: Tsí hua ná tsè' eyuni ri'u ttu enne' rà'ni tsá labí ná qui'ni guni ri'u tsina cá. ¹¹ Becabínie çą nna rèe: Canchu nuŷa ttu le du ttu carnero to' qui'i nna inniá le' yeru, tsí bihua ucàa ná' le nna ebèqquia lí a màsqui'ba labí ná tsá qui'ni guni ri'u biŷa tsina. ¹² Tsí álahua adírula dacca' ttu enne' ru'a lo Tata Dios ti'chu ttu carnero cá. Acca hua ná bá qui'ni guni ri'u tsè' qui' ttu enne' màsqui'ba labí ná tsá tsina. ¹³ Làniana ra tie nubeyu' rà'nia:

Bèl'lí ná' lu'. Lạ nna bèl'lí taá ní'j. Làniana beyacca chì ná' niá tsè' tí'ba ná attu lado. ¹⁴Beria bá ca fariséua nna gunne lettia cạ ti'i'ýala modo gútti cạ Jesús.

¹⁵De gutelíni Jesús nui nna bede'le nía. Ca enne' ýetse' nna tanó cạ ne. Lèe nna beyunie iyaba canu rà'nía.

¹⁶Làniana yala recomendar benie cạ qui'ni nú ttu tehuá nu'ya quixá'ani cạ qui'ni benie ca milagrua. ¹⁷Anía modo nna uccua cumplir nu ra Tata Dios lo libro nu bedia enne' uccua profeta loti' rèe:

¹⁸Nìba du enne' chi becuí'a' para quée huenitsìna quia' nna yala catsi'í ti' e, a'hua yala agradar cani latsi' lóstu'a' por lèe.

Ithél-la'a' Espíritu quia' sobre lèe para qui'ni equixá'anie iyaba ca nación ca titsa' lí.

¹⁹Labí ilidèe pleito lani ca enne', nihua labí ínnie idìtsani para qui'ni gudàliani ca enne' ne, nihua labí tá'béba cuenie lo ca néda.

²⁰Ttu yà to' nu chía rirèccu' tè nna labí quitta telée na; a'hua ttu lámpara nu átito' rúbá cani latsi'j nna labí guthola telée na, sino runi lée iyaba canu débil cualani.

Anía gúnié hàstaá qui'ni itute nu ná lí nna cạ vencer le' itute yétsiloyu.

²¹A'hua ca enne' qui' adí ca nación nna gappa cạ confianza lànì lèe.

²²Làniana tahua' cạ ru'a lo Jesús ttu nu cca padecer por ttu espíritu malo, nà ciego nna mudo nna. Lèe nna beyunie na, lạ nna bilá' chinią

nna gunne chią nna. ²³Iyaba ca enne' tsè'e nía nna biquila' latsi' quj nna ra luetsi quj: Tsí enni'j ýa nuá Ýi'ni David enne' ná qui'ni ita cá. ²⁴De biyeni báni ca fariséua qui'ni ra ca enne' anía, acca ra tè cạ: Nui nna runiạ qui'ni eria ca espíritu malo, pero runiạ na lani la'huacca qui' Beelzebú la nu ną nu rigú'ubia' entre adí ca espíritu malua. ²⁵Pero Jesús nna gutelí taánié la' rulábalatsi' qui' quj nna rèe cạ: Canchu nu'ya ttu gobierno lá'aní la' rigú'ubia' qui'j nna til-la tią contra la'a labíj nna, entonces l'lu'ya tabá latsi'j. A'hua ca enne' qui' ttu yetsi o ttu familia, canchu lá'aní luetsi quj nna, entonces hua'ya' gáarúbá itsá tsé'e cạ. ²⁶A'hua Satanás nna cáalá rudal-la fuera ca huenitsìna qui'j nna entonces contra la'a labíj rital-la. Canchu a' runiạ nna, ti'ala modo cue' tsittsi la' rigú'ubia' qui'j cá. ²⁷Cáalá por medio de Beelzebú runia' mandado ca espíritu malo qui'ni eria cạ, entonces canu ruthète'ni lía nna, núlá por la'huacca qui'ní rudal-la cạ fuera ca espíritu malo cá. Acca por nu runi la'a mísmuba canu ruthète' qui' le nna rulue'ní qui'ni yala enne' equivocado ná le. ²⁸Pero por la'huacca qui' Espíritu Santo runia' mandado qui'ni eria ca espíritu malua, acca hualigani qui'ni chi gul-lani la' rigú'ubia' qui' Tata Dios lani le. ²⁹Porqui'ni ti'ani modo cueqquia ttu enne' bi'ya té le' yú'u qui' attu enne' sin qui'ni làa gudaxu' ýá xana' yú'a nna guxiqquia bi cá. Laníala nna hua rialanią cueqquia iyate nu té le' yú'u qui' bi. ³⁰Nu labí du lani inte' nna, contra la inte' duą.

A'hua nu labí rutuppa lani inte' nna, runittilo lá. ³¹Acca nia' le qui'ni iyábani tul-la' nu runi ca enne' nna a'hua iyábani ca titsa' mal nu rinne ca nna té bá perdón qui' qui. Pero canu rinne biya titsa' mal ni contra Espíritu Santo nna, entonces labí perdón té qui' qui, nihua tiempo tsè'e ri'u'j nihua tiempo nu chì' da'la nna. ³²A'hua nuya diba inne biya titsa' mal ni contra Nubeyu' de Yiabara' nna, hua té bá perdón qui'j. Pero nu inne biya titsa' mal ni contra Espíritu Santo nna, entonces labí gata' perdón qui'j, nihua tiempo tsè'e ri'u'j nihua tiempo nu chì' da'la nna.

³³Canchu rena le qui'ni ttu yà fruta nà tsè', pues ná qui'ni gunna fruto tsè' canchu hualigani nà ttu yaga nu ri'yu'. A'hua canchu rena le qui'ni ttu yà fruta nà malo nna, entonces nihua fruto nu runna labí ri'yu'a. Porqui'ni ttu yà nna redacca' rabánia por ca fruto nu runna.

³⁴Yala mañoso ná le ti'a ca bèl-là. Ti'ani modo inne le ca titsa' nu ná ca tsè' canchu puro taá mal bá ná la' rulábalatsi' qui' le cá. Porqui'ni ti'ba cani latsi' losto' ttu enne' nna, á' bá ná nu rinnia. ³⁵Por ejemplo, ttu enne' tsè' nna, cani latsi' lostu'j nu ná tsè', acca rinnia ca titsa' nu ná tsè'. Pero ttu enne' mal nna, cca báni latsi' lostu'j nu ná mal, acca rinnia ca titsa' mal. ³⁶Inte' nna nia' le qui'ni iyábani ca titsa' nu labí ri'yu' nu rinne ca enne' nna, pues té qui'ni gute ca cuenta canchu chi gal-la' tsá juíciua. ³⁷Porqui'ni por la'a mísmuba ca titsa' qui' lu' nna iria nàri lu', a'hua por la'a mísmuba ca titsa' qui' lu' nna ccá

lu' condenar. ³⁸Làniana tuchùppa canu yala tsè' nabia'ni ca nu ra lo ley, a'hua tuchùppa ca fariséua nna ra ca ne: Maestro, calatsi' tu' ilá'ni tu' ttu señal nu gulue' qui'ni té la'huacca qui' cui'lu' nu dá'a de yiabara'. ³⁹Lèe nna becàbie nna rée ca: Canu tul-la' tsè'e anna pues chi biyul-lani ca enne' catsi'fnie ca, acca chì' rinàba la ca ttu milagro yeni para cáyelatsi' qui. Pero labí biya señal ni ilá'ni ca sino làteruba nu chi uccua lani Jonás enne' uccua profeta tiempo antigua. ⁴⁰Porqui'ni ti'a Jonás nna guy'u' bi por tsunna ubitsa nna tsunna yèla nna lè'e bél-la yéniá porqui'ni gutàbiá bi enteru taá, a'hua Nubeyu' de Yiabara' nna tsu'u huée lè'e guna' por tsunna ubitsa nna tsunna yèla nna. ⁴¹Ca enne' qui' ciudad Níniveá nna eyátha ca lani le canchu chi gal-la' tsá juíciua nna cuequia huá ca sentencia qui' le; porqui'ni lacá nna beyacca ca arrepentir por ca tul-la' qui' qui de biyénini ca predicación qui' Jonás. Pero entre lebi'j nna du ttu enne' adila dacca' ti'chu Jonás, pero labí rudà naga' le quì'e. ⁴²A'hua niula gulú'ubia' itute lado sur ttu cuaya nuá nna, eyátha huá lani le canchu chi gal-la' tsá juíciua nna gutsiá causa qui' le para thi' le castigo; porqui'ni idittu' tsè'ni huíá para iyéniniá ituba la' riyeni tsè' qui' rey Salomón. Pero entre lebi'j nna du ttu enne' adila sabio ti'chula Salomón, pero labí rudà naga' le quì'e.

⁴³Ttu espíritu malo canchu chi betsè'e latsi'j ttu enne' nna, làniana ribèni lo be' bá ca lugar bitsi hueyila ga'ya edi' latsi'j pero

labí ritaxáca'a. ⁴⁴Acca cania: Eyèqquia ca'á' litsá'a' làti gudáyá ya'a. Canchu chi etsina'a nna ilá'niá qui'ni enni'a nna ná tì'a ttu yú'u nu nettia bá pero chi lúba rabá nna yala tsè' chi ná arreglado. ⁴⁵Làniana tsiá taxi'a agàtsi ca demonio adila mal ti'chu lã nna gá'a tè iyaba cã lo losto' enni'a nna xúa cã nía. Làniana adí teérula peor ccã la' tté qui' enni'a tì'chula néruá.

⁴⁶Hua rinne canna báni Jesús ca enni'a nna bitsina' tè nàna qui'áa nna ca bettsi'áa nna ribèda cabi e fuera, calatsi' cabi inne cabi lani e. ⁴⁷Gutixà'a tèni ttuq ne nna rã: Nàna qui' cuiá'lu'a lani ca bettsi' cuiá'lu'a nna tsè'e cabi fuera calatsi' cabi inne cabi lani cuiá'lu'. ⁴⁸Becàbi Jesús nna rèe na: Nuni nuq' ná nàna quia' nna ca bettsi'à' nna cá. ⁴⁹Làniana gulitha tè né'e belui'e ca enne' ruthète'niáa nna rèe: Ca nui ná ca bettsi'à' nna nàna quia' nna. ⁵⁰Porqui'ni nuã tediba runi nu rú'ulatsi' Tata quia' enne' dua ÿiabara', pues lanuá ná bettsi'à' nna dána'a' nna nàna quia' nna.

13 Tsá lanía nna biria Jesús le' yú'u nna hué gùri'e ru'a indatù'a. ²Bitùppa tè iÿetse' ca enne' ru'a indatù'a làti ri'áa. Lèe nna gutè'e le' ttu barco nna guduánie nna gunne'e cã nna, ³gutixa'ánie cã iÿetse' ca comparaciòn nu cca qui' yétsiloyuì nna ÿiabara' nna rèe: Ttu campesino nna díq huedal'la ÿua'. ⁴De chi yu'q huedal'la ÿú'a nna binnia tí' ÿua' qui' niá cuitta' neda. Huadi tè ca binni to' nna bediga' cã ÿú'a. ⁵Atí' ÿú'a nna binnia le' íyyarrúe làti labí tegá guna' re'. ÿú'a nna gul'lani tabá porqui'ni

labí itettia ga re' guna'. ⁶Làniana gul'lani bitsa nna bequèxu' taá ÿú'a nna gubitsi taá, porqui'ni labí itettia ga día l-lúì. ⁷Atí' ÿú'a nna binnia làti yù'u huá l-lú ca yettse'. Pero ca yettsi'a nna gul'lani tehuá cã nna bedibàga' taá cã lo ÿú'a. ⁸Pero átí' ÿú'a nna binnia le' loyu bèbe làti benna tiã lènà' tsè': ttuq gayua' nna, áttuq gayùna' nna, attuq tsìi érua' nna. ⁹Nu calatsi' télini nna gudà nagui'ì adí.

¹⁰Làniana gubiga' ca discípulo qui'áa nna gunaba titsa' cabi e nna ra cabi: Biecca rinèni cuiá'lu' ca enne' puro taá lani ejemplo cá. ¹¹Becàbie nna rèe cabi: Porqui'ni lebi'ì teruba ná qui'ni télini le ca cosa nu cca qui' la' rigú'ubia' qui' Tata Dios nu labí chi bina ca enne' antes. Pero lacã nna labí ná qui'ni télini cã ca così. ¹²Porqui'ni nuã diba té iÿeni quì'ì nna, entonces lã nna gunia' recibir adila iÿeni. Pero nu labí té qui'ì nna, pues hàstaba tito' nu té quì'ì nna ítua telã. ¹³Por nui nna acca rinèni ya' cã puro lani ejemplo bá; porqui'ni hua rinna' bá cã pero labí rilá'ni cã, q'hua hua rudà naga' quì nna pero labí riyénini cã nihua labí ritelíni cã. ¹⁴Nì nna cca cumplir lani lacã nu riquixá'a Tata Dios lo libro nu bedia Isaías enne' uccua profeta nna rèe: Màsqui'ba gudà naga' le pero labí télini le. Màsqui'ba tetsùnì inna' le pero nihua labí ilá'ni le. ¹⁵Porqui'ni ca enne' tsè'e le' yetstì nna chi bitechuní cã tul'la'. Riyénini cã pero yala tàbi canì cã. Chi bethàya lo quì para qui'ni làa ilá'ni cã.

Chi bethàya naga' quì para qui'ni làa iyénini çà.
Anía runi çà para qui'ni làa tsíalatsi' quì, nihua làa eyeqquia çà lani inte', para qui'ni gudilá ya' çà de ca tul·la' qui' quì.

¹⁶Jesús nna beni bée seguir nna rère: Ica·rubà le por nu rilá'ni le nna riyénini le nna. ¹⁷Hualigani te' nia' le qui'ni iyètse' ca profétaá a'hua adí ca enne' canu beni nu rú'ulatsi' Tata Dios nna, yala gudà latsi' cabi ilá'ni cabi nu rilá'ni le, pero labí bilá'ni cabi a. Uccua huá latsi' cabi iyénini cabi ca titsa' nu riyénini le, pero labí biyénini cabi çà.

¹⁸Liudaáruhuá naga' le enseñanza acerca de enne' rudal·la yú'a. ¹⁹Yua' nu binnia cuitta' nédaá nna ccà comparar nu riyénini titsa' nu cca qui' la' rigú'ubia' qui' Tata Dios, pero labí ritelíniã na, entonces ril·lani tè numalua nna rigua çà titsa' nu biyada lo lòstu'ì. ²⁰A'hua yua' nu binnia le' iyyarruéa nna ccà comparar nu riyénini ca titsi'ì nna luego taá ríalatsi'ì nna yala redácca'niã. ²¹Pero labí re' tsittsi ga latsi'ì, acca tito' rúbá bechiã, porqui'ni de gul·lani ca prueba lani a nna rutsia latsi' ca enne' na porqui'ni ríalatsi'ì quia', entonces luego taá redúl·la'a latsi'ì. ²²Yua' nu binnia le' yèttsi'a nna, ccà comparar nu rudà naga' ca titsi'ì pero yala nùyue caniã por nu cca qui' bíj, a'hua la' dàlatsi' qui' yétsiloyuì nna ruthàga' tabá ca titsi'ì lo lòstu'ì, acca labí lènà' tsè' runna çà para Tata Dios. ²³Pero yua' nu binnia le' loyu bèbèa nna, ccà comparar nu riyénini nna ritelí huániã ca titsi'ì

nna runnã ttu lènà' tsè', tì'a ca yua' nu guyú'u lè'e quì gayua' nna gayúna' nna tsii érua' nna.

²⁴Gutixà'a tènìe cabí attu ejemplo nna rère: Reino qui' Tata Dios nna cca huá comparar tì'a ttu enne' nu bedal·la bi semilla tsè' gani le' loyu qui' bi. ²⁵Pero de lo tì'áthi ca mozo qui' bía nna bita contrario qui' bía nna bedal·la yubànaba' le' loyu làti chi té yua'xtílaá, làniana bedà' tìã. ²⁶De chi té yú'a nna da' tehuá riduã ettse', pero bilá' huání qui'ni gul·lani yubànaba' le' lóyúa. ²⁷Làniana ca mozua nna betsina' çà ru'a lo xana' caniã nna ra çà: Señor, tsí álahua semilla tsè' bedal·la cuiã'lu' le' loyu qui' cuiã'lu'a cá. Tì'ala modo acca té huá yubànaba' cá. ²⁸Becàbi xana' yú'a nna ra bi: Ttu contrario beniã na. Làniana ca mozua nna ra çà bi: Tsí hua calatsi' cuiã'lu' tsá' tu' nna tál·latsu' tu' yubànabá'a' áccá. ²⁹Enni'a nna becàbini bi çà nna ra bi: Bittua chì, porqui'ni nicà'chu tiempo de ril·latsu' le yubànaba'a nna íl·latsu' huá le yua'xtíla. ³⁰Adila tsa' cueda ri'u iyeni çà jùntuba hàsta'na gal·la' tsá éyu' lènà', lànialá nna épa'a' canu echu yú'a: Lechù yã yubànabá'a' nna liuýiga' a nna, liguni a manajo para tsayia, làniana edi' le yua'xtíla' nna cúa li a le' yú'u quíya'a.

³¹Gune huánìe cabí attu ejemplo nna rère: Reino qui' Tata Dios nna nã tì'ná bétsi' to' qui' ttu clase de cuàna nu guýi' ttu enne' nna gudã na le' loyu quì'ì. ³²Bétsi' tú'a nna adí telá xcuichu to' nã de lo iyaba ca semilla. Pero de chi gul·laniã nna biyeniã nna ritè láã lo iyaba

ca planta hàstaá qui'ni ca bìnni to' tsè'e lo be' nna rutsia xcu'ni quì lúì.

³³Gutixà'a tehuánie cabi nna rèe ñì: Reino qui' Tata Dios nna ná tì' ná levadura nu guỹì' ttu niula nna gulù'ua na le' tsunna yà almudo yedia. Luégutaá nna beyaỹilo ituba cúaá.

³⁴Gutixa'áni Jesús ca enni'a iyaba ca enseñanzaá puro lani ejemplos. De ruthète'nie ca enne' nna beni bée comparación de ttu cosa qui' yétsiloyu lani ttu cosa de ÿiabara'.

³⁵Anía modo nna uccua cumplir nu gune ttu enne' uccua profeta tiempo lanía nna ra bi: Quíxa'a' lani comparación para ethátsila'nà' ca enseñanza nu gattsì' bá dèdseba lotì' uccua yétsiloyu.

³⁶Làniana bechu titsa' Jesús ca enni'a nna betsine'le le' yú'u. Gubiga' tè ca discípulo qui'áa nna ra cabi e: Bethátsilà'na bálani cuiq'lu' intu' comparación qui' ÿubànaba'a nu gul:lani le' lóyúa.

³⁷Becàbie nna rèe cabi: Nu rudal:la semilla tsè'a nna née Nubeyu' de ÿiabara'. ³⁸Loyu làti huía yú'a nna ccà comparar itúbani yétsiloyu.

Pero ÿua' tsè'a nna ccà comparar ca ÿi'ni Tata Dios. ÿubànaba'a nna ccà comparar ca ÿi'ni numalua.

³⁹Contrario nu bedal:la ÿubànaba'a le' lóyúa nna ná la'a mísmuba numalua. Tiempo lènà'a nna ná fin qui' yétsiloyu. Canù rutuppa lènà'a nna ná cabí ca ángel. ⁴⁰Acca, ti'ba ril:latsu' ÿubànaba'a nna ríq lo yi' para tsaya, a' bá ccà canchu chi il:lani fin qui' tiempo tsè'e ri'uì.

⁴¹Nubeyu' de ÿiabara' nna ithel:le'e ca ángel qui'e para gutuppa cabi de le' reino qui'e iyaba canu runi

qui'ni innia ca enne' le' tul:la', a'hua iyaba canu runi bíyaáru mal nna.

⁴²Làcabi nna guda:l:la tè cabi cã le' horno yi'; nía nna ccà cã sufrir nna cuetsi cã nna góya'atsùni laya' quì. ⁴³Pero ca enne' beni tsè' nna, pues yala enne' dacca' ccà cã le' la' rigú'ubia' qui' Tàta qui' quì nna ccà titti cã tì'a rudàni' bitsa. Nu calatsì' télini nna gudà nagui'ì adí.

⁴⁴A'hua reino qui' Tata Dios nna ná tì' ná ttu tesoro gattsì' le' ttu loyu. Betseláni ttu enne' na, pero begattsì' bã na attu vuelta. De tantua redácca'niq nna beyya nna bètti'q iyate nu té qui'ì nna hui'ìq lóyúa.

⁴⁵A'hua reino qui' Tata Dios nna ná tì' ná ttu enne' runi negocio reyilq ca perla tsè'ni. ⁴⁶De bilá'niq ttu perla latsitte ni nna beyya nna bètti'q iyate nu té qui'ì nna hui'ìq pér:laá.

⁴⁷A'hua reino qui' Tata Dios nna ná tì' ná ttu exxa nu rudàxu'ni cã bél:lá. Rudal:la cã na le' indatò' nna rudaxu'q iyábani clase de bél:lá.

⁴⁸De chi bitsa' èxxaá nna reyèl:la' cã na rú'alá. De chi ÿuani cã nna redi' cã nu ná tsè', pero canu labí ná tsè' nna riru'na bá cã cã fuera.

⁴⁹A'hua ccà canchu chi l:luỹa latsì' yétsiloyuì: il:lani ca ángel nna gútse'e cabi ttu lado ca enne' beni mal, pero attu lado nna ca enne' beni tsè'. ⁵⁰Ca ángeliá nna guda:l:la tè cabi le' horno yí'a iyaba canu beni mal; nía nna ccà cã sufrir nna cuetsi cã nna góya'atsùni laya' quì.

⁵¹Bitola nna ra tè Jesús cabi: Tsí hua ritelíni le iyaba nu nýi'ì. Becàbi cabi nna ra cabi e: Hua ritelí báni tu' Señor. ⁵²Làniana rèe

cabi: Acca canchu ttu maestro de la ley déte'tsi'lá ca enseñanza qui' la' rigú'ubia' qui' Tata Dios, pues lá nna ná tì'a ttu tàta ribèqquiá ca cosa latsitte ní tuàniá, tàntua canu cubi nna a'hua canu viejo nna ruluè'niá ca ÿi'ni.

⁵³Beyacca diba gutixà'a Jesús ca ejémpuñ nna bede'e nía. ⁵⁴Betsina' tìe látsiáa nna gudulue gutixa'ánie ca enne' tsè'e le' sinagoga qui' caniá nna biquila' ya'ání latsi' qui' de tantua tsè' gutixa'ánie ça, acca ra tè ça: Gala da' la' ritelíni nna la'huacca nu té qui' nubeyu'í acca runiá ca milagru'í cá. ⁵⁵Tsí álahua ÿi'ni carpintérua bá nuá' cá. Tsí álahua nàna qui' niá nuá' lá María cá. Ca bettsi' niá nna lá ça Jacobo nna José nna Simón nna Judas nna. ⁵⁶A'hua ca dana niá nna pues le' yetsi qui' ri'uij ba tsè'e ça. Gala taxi'lá iyaba ca enseñánzi cá. ⁵⁷Por nui nna labí huálatsi' qui' què'e. Accana ra Jesús ça: Ca enne' rinne titsa' qui' Tata Dios nna, pues gaÿa tediba rappa ça cabi titsa', pero canu látsi cabi lani canu tsè'e le' yú'u qui' cabi nna nidí tito' labí rudà naga' qui' qui' cabi. ⁵⁸Acca labí benie iÿéegá milagro nía por causa de qui'ni labí huálatsi' qui'.

14 Tiempo lània nna bina gobernador Herodes iyaba nu runi Jesús. ²Làniana ra tiá canu runi tsina qui' niá: Nuá' nuá Juan el Bautista nu bétti ya'a nna, chi beyathá de lo canu yatti, acca té iÿeni la'huacca què'í para guniá ca milagruá'. ³Anía ra Herodes porqui'ni bedaxu'á Juáan preso nna beÿiqquiá bi lani cadena nna gutixá bi litsi' iÿyá, por causa

qui' Herodías niula qui' bettsi'í Felípea. ⁴Porqui'ni Juáan nna ra bi a: Tsí làa yu hua lu' qui'ni labí dani lu' thualani lu' niula'. ⁵Acca uccua latsi' Herodes gúttiá Juáan, pero gutsi bániá yétsiá porqui'ni Juáan nna uccua bi ttu profeta para laçá. ⁶Pero loti' beni ça celebrar cumpleaños qui' Herodes nna, beyà'a niula cuiti' ÿi'ni Herodías ttubá lahui' iyaba qui'. Herodes nna yala guyú'u latsi'í. ⁷Acca beniá ofrecer lani juramento qui'ni gutiá qui' niula cuiti'a iyate nu inàbaniá na. ⁸Niula cuiti'a nna bitola de chi gulù'u titsa' nàna qui' niá na, acca rá Herodes: Bènnà nì lè' ttu plato iqquia Juan el Bautistá'. ⁹Làniana yala behuiní'ni Herodes. Pero por causa de qui'ni chila beniá jurar, a'hua labí uccua latsi'í itìnìyúá lani canu ÿuàni lo meÿa lani a, acca beniá mandado qui'ni gute ça bega' iqquia Juáan què'í. ¹⁰Guthel-la' tiá mandado le' litsi' iÿyàa para ichu ça yani Juáan. ¹¹Làniana denua' tè ça iqquia Juáan le' ttu plato, bete ça na lani niula cuiti'a, lá nna bete tiá na lani nàna qui' niá. ¹²Bitsina' tè ca discípulo qui' Juáan nna bedi' cabí cuerpo qui' bíá nna becattsí' cabi a. Huía tè cabí nna gutixa'áni cabi Jesús.

¹³De biyénini Jesús razón nì nna bede'e nía nna gutè'e le' ttu barco nna huíe para attu ládula indatù'a ttu lugar yà'latsi' làti lanúgá enne' tsè'e. Pero de bina ca enne' qui'ni chi díe, acca biria ça dèsdeba le' ca yetsi qui' qui' nna díá tè ça néda yúbitsi lani nì'a qui' para tattsa' ça ne. ¹⁴De beria Jesús le' bárcuá nna bilá'nie qui'ni enne' ÿétse'ni tsè'e

chi ribeda ça ne nna, yala betúa latsi'e ça nna beyúnie iyaba canu rà'ni tsè'e lani ca enne' ribeda ça néa. ¹⁵De chi da' ràl'làa nna gubiga' ca discípulo qui'áa ru'a lúe nna ra cabi e: Chi ràl'la nna a'hua làti tsè'e ri'uij nna nà fuera yetsi. Bechu titsa' dí cuiq'lu' ca enne' para qui'ni eyeqquia ça le' ca yetsi tú'q' nna gó'o ça nu gó ça. ¹⁶Jesús nna rée cabi: Labí náduel'la' eyya ça. Lebi'ij bá liúte gó ça. ¹⁷Làcabi nna ra cabi: Labí té qui' tu' sino làteruba gayu' ettaxtíla nna chuppa bél'la nna. ¹⁸Jesús nna rée cabí: Ligunna tsanna ça nì. ¹⁹Làniana benie mandado guŷuàni ca enne' lo tácca'a. Guŷi' tìe gayu' ca ettaxtílaá nna chuppa ca bél'laá nna guchìtha lúe ŷiabarà' nna gunàbeé bendición lani Tata Dios. Làniana gùl'le'é ca ettaxtílaá nna betie lani ca discípulua, làcabi nna gutìthia cabi lani ca enne' ŷétsi'a. ²⁰Iyáŷiate ça nna gutò ça ti'iŷa bá uccuani qui' qui. Betuppa tè cabi atsi'nu ŷa tsummi tsá'ti'ni ca pedazo nu bexa. ²¹Canu gutúa nna hua ná ttu gayu' mili' ti'ga puro taá ca nubeyu', bittua cuenta re' ca enne' niula nna ca huatsa nna.

²²Luego taá beni Jesús mandado éya'a ca discípulo qui'áa le' bárcuá para eneru tè cabi nna ettè cabi attu lado indatù'a, miéntraste lèe nna rechu titse'e ca enne' ŷétse'a. ²³Bechu titsa' diba Jesús ca enne' ŷétse'a, làniana hué yà'latsi' lo ttu i'ya para gunie oración. Nía bá re' turúbée gùl'là. ²⁴Bárcuá nna chi díq' lahui' indatù'a, na' nìni rudàl'la inda bárcuá, porqui'ni còntrala cabi du bè'a. ²⁵Chì' tegáabá da'

ràni'a nna rida' Jesús lo indatù'a para taŷénie cabí. ²⁶De bilá'ni ca discípulua ne ride'e lo inda nna guretsi ya'ání cabi de tantua tsanì' ùccuani cabi nna ra cabi: Nu tsá'yela cà'a nuq'. ²⁷Pero Jesús nna bel-luít'sa' tè cabi nna rée: Ligappa confianza inte' bá nui, bittu gátsini le. ²⁸Làniana gunne tè Pedrua nna ra bi e: Señor, canchu cuiq'bálu' nuq' nna, beni qui'ni thaya' lo indì para íl'lania' ru'a lo cuiq'lu'. ²⁹Lèe nna rée bi: Gutà. Làniana biria Pedrua le' bárcuá nna guda' bi lo inda día bi ru'a lo Jesús. ³⁰Pero de beyu Pedrua qui'ni fuérteni du bè' nna yala gutsini bi, gudulo chì rinetsi bi, gunne tè bi idítsa nna ra bi Señor: Bedilàa cuiq'lu' inte'. ³¹Becàa chì ná' Jesús nna beyel-lé'e Pedrua nna ra tìe bi: Hualigani tito' rúbá fe té qui' lu'. Biecca labí gùppa lu' confianza qui'ni té la'huacca quia'. ³²Huappi bá cabi le' bárcuá nna gudutsi taá bè'a. ³³Làniana ca discípulo ca enne' yù'u le' bárcuá nna beduŷíbi cabi ru'a lo Jesús nna beni cabi e adorar nna ra cabi: Hualigani qui'ni cuiq'lu' ŷi'ni Tata Dios.

³⁴De beyacca guttè cabi lo indatù'a nna bitsina' cabi ru'a loyu qui' ca enne' Genesaret. ³⁵Benibíá' bá canu nía ne nna bedàa chì ça titsa' le' iyaba ca yetsi to' anta' nía. Làniana tahua' ça iyaba canu rà'ni ru'a lúe. ³⁶Gutta'yúni ça ne qui'ni hue'èl-le'e ça gulappa' ça màsqui'di ru'a ŷúe. Iyaba canu belappa' ça ne nna beyacca tabá latsi' qui.

15 Làniana tuchuppa ca maestro de la ley qui' ca judíua lani tuchuppa canu gulátsi'

religión lą fariseo nna da' ą de Jerusalén nna bitsina' ą ru'a lo Jesús nna ra ą ne: ²Biecca làa rigua ca discípulo qui' lu'ą' costumbre nu rulue' ca enne' gùla qui' ri'u ni'i, porqui'ni ca discípulo qui' lu'ą' nna labí runi ą ná' qui purificar, ti'a ná qui'ni guni ri'u ántesca go ri'u, acca rappa ą tul-la'. ³Becàbie nna rèe ą: Biala cca lebi'ì nna labí rigua le ca mandamiento qui' Tata Dios porqui'ni runi la le ca costumbre qui' bá le ni'i. ⁴Ttu mandamiento qui' Tata Dios nna ra ì: Gùppa respeto tàta nàna qui' lu'. Ra hué: Nuỹa diba riyèe' iquua tàta nàna quì'ì nna té qui'ni gattią. ⁵Pero lebi'ì nna rena la le qui'ni hua té bá permiso qui' nuỹa para gá tàta nàna quì'ì: Iyaba nu ná qui'ni gunia' le cualani nna chila beté ya' ą para Tata Dios, ⁶acca labiru caduel-la' gunia' cualani tàta nàna quia'. Pero inte' nna nia' le qui'ni ą modo nna riru'na le mandamiento qui' Tata Dios por tantua costumbre qui' le. ⁷Yala la' beỹia té le' la'riyeni qui' le. Hualibani Tata Dios nu rèe acerca de lebi'ì lo libro nu bedia Isaías enne' uccua profeta nna rèe:

⁸Yetsi ri'ì nna, pues lani rú'a terúbí rudettią inte', pero lostu'ì nna idittu' tsè' duą lani inte'.

⁹De balde bá rexa latsi' qui' inte', porqui'ni rulue' ą ca enseñanza nu guleqquia bá iquua ca enne' ti'atsí ną ttu mandamiento nu ná ligani.

¹⁰Làniana gutayì tè Jesús ca enne' yètsi'a nna rèe ą: Liudà naga' le para télini le. ¹¹Alahua por nu ro ttu enne' acca chi ną enne' tul-la';

sino nu riria la rú'a ttu enne', lànua nna runia qui'ni ną nu tul-la'.

¹²Bitola nna gubiga' ca discípulo qui'áa ru'a lúe nna ra cabi e: Tsí hua yù cuią'lu' qui'ni biyeni díni ca fariséuą' por ca titsa'a. ¹³Becàbi tie nna rèe cabi: Iyaba ca planta canu labí guda Tata quia' enne' dua yĩabara' nna, pues té bá qui'ni il-latsu' ą. ¹⁴Bittu ccani canchu bitsa'áni ą, porqui'ni ná ą ti'a ca ciego canu riyèl-la' ą ná' adí ca ciego. Canchu ttu ciego quél-la'ą ná' attu luetsi ciéguj nna, entonces chuppa tè ą nna innia ą lo bèl-la'a. ¹⁵Làniana Pedrua nna ra bi e: Bethàtsi là'nani cuią'lu' intu' ejemplo nu gutixá'a cuią'lu'ą'.

¹⁶Jesús nna rèe: Tsí nihua lebi'ì nna bihua ni' télini le cá. ¹⁷Tsí bihua yù le qui'ni iyaba nu rà'a rú'a ttu enne' nna día bá lì'ì, làniana iru'na bą cá. ¹⁸Pero ca titsa' nu riria la rú'a ttu enne' nna dá'ą de lo lóstu'ì nna ą'hua de la' riyeni quì'ì nna, lànuá nna runia qui'ni ną enne' tul-la'. ¹⁹Porqui'ni de lo losto' ca enne' nna riria ca la' rulábalatsi' mal para gútti ą enne', ą'hua para thúalani ą attu niula huaya' o adí ca cosa nu labí ná qui'ni guni ą, ą'hua la' ubàna nna, la' huètti enne' nna, ą'hua la' huènilatsi' nna, la' hueqquia bela'na nna. ²⁰Iyaba ca cosj nna ná ą nu runi qui'ni ca enne' nna chi ná ą enne' tul-la', pero bíttuhua porqui'ni làa runi ą ná' qui' purificar ántesca go ą. ²¹Beria Jesús nía nna hué para región qui' ca yetsi Tiro nna Sidón nna. ²²Làniana biria tè ttu niula nía ną enne' Canaán pero duą nía nna gunnią iditsa nna rą ne: Cuią'lu'

Señor Ỹi'ni David enne' uccua rey, betúalatsi' cuią'lu' inte' porqui'ni yàl-la'ni chi té ỹi'ni ya'a cça padecer por ttu espíritu malo. ²³Pero Jesús nna labí becábini na titsa'. Làniana gubiga' ca discípulo qui'áa ru'a lúe nna gutta'yúni cabi e nna ra cabi e: Becábini ą porqui'ni tanto iditsa rinniá dá'ą cuè'e la ri'u. ²⁴Jesús nna rée: Guthel-la' Tata Dios inte', aláa para luetsi niulá' sino làteruba para ca enne' Israel, qui'ni ca enne' Israel nna ná cça tì' ná ca carnero to' nu chi gunitti nna lanú pastor qui' qui' té. ²⁵Gubiga' niuláa nna beduýibí ru'a lúe nna rą ne: Señor, beni cuią'lu' inte' cualani. ²⁶Becàbi Jesús nna rée na: Labí ná tsè' qui'ni ttu tàta nna cúą ettaxtíla lo ná' ca ỹi'ní para gudal-la' na ru'a ca beccu'. ²⁷Becàbi tè niuláa nna rą: Hualibani cuią'lu' Señor, pero ca beccu' to' nna ro ba cça ca pedazo nu rinnia ru'a meýa qui' xana' qui'. ²⁸Làniana becàbi Jesús nna rée na: Lu' niula, hualigani chi ríalatsi' lu' qui'ni iýeni la'huacca té quia', acca ccá bá lani lu' tì'a ná bá la' rinàba qui' lu'.

²⁹Guttè diba Jesús nía nna gutèl-lé'e néda nu día ru'a indatò' qui' Galilea, bi'yu tìe lo ttu i'ya, nía nna gure' tènìe. ³⁰Nuýetse' ca enne' nna bitsina' cça ru'a lúe chè' cça ca enne' ná cojo nna ciego nna ca enne' ỹí nna ca enne' manco nna ą'hua iýétse'èru canu rà'ni nna betse'e cça iyaba cça ru'a lúe. Lèe nna beyunie iyaba cça. ³¹Ca enne' ỹétsi'á nna biquíla' ya'ání latsi' qui' de bilá'ni cça qui'ni ca enne' ỹía nna chi rinne cça, ą'hua ca enne' máncuá nna chi tsia nì'a ná' qui', ą'hua ca

enne' cojua nna chi rida' cça tsè', ca ciégua nna chi rilá'ni cça. Acca yala bedàliani cça Tata Dios enne' runi ca enne' Israel adorar.

³²Jesús nna gutaýie ca discípulo qui'áa nna rée cabi: Yala retúa látsa'a' ca enni'í porqui'ni chi uccua tsunna ubitsa tsè'e cça lani inte' nna labí biýa té go cça. Labí calátsa'a' ethél-la' ya' cça porqui'ni xiaba igutsi latsi' qui' lo néda canchu làa go tí'ýá cça primero. ³³Làniana ca discípulo qui'áa nna ra cabi e: Calegáhua taxi' tu' iýeni tsè'ni ettaxtíla para úgo ri'u ca enne' ỹétsi'í, porqui'ni tsè'e ri'u ttu lugar idittu' de làti anta' ca yetsi. ³⁴Jesús nna rée cabi: Bàl-la cà'a ettaxtíla dèni le. Becàbi cabi nna ra cabi e: Gàtsi teruba, ą'hua tuchùppa bél-la to' nna. ³⁵Làniana gunènie ca enne' ỹétsi'á qui'ni xúani cça loyu. ³⁶Guýi' tìe gàtsi ca ettaxtílaá lani ca bél-la tú'a nna, be' tìe gracia lani Tata Dios. Làniana gùl-le'ée cça nna bì'e ca discípulo qui'áa. Ca discípuhá nna gutíthia cabi lani ca enne' ỹétsi'á. ³⁷Iyaba cça guto cça ti'iýa bá uccuani qui' qui'. Làniana betuppa tè cabi ca pedazo nu bexa, gàtsi tsummi tsá'ti'ni. ³⁸Entre ca enne' gutò lánia nna uccua chua' vuelta gayua' ca nubeyu', bíttua cuenta re' ca niula nna ca huatsa nna. ³⁹Làniana bechu títse'e ca enne' ỹétsi'á nna gutà'a tìe le' bárcuá nna déyyeé para ladò región lá Magdala.

16 Làniana ca fariséua nna ca saducéua nna bitsina' cça ru'a lo Jesús gunàba tènì cça ne qui'ni gunie ttu prueba nu rulue' qui'ni la'huacca qui'e nna dá'ą de ỹiabara'. Anía beni cça para eyila

ca néda ti'iyalá modo cu'ée ttu falta. ²Becàbinie ca nna rèe: De chi rayi bía de diál-lalá nna rena le: Yala tsè' porqui'ni rayi bía, acca huètsa'a bá uxé. ³A'hua canchu chi reyna' bía de díla nna rena le: Iyya l-lá ccá natsá. Hua ritelí báni le ca seña nu cca ÿiaba, atsi'íni rena le qui'ni làa ritelíni le ca cosa de la'huacca de ÿiabara' nu chi cca lani le annana. Labí líni le. ⁴Benie seguir nna rèe: Ca enne' máluj nna chi biyùl-lani ca enne' catsi'ínie ca, chi' rinàba láni ca inte' qui'ni gunia' ttu milagro nu gulue' qui'ni da' la'huacca quia' dèsdeba ÿiabara'. Pero labí biya seña ni ilá'ni ca sino làteruba nu uccua lani Jonás enne' uccua profeta. Beyacca bá rèe ca anía nna bedà' tie. ⁵De bitsina' cabi attu lado indatù'a nna bexa latsi' ca discípulo qui'áa qui'ni labí nùà' cabi ettaxtíla. ⁶Jesús nna rèe cabi: Lihue' cuidado lani levadura qui' ca fariséuq' nna ca saducéuq' nna. ⁷Ca discípulo qui'áa nna gudulo cabi gunèni luetsi cabi nna ra cabi: Porqui'ni labí nùà' ri'u ettaxtíla, acca rèe la'. ⁸Gutelí taáni Jesús acca rèe cabi: Biecca rulaba latsi' le porqui'ni labí ettaxtíla nùà' le acca nia' nuq' ni'i. Hualigani tito' rúbá fe té qui' le lani inte'. ⁹Tsí àtsahua labí ritelíni le nihua làa rexa latsi' le de lo gayu' ca ettaxtílaá nna bàl-la cà'a tsummi ca pedazo betuppa le de chi beyacca gutó gayu' mili' ca enni'a cá. ¹⁰Tsí nihua làa rexa latsi' le de lo gàtsi ca ettaxtíla entre tappa mili' ca enni'a nna ábal-la cà'a tsummi ca pedazo nu bexa bedi' le cá. ¹¹Biani cca àtsahua nì' télini le qui'ni álahua por ettaxtíla nuq'

acca nia' qui'ni hué' le cuidado por levadura qui' ca fariséuq' nna ca saducéuq' nna cá. ¹²Làniana bennia cabi cuenta qui'ni calatsi'e hué' cabi cuidado qui'ni làa thacca'ýí cabi por ca enseñanza bèyia qui' ca fariséua nna ca saducéua nna, aláa por attu levadura.

¹³Deyya tè Jesús para región làti re' yetsi Cesarea de Filipo, làniana gunàba títse'e ca discípulo qui'áa nna rèe cabi: Nubeyu' de ÿiabara' nna, nuni nua' rena ca enne' qui'ni ná cá. ¹⁴Becàbi cabi nna ra cabi e: Ttu te ca nna rena ca qui'ni ná cuiq'lu' Juan el Bautista; áttu te ca nna rena ca qui'ni ná cuiq'lu' Elías; áttu te ca nna rena ca qui'ni ná cuiq'lu' Jeremías o nùyala ttu ca profétaá. ¹⁵Lèe nna rèe cabi: Lebi'ij chúná, biala rulaba latsi' le nu cca quia' ni'i. ¹⁶Gunne tè Simón Pedrua nna ra bi e: Cuiq'bálu' Enni'a Cristo ÿi'ni Tata Dios enne' bàni tulidàba. ¹⁷Làniana ra Jesús bi: Yala ica'ruba lu' Simón ÿi'ni Jonás, porqui'ni chi uccua nui declarar lani lu', aláa por nuya enne' ni le' yétsiloyuj sino por Tata quia' enne' dua ÿiabara'. ¹⁸A'hua nia' lu' qui'ni lu' ná lu' Pedro, quiere decir: piedra. Iqquia cimiéntuq' nna ilítha'a' iglesia quia'. La'huacca de lù'uti nna labí írialaniq' guniq' vencer contra iglesia quia'. ¹⁹Inte' nna gúnná' lani lu' la'huacca para ithàlia lu' reino qui' Tata Dios para ca enne'. Iyaba nu guni lu' permitir le' yétsiloyu nna a'hua ccá permitir ÿiabara', pero canchu labí nna, labí. ²⁰Làniana gunèni Jesús ca discípulo qui'áa qui'ni nú ttu tehuá nuya quixá'ani cabí qui'ni lèe enni'a Cristo.

²¹Dèsdeba lània nna gudulo Jesús gutixa'ánie ca discípulo qui'áa qui'ni naduel-la' éyyeé Jerusalén para quée padecer làtsi' ná' canù rigú'ubia' lè' yétsiá, a'hua làtsi' ná' ca sacerdote principal nna ca maestro de la ley qui' ca judíua nna. Gutixà'a huée qui'ni gútti ca ne, pero bitsa tsunna nna eyáthèe de lo lù'uti. ²²Làniana gulèqquia yetsi' tè Pedrua ne nna gudulo bi ritsa' bi e nna ra bi: Señor, bittu ina cuià'lu' a', nìdirubani ttu nu ra cuià'lu'a' làa tté cuià'lu'. ²³Làniana gùnna' tsè' tè Jesús Pedrua nna rèe bi: Becuitta ru'a lua' Satanás porqui'ni estorbo la runi lu' quia', labí rulaba latsi' lu' nu cca qui' Tata Dios sino nu cca qui' ca enne' la. ²⁴Làniana ra Jesús iyaba ca discípulo qui'áa: Canchu nuña calatsi'í thá'a lani inte' nna té qui'ni iyùl-lanià la'a labá nna ga'na dispuesto gúchia curutsi idi'i qui'i nna tanuà inte'. ²⁵Porqui'ni nuña tediba dua iquqì etúa latsi'í la'labàni quì'i nna, pues gunitti là na. Pero nuña tediba iria latsi'í la'labàni quì'i hàstaá canchu caduel-la' gattià porqui'ni denúà inte' nna; pues là nna ccabàni là. ²⁶Biani liecca canchu ttu enne' nna gunià gana itute yétsiloyu, pero bitola nna nitti bá para siempre ni'i. O biani tì'na gute ttu enne' lani Tata Dios para gáyaní nu dacca' la'labàni quì'í cá. ²⁷Porqui'ni Nubeyu' de Yíabara' nna itée lani la'yani' nna la'dàliani qui' Tata qui'áa, a'hua lani ca ángeli quì'e; làniana quíthie qui' ttu ttu tsa ca enne' ti'iyá ná bá nu beni ca. ²⁸Hualigani nia' le qui'ni tuchùppa le canu tsè'e nì lani inte' nna labí

gatti le hàsta'na ilá'ni le Nubeyu' de Yíabara' dé'e para quée Rey nna cu'úbì'e.

17 Xuppa ubitsa bitola nna, Jesús nna guleqquie Pedrua nna Jacobua nna lani bettsi' bi Juáan yà'latsi', guchi'e cabi lo ttu i'ya yèni tsè'. ²Nía nna bettsiání la' rinna' quì'e ru'a lo cabi nna uccua tittiní lúe tì'a bitsa', a'hua yúe nna beyacca tsítti tùni tì' taání yìani' bitsa'. ³De repente taá nna gudu Moisés nna Elías nna ru'a lo cabi nna rue' cabi titsa' lani e. ⁴Gunne tè Pedrua nna ra bi Jesús: Señor, yala tsè' canchu eya'na ri'u nì. Canchu hua calatsi' cuià'lu' nna guni tu' tsunna yú'u l-la' to', ttu para cuià'lu' nna, attu para Moisés nna, attu para Elías nna. ⁵Atsaba rinne Pedrua nna gul-lani ttu bía nu rudàni'raba nna bedibàga'a cabi. Biyeni tè tsi'í ttu enne' gunnie dèsdeba le' bía nna rèe: Là enni'í Yì'nia' yala catsi'í ti' e, yala redacca' te' por nu runie. Liúda naga' le quì'e. ⁶De biyénini ca discípulua ca tìtsi'í nna gubixi cabi gure'ló taá làti tsè'e cabía de tantua gutsini cabi. ⁷Làniana gubiga' Jesús beláppe'e cabi nna rèe: Leyátha nna, bittu gátsini le. ⁸Guchìtha tè lo cabi pero lanuru nuña bilá'ni cabi sino áláteruba Jesús. ⁹Beyàdi bá cabi lo í'yaá nna gunèni Jesús cabi nna rèe: Nú ttú tehua nuña quixa'áni le nu bilá'ni le sino hàsta'na qui'ni Nubeyu' de Yíabara' nna eyáthèe de lo lù'uti. ¹⁰Làniana ca discípulo qui'áa nna gunàba titsa' cabi e nna ra cabi: Biala cca rena ca maestro de la ley qui'ni naduel-la' ita yà'la la Elías cá. ¹¹Becàbi Jesús nna rèe

cabi: Hualiba yà'la Elías ita; làbi nna guni bi arreglar iyábani. ¹²Pues Elías nna chila bita bi, pero labí benibia' ca enne' bi sino bethácca' la cã bi iyate nu uccua latsi' qui. A'hua Nubeyu' de Ýiabara' nna beyàlò bá ná nu guthacca' cã ne. ¹³Làniana gutelíni ca discípulua qui'ni qui' Juan el Bautista nuá rée anía.

¹⁴De betsina' cabi làti tsè'e ca enne' ýétsi'á nna bitsina' tè ttu nubeyu' beduýibì ru'a lo Jesús nna rã ne:

¹⁵Señor, betúa latsi' cuiã'lu' ýi'ni yi' qui'ni yu'á be' nna yala telá fuerte ridacca'ã; iyé vuelta chi gubixiã lo yi' a'hua le' inda nna. ¹⁶Chi tahua' ya' a ru'a lo ca discípulo qui' cuiã'lu' pero labí uccuani cabi eyuni cabi a. ¹⁷Becãbi Jesús nna rée: Lebì'i canu labí ríalatsi' nna díátia le canu tul-la' nna, atsália cà'a itsá dà te' cuenia' lani le. Atsália cà'a itsá té qui'ni guchia' le cá. Lítahuá' a nì. ¹⁸Làniana gutil-la Jesús espíritu malua nna betsè'e taá latsi'ì nubeyu' cuíti'a. Dèsdèba hora lànìa nna beyacca chi latsi'ì. ¹⁹De chi tsè'e cabi yà'latsi' nna gunàba titsa' ca discípulua Jesús nna ra cabi: Biecca intu' nna bihua uccuani tu' gudal-la tu' a fuera cá. ²⁰Jesús nna rée cabi: Porqui'ni labí rappa le confianza lani Tata Dios. Hualigani te' riquixa'ánia' le qui'ni cáalá fe qui' le nã màsqui'di medida ttu bétsi' cuàna nna huaccani le guni le mandar i'ya duj: Guttè nà'la, entonces hua ttìã. Porqui'ni labí biya té nu làa cca posible canchu ríalatsi' le Tata Dios. ²¹Pero luetsi ca espíritu malua' nna labí ýá eria bá sino lani oración nna ayuno nna.

²²De tsè'e cabi región qui' Galilea nna ra Jesús cabi: Nubeyu' de Ýiabara' nna gute cã ne cuenta làtsi' ná' ca enne' para quée sufrir nna, ²³a'hua gútti cã ne nna, pero bitsa tsunna nna eyáthèe de lo lù'uti. De biyénini cabi rée anía nna yala behuiní'ni cabi.

²⁴De bitsina' cabi Capernaum, làniana canu ruquiya chuppa dracma huía cã ru'a lo Pedrua nna ra cã bi: Maestro qui' lía' nna, tsí bihua rute qui' ládi bi chuppa moneda cá. ²⁵Pedrua nna ra bi cã: Hua rutie ýa. Gutà'a tè Pedrua le' yú'a, pero yà'lala Jesús bel-luítse'e bi nna rée: Simón, biani ra lu' de nu cca qui' ca impuesto nna qui' ládi nna nu ruquiya ca rey le' ýétsiloyu. Nuni ruquiya cã, tsí ruquiya cã ca ýi'ni qui, o, tsí canu fuera bá áccá. ²⁶Becãbi Pedrua nna ra bi e: Canu fuera nna té qui'ni quiya cã. Jesús nna ra tìe bi: Entonces ca ýi'ni rey nna tsè'e bá cã libre álá. ²⁷Pero para qui'ni nú ttu nuya gutsa'áni iquj nna, acca lu' nna huía ru'a indatù'a' para gudaxu' lu' bél-lá. Bél-la nu gudaxu' lu' primero nna ebequia lu' a nna ithàlia lu' rú'ì. Porqui'ni nía nna yù'u ttu moneda nu dacca' tappa dracma, thi' lu' a' nna gute lu' a' lani cã para qui'ni quiya lu' nu cca quia' nna nu cca qui' lu' nna.

18 Tiempo lànìa nna gubiga' ca discípulua ru'a lo Jesús nna ra cabi e: Nuni ná nu adiru re' cuenta le' reino qui' ýiabara' cá. ²Jesús nna gutaýi tìe ttu huatsa to' nna bedue na lahui' cabi. ³Làniana rée: Hualigani te' riquixa'ánia' le, canchu labí guttsiání la' rulábalatsi'

qui' le nna tsíalatsi' le tì'a ca huatsa to' nna entonces labí gá'a le le' reino qui' Tata Dios. ⁴Acca nuña diba ná enne' losto' humilde ti'ba huatsa tú'i nna, lanuá nna ná nu adiru re' cuenta le' reino qui' Tata Dios. ⁵A'hua nuña diba guniá recibir ttu huatsa to' luetsi huátsíi porqui'ni ríalatsi'i inte' nna, inte' ba nuá runiá recibir.

⁶A'hua nuña diba guni qui'ni innia le' tul-la' nuña ttu canu xcuichu to' canu ríalatsi' qui' inte' nna, pues enne' gulú'u fálaa nna adila tsa' i'yi'quia yaní ttu iyya molino nu adiru xeni nna gudal-la tè ca na lahui' indatò'. ⁷Ica'rútsi'íru yétsiloyu por ca tul-la', porqui'ni tulidàba ril-lani tentación lani a. Pero ica'rútsi'íru nu runi qui'ni richèccu' ca enne' nna runiá qui'ni innia ca le' tul-la'. ⁸Acca canchu ná' lu' o nì'a lu' runi ca qui'ni runi lu' tul-la' nna, guchu telá ca nna guru'na ca: porqui'ni adila tsa' qui'ni dua ttu teruba nì'a ná' lu' nna gata' la'labàni nu labí ttíá qui' lu' tì'ca'la tsia chuppa nì'a ná' lu' nna tsía lu' lo yi' nu labí fin qui' té. ⁹A'hua canchu ttu lado íyyalo lu' runiá qui'ni runi lu' tul-la' nna, gulèqquia telá a nna guru'na a; porqui'ni adila tsa' gata' la'labàni nu labí ttíá qui' lu' lani ttu teruba íyyalo lu', tì'ca'la tsia chuppa íyyalo lu' nna tsía lu' lo yi'bél-laá. ¹⁰Bittu guni le despreciar nuña ttu canu xcuichu tú'i porqui'ni riquixa'ánia' le qui'ni ca ángel ca enne' rue' cabi cuidado ttu ttu ca huatsa tú'i nna tulidàba tsè'e cabi ru'a lo Tata quia' enne' dua ñiabara'.

¹¹Nubeyu' de Ñiabara' nna bitée para gudilèe iyaba canu chi gunitti.

¹²Biala ina le qui' ttu enne' canchu tsè'e gayua' carnero qui'i pero nuña ttu ca nna iyàl-là, tsí bihua guni segúrua canu noventa y nuévea nna tsía lo ca i'ya tatilà nu biyál-láa cá. ¹³Canchu chi betselánia' na nna, hualigani qui'ni adila redácca'niá por ttu teruba carneru to' qui' níá tì'ca'la por iyaba canu noventa y nueve tsè'e ba ca seguro. ¹⁴A'hua labí ná voluntad qui' Tata Dios qui' lía qui'ni nítí nuña ttu ca huátsíi.

¹⁵Canchu ttu hermano qui' lu' rigú'á falta contra lu' nna, huía litsi'i nna, níá nna entre chùppa teruba le nna eyila lu' modo para qui'ni enniá cuenta nu beniá. Canchu gudà nagui'i qui' lu' nna entonces chi beyacca tsè' lu' hermano qui' lu' a. ¹⁶Pero canchu labí gudà nagui'i qui' lu' nna, huía litsi'i attu vuelta nna guche' ttu o chuppa enne' para qui'ni nu ina chuppa o tsunna ca testigua nna tsu'úni iyaba titsa'. ¹⁷Canchu nihua lani lacà làa iyéniniá nna entonces gutixà'a telani itute iglesia. Canchu nihua lani iglesia làa gudà hua nagui'i nna, bèni telá a tratar ti'atsi ttu nu fuera o ttu nu ruquiya xatta qui' impuesto. ¹⁸Hualigani te' nia' le qui'ni iyaba nu guni le permitir le' yetsiloyu, á' cca permitir le' ñiabara', pero canchu labí nna, labí. ¹⁹Attu vuelta riquixa'ánia' le qui'ni canchu chuppa le tsè'e le de acuerdo le' yétsiloyu' acerca de biya diba cosa nu inàba le lani oración nna, entonces Tata quia' enne' dua ñiabara' nna gunie na para lebi'i. ²⁰Porqui'ni gaña tediba tsè'e chuppa o tsunna ca enne' retuppa lani nombre quia', níá nna

dua' lahui' quj. ²¹Làniana gubiga' Pedrua ru'a lúe nna ra bi e: Señor, bàl-la vuelta cà'a eyuniyén látsa'a' qui' ttu hermano quia' nu cu'á falta contra inte' cá. Tsí bedaá' gàtsi tì'a cá. ²²Jesús nna rèe bi: Alàa nia' lu' gàtsi teruba, sino setenta vuelta gàtsi.

²³Acca por nui nna reino qui' Tata Dios nna nà tì'a ttu rey uccua latsi' bi eyuni bi cuenta lani canu runi tsina qui' bía. ²⁴Gudulo tè bi ribequia bi cuenta nna biria tè ttu nu dàa qui' bi tsii mili' yā bel-liu nu de oro nna plata nna. ²⁵Pero lā nna labí tè qui' quiyā nu dàa naá, acca enne' uccua rey nna beni bi mandado ca siervo qui' niá qui'ni gutti' cā na por precio lani attu enne' huaya' para guniā tsina lúj, ā'hua qui'ni gutti' huá cā niula qui' niá nna ca yī'nj nna tsá'tséla tehua iyate nu té qui' para quiyāni cā yīyya' qui' niá. ²⁶Làniana bedu'yíbi nubeyu'a nna gutta'yúniā rey xana' niá nna rā: Señor, guppa cuiā'lu' paciencia quia', hua yíyá bétsi bá' iyate nu dà'a' qui' cuiā'lu'. ²⁷Rey enne' ná xana' niá nna yala sentir uccua bi qui' nna betúa latsi' bi ā nna beyuniyén latsi' bi itute yīyya' nu dàa qui' bía nna bela' tè bi ā. ²⁸Beria dibā nna bitsà' tiā ttu compa' qui' nu rāl-la' huá qui' tuchùppa gayua' beýu teruba nna, pero bedaxu' chiā na guduluā rithiā yanj nna rā na: Gutíyā nu rāl-la' lu' quia'. ²⁹Làniana nubeyu'a nna bedu'yíbi ru'a lúj gutta'yúniā na rā na: Gùppa paciencia quia', hua yíyá bétsi bá' iyate nu dà'a' qui' lu'. ³⁰Pero lā nna labí uccua latsi'j, sino qui'ni bedal-la lā na litsi'

iyā hāsta'na qui'ni quiyā qui' nu rāl-la'ā. ³¹Bilá' bání adí ca mozua ca cosa mal nu beniá nna yala triste uccuani cā nna huía cā taquixá'ani cā xana' ca niá iyaba nu uccua. ³²Làniana xana' ca niá nna guta'yī bi ā attu nna ra bi ā: Huenitsina mal, inte' nna beyuniyén taá látsa'a' iyate nu dàa lu' quia' porqui'ni gutta'yúni lu' inte'. ³³Lu' chúná, tsí bihua dāni lu' etúa huá latsi' lu' qui' luetsi to' lu'ā' tì'a inte' betúa látsa'a' lu' cá. ³⁴Làniana adí telá bitsá'ani bi nna bete tè bi ā para ccā castigar hāstaá qui'ni éyíyā iyāyiate nu rāl-la'ā qui' bi. ³⁵Anía guni Tata quia' enne' dua yīabarā' lani ttu tsa le canchu làa eyuniyén huá latsi' le lani itute latsi' le ca falta qui' ca hermanos qui' le.

19 Beyacca bá gunne Jesús ca títsa'a nna bede'le Galilea nna guttie yò Jordán, làniana betsine'e región qui' Judea. ²Ca enne' yētse'ni nna denó cā ne. Nía nna beyunie cā. ³Làniana bitsina' tè ca fariséua ru'a lúe para eyíla cā néda ti'yíllá modo inne cā canchu xiaba uquinnia cā ne lani ttu títsa', acca gunāba títsa' cā ne nna ra cā: Tsí hua ná tsè' qui'ni ttu nubeyu' nna éla'ā niula qui' para biyā tediba cáusani cá. ⁴Becābie nna rèe: Tsí bihua ni' gul-la le lo Escritura qui'ni Tata Dios enne' betsi'e cā yétsiloyu dèsdèba néruá, nubeyu' nna niula nna benie cā. ⁵Ráaruhuée cā: Por nui nna guthà'na ttu nubeyu' tàta nàna qui' nna itsà' tiā niula qui'j, làniana chuppa cā nna chi ná cā ttùba. ⁶Làniana labiru ná chuppa cā, sino qui'ni ttùba chi ná cā. Acca por nui nna, nu bettsà'

Tata Dios luetsi qui nna, labí ná qui'ni nuŷa el-la'á çą. ⁷Là'niana ca fariséua nna ra çą ne: Biala cca ra Moisés qui'ni huacca bá ilítha ttu nubeyu' acta de divorcio nna éla'á tią niula qui'í cá. ⁸Bécabinie çą nna rée: Por la' necio bá qui' le acca benna Moisés permiso qui'ni éla'á le niula qui' le, pero néruá nna labí uccua á!. ⁹Inte' nna riquixa'ánia' le claru taá qui'ni nuŷa diba éla'á niula qui'í pero álahua porqui'ni gùdualani niula attu nubeyu' huaya' sino porqui'ni calatsi'í thí'ą attu niula huaya' nna, nui nna chi ná adulterio nu runiá. A'hua nu edi' niula nu béla'á naá nna runi huá adulterar. ¹⁰Là'niana ca discípulo qui'áa nna ra cabi e: Canchu á'ba ná la'ritè qui' ttu nubeyu' lani niula qui'í nna entonces bihua cuenta tíą na guttsaní'í. ¹¹Là'niana rée cabi: Alahua iyá ca enne' rulaba latsi' qui' á!, sino làteruba canu chi nani Tata Dios. ¹²Por ejemplo, tsè'e canu gùlia sin capacidad para guttsaná' qui'. A'hua tsè'e canu ná çą incapaz, porqui'ni á! uccua latsi' ca enne' qui'ni ccá çą. A'hua tsè'e canu dua ttùba çą pero solamente por amor nu té qui' qui' por la' rigú'ubia' qui' Tata Dios. Nui nna ná para canu rulaba latsi' qui' qui'ni nu ra ca titsi'í nna hua ná tsè' para laçą.

¹³Là'niana ca tàta nàna nna tahuu' tè çą ca huatsa to' ru'a lo Jesús para qui'ni gutsia né'e iquua qui' nna gunie oración por laçą. Ca discípulua nna guttil-la la cabi çą. ¹⁴Pero Jesús nna rée cabi: Lihue'el-la' ca huatsa tú'ą' ibiga' çą ru'a lua', bittu guthàga' le çą; porqui'ni qui'ba luetsi ca huatsi

nna ná iyaba canu rue'èl-la' çą qui'ni Tata Dios nna quée enne' rigú'ubia'nie çą. ¹⁵De chi betsia né'e iquua ca huátsáa nna benie çą bendecir nna, bedà' tìe nía.

¹⁶Là'niana bitsina' tè ttu nubeyu' soltero ru'a lo Jesús nna rą ne: Maestro bueno, biani cosa tsè'ni gunia' para la'labàni nu labí ttja quia' cá. ¹⁷Lèe nna rée na: Biecca ra lu' inte' enne' bueno ni'i. Ni ttú lanú té ná completamente tsè' sino tùteruba Tata Dios. Canchu calatsi' lu' gata' la'labàni qui' lu' nna ná qui'ni guni lu' tsè' taá nu ra ca mandamiento. ¹⁸Lą nna ra tią ne: Nula çą. Jesús nna rée na: Bittu gútti lu'. Bittu thúalani lu' nu labí ná tsela lu'. Bittu cuana lu'. Bittu ichìtha lu' bela'na qui' ca enne'. ¹⁹Gùppa respeto tàta nàna qui' lu'. Catsi'íni lu' luetsi enne' lu' ti'atsi la'a lu' bá. ²⁰Nubéyu'a nna rą ne: Iyaba ca mandamiéntuą' runia' dèsdeba ná' xcuìchuto'. Biaruálá reyatsa te' cá. ²¹Jesús nna rée na: Canchu calatsi' lu' cca lu' enne' tsè' gani nna, beyya nna betti' biŷa té qui' lu' nna bete tì ą lani ca enne' rittè là'di', pues ŷiabara' la nna gata' riqueza qui' lu'; là'niana gutà tè tanó inte'. ²²De biyénini nubeyu' soltérua nu rée na, triste tsùba beyeqquią, porqui'ni yala rico ná. ²³Là'niana ra Jesús ca discípulo qui'áa: Hualigani te' riquixa'ánia' le qui'ni yala tàbi ná qui'ni ttu enne' rico nna hue'él-la'ą qui'ni Tata Dios nna quée enne' cu'úbia'nie na. ²⁴Nia' le qui'ni ŷánaba gá'a ttu camello le' yeru to' qui' ttu guŷa, tì'chula ttu enne' rico gá'ą le' reino qui' Tata Dios. ²⁵De biyénini

ca discípulo qui'áa nui nna yala biquila' latsi' cabi nna ra cabi: Entonces núlá ccani l-lá cá. ²⁶Gunna' tèt Jesús cabi nna rèe: Para ca enne' nna labí ná posible, pero lani Tata Dios nna yánaba iyate ca cosa. ²⁷Làniana gunne tèt Pedrua nna ra bi e: Intu' nna iyáyiate chi bethà'na tu' nna chi denó tu' cuiá'lu'. Biala thi' tu' cá. ²⁸Becàbi Jesús nna rèe cabi: Hualigani te' riquixa'ánia' le qui'ni gal-la' tsá qui'ni iyate ca cosa nna eyacca çà cubi, làniana Nubeyu' de Ýiabara' nna thí'e adí la' huacca glorioso de ýiabara' nna cué'nie lo xila' tsè'ni qui'e para cú'ubi'e. Làniana lebi'i canu denó le inte' nna xúa huani le lo adí tsi'nu ca xila' tsè'ni para cú'ubia' huáni le iyaba ca descendiente qui' tsi'nu ýi'ni Israel. ²⁹Nuýa tediba guthà'na ca yú'u qui'í l-le ca bettsi'í l-le ca daní l-le tàta nàna qui'í l-le niula qui'í l-le ca ýi'ni l-le ca loyu qui'í l-le por inte' nna, pues la nna thí'a ágayua' tántula, a'hua guniá recibir la'labàni nu labí ttí'a qui'í. ³⁰Pero nuýetse' canu neru annana ccá lá çà nu bitote. A'hua nuýetse' canu bitote annana, pues laçà nna ccá lá çà nu primeru.

20 Reino qui' Tata Dios nna ccà comparar tì'a ttu nubeyu' ná bi patrón, huàni' ba nna biria bi huila mozo para tsá çà tsina qui' bi. ²De chi beyà'na lani bi ca mozo qui' bía qui'ni quiýa bi çà ttu denario ttu tsá nna, guthel-la' tèt bi çà làti runi bi tsina betsulí'. ³Tsunna hora tì'ga bitola nna biria bi làti cca i'yya nna bilá'ni bi attu te canu cuenta tsè'e bá çà. ⁴Ra tèt bi çà: A'hua lebi'i nna, lítsía huá

tsina quia', inte' nna hua yiýa ba' le tì'a nu ná bá. Laçà nna huía tèt çà. ⁵Biria tèt bi attu ttu tsi'nu hora nna, a'hua attu vuelta riti' tsunna nna, anía huá beni bi arreglar lani attu te çà. ⁶Ttu riti' gayu' diál-lalá nna bilá' huáni bi adí canu cuenta tsè'e bá çà, acca ra bi çà: Biecca betuýia tsá bá tsè'e le nì bihua biýa runi le ni'í. ⁷Becàbi çà nna ra çà bi: Porqui'ni lanú nuýa runna tsina qui' tu'. Làniana ra tèt bi çà: A'hua lebi'i nna lítsía huá tsina quia' nna, huaýa bá le tì'a nu ná bá. ⁸De gùl-la tsá làniana nna, xana' tsinàa nna ra bi nu ná jefe qui' ca mozo qui' bía: Beyáyi iyaba ca mozuá' nna gutiýa çà qui' natsá, pero thulo lu' quiýa lu' yà'la canu gutà'a bitotí'a' làniana canu gutà'a primérua. ⁹Gubiga' tèt canu gutà'a riti' gáyua, ttu ttu tsa çà nna guýi' laýa qui' qui' ttu tsá entero taá. ¹⁰Làniana gubiga' tehuá canu gutà'a primérua belaba latsi' qui' qui'ni thi' çà adí iýeni, pero laçà nna ttu denario huá guýa çà. ¹¹De guýi' çà bél-liua nna gudulo çà rinàba ýi'ya' çà lani patrón qui' caniá nna ¹²ra çà: Canu bitotí nna ttu hora rúbá gütse'e çà tsina, atsi'íni tulappa ná bá laýa tu' nna, yala guýacca' tu' betuýia tsá lo tsina' nna uccuani tu' ubá nna. ¹³Becàbi xana' tsinàa nna ra bi ttuá: Amigo, bihua biýa riguánia' lu'. Tsí álahua beya'na ri'u qui'ni quiýa lu' ttu denario cá. ¹⁴Acca guýi' bá nu ná laýa lu' nna beyya tèt; inte' nna calátsa'a' gutià' qui' nu bitotí tulappa bá lani lu'. ¹⁵Tsí bihua derecho té quia' gunia' ti'íya bá calátsa'a' lani nu té quia' cá. Tsí rappa lu' la'yélatsi' porqui'ni

ná' enne' tsè' áccá. ¹⁶Anía modo nna canu último nna ccá lá cą nu primero, ą'hua canu neru nna ccá cą nu bitote; porquini nuýetse' cą chi nàýinie, pero tuchùppa rúbá cą chi rée'.

¹⁷De yù'u Jesús néda para Jerusalén nna gulequie tsì'nu ca discípulo qui'áa yà'latsi' nna rée cabi: ¹⁸Annana dia ri'u Jerusalén. Nía nna gute cą Nubeyu' de Ýiabara' cuenta làtsi' ná' ca sacerdote principal nna ca maestro de la ley nna; lacą nna cuequua cą sentencia quì'e para gattie. ¹⁹Ą'hua gute cą ne cuenta làtsi' ná' canu dittu' rigú'ubia' le' ciudáad para qui'ni guni cą ne burla nna hué' cą ne lani cuarta nna, làniana gutá' cą ne lo curutsi para gattie; pero bitsa tsunna nna eyathèe de lo lù'uti.

²⁰Làniana gubiga' tè nàna qui' ca ýi'ni Zebedéua nna beduýíbi ru'a lo Jesús gunàbanią ne favor. ²¹Lèe nna rée na: Biani calatsi' lu'. Becàbią nna rą ne: Bèni cuią'lu' mandado qui'ni xuàni chuppa ca ýi'ni yì'į cuitta' cuią'lu' le' reino qui' cuią'lu'a, ttuą lado ná' bàni nna áttuą lado ná' yatti nna. ²²Làniana becàbi Jesús nna rée na; Labí ritelíni le biýa nuą' rinàba le. Tsí ína ri'u qui'ni guchia bá le tté le iyaba ca sufrimiento nu ná qui'ni ccá' padecer cá. Làcabi nna ra cabi e. Guchia bá tu'. ²³Lèe nna rée cabi: Hualigani qui'ni cca hua le padecer tì'a inte' ccá' padecer, pero de xuàni le lado ná' bània' nna lado ná' yattia' nna, álahua quia' ną para gunna ya' ą, sino Tata quia' chi benie na preparar para gutie na lani canu cąba latsi'e. ²⁴De biyénini

á tsii ca discípulua ania nna, yala bitsa'áni cabi canu chuppa bèttsi'a. ²⁵Làniana gutaýi tè Jesús cabi ru'a lúe nna rée cabi: Hua yù ba le qui'ni canu rigú'ubia' le' ca nación nna runi taáni qui' quì itúbani; ą'hua adí canu re' cuenta nna yala ruthítsini cą ca enne' qui'ni guni cą tsina lo quì. ²⁶Pero entre lebi'į nna labí ccá ą'. Sino qui'ni canchu nuýa calatsi'į ccą enne' ýeni entre lebi'į nna, pues ná qui'ni ccą ttu nu gunią iyaba le servir. ²⁷Ą'hua canchu nuýa ttu le calatsi'į ccą nu neru nna, pues caduel-la' qui'ni ccą ttu nu gunią le servir tulidàba. ²⁸Tì'a Nubeyu' de Ýiabara' nna labí bitée para qui'ni guni ca enne' tsina lúe, sino para guni lée iyaba ca enne' servir, ą'hua para íria latsi'e la'labàni quì'e para qui'ni l-lá nuýetse' ca enne'.

²⁹Làniana de beria cabi yetsi nu lá Jericó nna, enne' ýétse'ní denó cą ne. ³⁰Chuppa ca ciego ýuàni cą cuitta' nédaá nna, de biyénini cą qui'ni dia Jesús néda nía nna, acca gunne cą iditsa nna ra cą: Cuią'lu' Ýi'ni David, guppa cuią'lu' la' retúalatsi' qui' tu'. ³¹Gutil-la tè ca enne' cą qui'ni guthaya rú'a quì. Pero lacą nna adila iditsa gunne cą nna ra cą: Cuią'lu' Ýi'ni David, betúa latsi' cuią'lu' intu'. ³²Gulèda tè Jesús nna gutàýie cą nna rée cą: Biani calatsi' le gunia' por lebi'į. ³³Lacą nna ra cą ne: Señor, calatsi' tu' iyàlia ca íyyalo tu'į. ³⁴Jesús nna betúa taá latsi'e cą nna beláppe'e iyyalo quì, luegu taá bilá' chini cą nna dia tè cą lani e.

21 Exa tegáabá Jerusalén chi deyya cabi nna

betsina' cabi ttu lettia láá Betfagé liuítta' i'ya láá Monte de los Olivos. Guthel-la' tē Jesús chuppa ca discípulo qui'áa, ²rēe cabi: Lítsia le' yetsi to' nu re' frente taá tétea nna, hua taxácca' diga le làti ta' ttu burra to' tsa' ŷi'nī ethàtsi li a nna eche' tētsate' le çà nī. ³Canchu nuŷa biŷa gá le nna, lebi'i nna gá tē li a qui'ni: Señor qui' tū'a nna riquína'nie çà. Làniana hue'él-la' tabá le eche' le çà. ⁴Iyaba nui nna uccua para qui'ni ccá cumplir nu ra ttu enne' uccua profeta:

⁵Lígatsi ciudad qui' monte Sión:
Nī chi da' Rey qui' lū'a, née
enne' ŷénlatsi'.

Lēe nna tsìe ttu burro to' ŷi'ni
ttu burra nu rua' yùà'.

⁶Huía tē ca discípulua nna beni cabi tū'a nu ra Jesús cabía. ⁷Betsina' tē cabi deche' cabi búrraá lani ŷi'ni to' qui' nía nna, guxua tē cabi ca lari' qui' cabi cuè'e qui. Jesús nna gutsia tē ttua. ⁸Iŷé mili' tsè'ni ca enne' día tē çà lani e nna gutsila tē çà ca lari' qui' qui lo néda, adí çà nna gutittsa çà ca l-la' qui' ca yà nna benita' tē çà çà lo neda para ttíe. ⁹Ca enne' denérua a'hua canu denál-la'láa nna iditsa tsè' bedàliani çà ne nna ra çà: La'dàliani para enni'i porqui'ni née ŷi'ni David para ccá huée Rey qui' ri'u. Bendito enne' da' por mandado qui' Señor Dios. La'dàliani para Tata Dios enne' dua ŷiabara'. ¹⁰De gutà'a Jesús le' ciudad Jerusalén nna, iyáŷiani ca enne' le' ciudad nna bitùppa çà para inna' çà nna ra çà: Nú gani nui da' nī. ¹¹Adí ca enne' nna ra çà: Là enni'i enni'a' Jesús enne' rinne parte Tata Dios, née enne' Nazaret qui' Galilea.

¹²Laniana gutà'a Jesús le' lí'a qui' templua nna bedal-lēe fuera iyaba canu tsè'e nía huetti' nna hui'i nna, berixie ca meŷa qui' canu ritsila bēlliuua nna a'hua ca xila' qui' canu rutti' çà becha nna runi çà negocio ru'a templua, ¹³ra tē çà: Tata Dios nna rēe lo titsa' qui'e: Yú'u quiŷi'i gata' líŷi yú'u para oración; atsi'íni lebi'i nna bēlia qui' ubàna la chī nani li a. ¹⁴Le' templua bá ri'e nna, bitsina' tē ca ciego nna ca cojo nna ru'a lúe. Lēe nna beyunie çà. ¹⁵Pero tsè'e huá ca sacerdote principal a'hua ca maestro de la ley nna bilá'ni çà ca milagro nu runiáa, a'hua biŷénini çà qui'ni ca huatsa cuiti' rudàliani çà ne iditsa tsè' le' templua de ra çà: La'dàliani para enni'i porqui'ni née ŷi'ni David para ccá huée Rey qui' ri'u. Acca yala bitsa'áni ca sacerdotēa nna a'hua ca maestro nu rulue' nu ra lo ley religiosa qui' caniá nna, ¹⁶ra çà ne: Tsí bihua riyénini lu' nu rinne ca nui. Jesús nna rēe çà: Hua riyeni te', pero tsí bihua nī' gul-la le làti ra:

Chi nani cuiã'lu' Señor Dios
qui'ni ca huatsa to' a'hua canu
atsàba rátsi' nna gudàliani çà
cuiã'lu'.

¹⁷Làniana Jesús nna bethà'na tē çà nna berie le' ciudad nna betsine' le' yetsi Betania; níaba beya'née yèlàa.

¹⁸Attu yu'udílaá nna deyya Jesús para ciudad Jerusalén attu. Néda bá yu'ée nna gutùnīe. ¹⁹Bilá' tēnie ttu yà exxuhuí du exa tegábá lo néda nna. Huía tē làti du naá pero labí té exxuhuí lúŷi sino puro l-la' bá tsia, acca rēe na: Dēsdeba annana

jamás làa cuía teerulá fruta lo lu' cá. Làniana gubitsi chì yà exxuhuía. ²⁰De bilá'ni ca discípulo qui'áa nui nna yala uccuaýi latsi' cabi nna ra cabi: Ti'ani modo acca gubitsi taá yà exxuhuía' cá. ²¹Becàbi Jesús nna rée cabi: Hualigani te' nia' le qui'ni cáalá té tí' fe qui' le nna a'hua bittu gudu chùppaniã le nna, entonces alàarula luetsi nu uccua lani yà exxuhuía' guni le, sino hàstaá i'ya duj canchu guni li a mandar gá li a: Becuita nna guttè lo indatò' la nna, pues huattiq. ²²Iyaba nu inàba le lani oración nna, huadi' li a canchu ríalatsi' le qui'ni á' ccá según ba nu rinàba le.

²³Betsina' bée le' templua nna, bitsina' tè ca sacerdote principal lani canu rigú'ubia' le' ciudad ru'a lúe miéntraste riquixa'ánie ca enne' nna ra ca ne: Nuni por mandado qui'ni acca runi lu' ca cosj. Nuni benna derecho qui' lu' para quixá'a lu' ca enseñanzj cá. ²⁴Becàbi Jesús nna rée ca: A'hua inte' nna inàba titsa' huá' le, canchu ecàbini le inte' nna làniala nna equixa'á huánia' le nuña benna la'huacca quia' acca runia' ca cosj. ²⁵Gala da' derecho qui' Juan el Bautístaá para guni bi bautizar cá, tsí de ÿiabara' la o tsí ca enne' bá bete derecho qui' bi áccá. Làniana gudulo ca be' ca titsa' ti'iyala ecàbini ca ne nna ra luetsi quj: Canchu ina ri'u qui'ni autoridad qui' Juáan para guni bi bautizar nna dá'a de ÿiabara', entonces gá taq ri'u: Bialacca làa huálatsi' le qui' bi cá. ²⁶A'hua canchu ina ri'u qui'ni por mandado qui' ca enne' bá acca beni bi bautizar nna, nica'chu biya

guthácca' yetsi ri'u; porqui'ni iyaba ca nna ra ca qui'ni Juáan uccua bi ttu profeta qui' Tata Dios. ²⁷Acca mejor la becàbini ca Jesús nna ra ca ne: Labí yù tu'. Làniana becàbi tè Jesús nna rée ca: Nihua inte' nna labí quixa'ánia' le nuña benna la'huacca quia' acca runia' ca cosj.

²⁸Raáruhuá Jesús: Biani rulaba latsi' le acerca de nu iníy'i. Ttu nubeyu' nna gutsé'e chuppa ÿi'ni. Huía tiã ru'a lo ÿi'ni nu guláa nna ra na: ÿi'nia', huía tsina qui' ri'u le' loyu làti runi ri'u tsina betsulí'a. ²⁹Lã nna becàbiã nna ra tãta qui' niã: Labí calátsa'a'. Pero bitola nna beyacca arrepentir nna huía báã. ³⁰Huía tè nubeyu'a ru'a lo attu ÿi'ni niã nna, anáhua ra na: Becàbiã nna ra tãta qui' niã: Ooba Señor, hua ya'aba'. Pero labí huía. ³¹Nula canu chuppáa beni nu rú'ulatsi' tãta qui' caniã cá. Laca nna ra ca: Nu nerua. Làniana ra Jesús ca: Hualigani te' riquixa'ánia' le qui'ni canu rutebiã telá ca ruquiya ca qui' impuesto, a'hua ca niula pública nna, pues laca nna deneru la ca lo le para le' reino qui' Tata Dios. ³²Porqui'ni loti' bita Juáan nna gutixa'áni bi le lo néda nu ná lí, pero labí huálatsi' le qui' bi. Pero canu ridi' qui' impuesto nna a'hua ca niula pública nna huía taá latsi' quj qui' bi. Lebi'i nna nihuani de bilá'ni le loti' huálatsi' quj, pero bihua beyacca le arrepentir para tsía hua latsi' le ca titsa' qui' bi.

³³Liudà naga' le attu comparación. Gúdua ttu enne'yu' nna guda bi planta qui' betsulí' le' loyu qui' bi. Bedequia tè bi a li'ya, a'hua gulequia bi ttu pozo làti guxãtta

ca iquua betsulí'a para cuequua ca inda qui'í. A'hua bedu tè bi ttu torre. Làniana betèsa tè bi lóyúa lani canu guni ca na tsina. Pero làbi nna guda' tè bi día bi idittu'. ³⁴De chi debiga' tiempo edi' ca fruto qui' betsulí'a nna, guthel-la' bi ca mozo qui' bía làti tsè'e canu runi tsina le' lóyúa para qui'ni edi' ca fruto nu ná qui'ni thi' bi qui' loyu qui' bía. ³⁵Pero canu runi tsina le' lóyúa nna bedaxu' la ca ca enne' guthel-la' bía, yala idí' bè' ca ttuq, áttuq nna bè' ca na íyya nna bètti telá ca áttuq nna. ³⁶Xana' lóyúa nna bedethèl-la' gáabá bi adírula iýé ca enne' runi tsina qui' bi, pero anía hua bedethácca' ca ca. ³⁷Por último nna guthel-la' bi propio gani ýi'ni bía nna ra bi: Huappa cà'ba ca respeto ýi'ni yì'í. ³⁸Pero canu runi tsina lóyúa nna de bilá'ni ca ýi'ni bía nna, gulù'u titsa' luetsi qui' nna ra ca: Lànuí nuq' eyà'nq' ituba loyui. Litsa' gútti ri'u a para qui'ni ccá qui' ri'u itute herencia qui' niq'. ³⁹Acca bedaxu' chi ca ýi'ni bía nna bedal-la ca bi fuera lóyúa nna bètti tè ca na. ⁴⁰Acca lebi'í nna, canchu chi el-lani propio gani xana' lóyúa nna, biani guni bi lani canu betèsa bi lóyúa para guni ca na tsinàa cá. ⁴¹Becàbi ca nna ra ca ne: Seguro nna nì tito' làa etúa latsi' bi ca sino gul-luýa bi latsi' ca enne' malua, làniana gutèsa tè bi loyu qui' bía lani canu huaya' la canu ná ca enne' cumplido nna gute ca fruto qui' bi tiempo de lènà'a. ⁴²Beni ba Jesús seguir nna rèe ca: Tsí nunca huá nì' gul-la le lo Escritura làti ra:

Íyya nu labí guyú'u latsi' canu rucúàa' yú'a nna, chi ná íyya

principal nu adila tsittsi naxu'a yú'a.

La'a mismu gani Señor Dios chi benie nui, ná ttu cosa nu dacca' iquila' báni latsi' ri'u.

⁴³Acca nia' le qui'ni reino qui' Tata Dios nna ituq lani le nna ccá para ca enne' huaya' la canu guni ca na tsina para ttu lènà' tsè' qui'e.

⁴⁴Nuýa tediba ibixi lo íyya principal ni nna l-luýa latsi'í completamente taá; a'hua nuýa íquiamí innia íyyi nna gútsi'ití'níq na. ⁴⁵De biyénini ca sacerdotèa a'hua ca fariséua ca comparación por enseñanza nu gutixè'e, entonces gutelíni ca qui'ni qui'ba qui' nua rinnie. ⁴⁶Acca uccua latsi' qui' cu'ú ná' qui' Jesús, pero gutsibáni ca biýa guthácca' ca enne' yétsiá ca, porqui'ni para ca enne' yétsiá nna uccuee ttu profeta qui' Tata Dios.

22 Jesús nna gutixa'ánie ca attu enseñanza por medio de ttu comparación nna rèe: ²Reino qui' Tata Dios nna cca huá comparar ti'a ttu enne' uccua rey beni bi thá'a qui' ýi'ni bía. ³Guthel-la' tè bi canu runi tsina qui' bía tanne ca canu chi naýini bi thá'a. Pero canu nàýia nna labí uccua latsi' qui' tsía ca. ⁴Bedethèl-la gáabá bi attu te canu runi tsina qui' bía nna ra bi ca: Lígatsi canu chi naýi ti'q' qui'ni chi béttíá' ca gù'na quia' nu adiru riýeni nna a'hua adí ca animal quia', chi benia' preparar la'go, iyáténí chi ná prevenido, líta taá fiéstj. ⁵Pero canu nàýia nna labí caso beni ca. Ttuq nna huíq lo tsina qui' bíj, attuq nna huía lq' bíyaáru negocio qui'í. ⁶Adí ca nna bedaxu' la ca ca enne' día mandádua nna

beni la cã cabi maltratar nna betti cã cabi. ⁷Biyeni bání rey noticiꝝ nna yala bitsa'áni bi nna guthel-la' chî bi ca soldado qui' bía nna bel-luÿa cã latsi' ca huetti enni'a nna bedayi cã yetsi qui' caniá. ⁸Làniana ra bi canu runi tsina qui' bía: Hualigani chî ná preparado thá'a pero canu naÿi tẽ'a nna labí ná nu dacca' cue'ni lo meÿa lani inte'. ⁹Acca lítsiá làti retsa' ca neda. Iyabani ca enne' etsà' le nna ligàÿi cã ita cã fiéstj. ¹⁰Biria chî canu runi tsina qui' bía lo ca néda nna gutàÿi cã iyábani ca enne' betsàa' cã, tàntua canu runi mal nna a'hua canu runi nu ná tsè' nna, hàstaá qui'ni bitsà'ti'ni le' yú'u thá'a ca enne'. ¹¹Gut'à tẽ rey le' yú'a para inna' bi iyaba ca enne' chi bitùppa, bilá' tẽni bi ttu nubeyu' ri'a nía labí naccu'a lári' nu bete bi para thá'a. ¹²Làniana ra bi a: Amigo, ti'ani modo acca re' lu' nì nna làa naccu' lu' nu benna' para fiéstj. Lã nna tsidi rúbá ri'a. ¹³Làniana ra rey canu runi tsina lo meÿa: Líthi' a nna, liuÿi'qquia ca nì'a ní'j nna, líchú'na a fuera la; nía nna ccã sufrir nna cuetsiã nna góya'atsùnì layi'j. ¹⁴Porqui'ni nuÿetse' cã chi nàÿinie, pero tuchùppa rúbá cã rée'.

¹⁵Bedà' tẽ ca fariséua nna gunne lettia cã ti'iÿala modo guquinnia cã Jesús lani ttu titsa'. ¹⁶Guthel-la' tẽ cã ru'a lúe ca discípulo qui' caniá lani canu gulaní partido qui' Herodes nna ra cã ne: Maestro, hua yù ba tu' qui'ni labí runi latsi' cuiã'lu', sino riquixá'a cuiã'lu' lo néda lígani qui' Tata Dios, labí rátsini cuiã'lu' nu rena ca enne', nihua labí rucué'ní cuiã'lu' ca

enne' según la' rinna' qui' qui, sino ttu rú'ataá cani cuiã'lu' cã. ¹⁷Acca calatsi' tu' qui'ni quixá'ani cuiã'lu' intu' biÿa opinion ni té qui' cuiã'lu'. Tsí hua ná tsè' quiÿa ri'u nu ruthítsini gobierno qui' Cesar ri'u, o tsí bihua áccá. ¹⁸Pero Jesús nna gutelí taánie la' rulábalatsi' mal qui' qui' contra lèe, acca rèe cã: Biecca calatsi' le gumi le inte' prueba ti'iÿala modo uquinnia le inte' lani ttu titsa' ni'i, atsi'íni ya'lo ba yala enne' tsè' rulue' le nna, ¹⁹líúlué' tsannani inte' bel-liu nu ridi' gobierno nna. Làcã nna betsia tẽ cã ttu denario ru'a lúe. ²⁰Làniana gunàba titsa' tìe cã nna rèe: Nuni retrato qui'ní nui dua lo monedj, a'hua nuni láaní nui dua nì. ²¹Becàbi cã nna ra cã ne: Qui' Cesar enne' rigú'ubia'. Làniana ra tìe cã: Entonces líúte ba qui' Cesar nu ná qui' Cesar, a'hua líúte ba qui' Tata Dios nu ná para lèe nna. ²²Biyeni díbani cã ti'iÿa becàbinie cã nna yala biquila' ba latsi' qui'. Làniana betsè'e latsi' qui' ne nna bedà' cã. ²³La'a tsá làniateá nna bitsina' huá ca enne' judio canu gulátsi' religiún láã saduceo ru'a lo Jesús. Làcã nna rena cã qui'ni labí posible té eyatha canu yatti nna eyacca bání cã attu. Gunàba titsa' tẽ cã ne nna ²⁴ra cã: Maestro, chi bil-la tu' qui'ni Moisés nna ra bi lo Escritura qui'ni canchu nuÿa ttu enne' ni gattiã pero lanu ÿi'nj uccua nna, entonces bettsi' niá nna ná qui'ni guttsa taá ní'j lani niula qui' niá para qui'ni elithã descendencia qui' bettsi'j nu gúttíã. ²⁵Pues intu' nna benibia' tu' gàtsi bettsi' ca enne'. Bettsa tẽ ná' nu nerua nna, pero

gùtti bá nna lanu ÿi'ni uccua, acca beyà'na ba niula qui' niá lani bettsi' niá. ²⁶Anía tehuá uccua lani nu cca chùppáa nna nu cca tsùnnáa nna hàstaá nu cca gàtsía. ²⁷Bitote nna gùtti huá niùláa. ²⁸Canchu chi gal-la' tsá eyatha canu yatti nna, nula canu gàtsi bettsi'a ccá quìlì niùláa ca, yàqui'ni iyaba gàtsi cã nna bettsaná' quì lani a. ²⁹Becàbi Jesús nna rèe cã: Ridacca'ÿí ba le porqui'ni labí ritelíni le nu ra lo Escritura, nihua la'huacca qui' Tata Dios labí nabia'ni lí a. ³⁰Porqui'ni canchu chi gal-la' tsá eyatha ca enne' yatti nna, lanuru nuÿa guttsaná' porqui'ni iyaba cã nna ccá cã tì'a ná ca ángel qui' Tata Dios le' ÿiabara'. ³¹Pero acerca de canu yatti qui'ni ná qui'ni eyatha cã de lo lù'uti nna, tsí bihua nì' gul-la le nu gunne Tata Dios para lebi'lì loti' rèe Moisés enne' gùdua tiempo antigua: ³²Inte' ná' Dios qui' lu' a'hua qui' ca ta' enne' gùla qui' lu' Abraham nna Isaac nna Jacob nna. Nì nna ritelíni qui'ni a'hua ca enne' chi gùtti nna pues bàni bá cã nna runi bá cã Tata Dios adorar. ³³De biyéni cã enseñaanza qui'áa nna biquila' yà'aba latsi' quì. ³⁴Biyeni báni ca fariséua qui'ni bethia bée rú'a ca saducéua, acca betuppa iyaba cã. ³⁵Làniana ttu maestro qui' quì nu yala tsè' rethàsilà'nã nu ra lo ley qui' ca judíua nna gunàba titsa'a Jesús para eyilà néda ti'ÿya la modo cu'ée ttu falta, acca rã ne: ³⁶Maestro, biani mandamiento ní nu ra lo ley dàcca'a adiru cá. ³⁷Becàbi tè Jesús nna rèe na: Catsi'íni lu' Señor Dios qui' lu' lani itute losto' lu', lani itute

latsi' lu', a'hua lani la' rulábalatsi' qui' lu'. ³⁸Nui nna ná primero mandamiento a'hua nu adiru dacca'. ³⁹A' tegáhuá ná mandamiento nu cca chùppáa: Catsi'í huáni lu' iyaba ca luetsi enne' lu' ti'atsi la'a lu' ba. ⁴⁰Lo chuppa ca mandamiéntuì nna naxu' ituba nu ra lo ley nu bethà'na Moisés lani ri'u a'hua nu bedia ca enne' uccua profeta nna.

⁴¹De tsè'e iyaba ca fariséua nna gunàba titsa' tè Jesús cã, ⁴²rèe: Biani rulaba latsi' le nu cca qui' Cristua. Nuni ÿi'ni ní née. Becàbi cã nna ra cã ne: Née ÿi'ni David. ⁴³Jesús nna ra tìe cã: Entonces ti'ala modo acca por la'huacca qui' Espíritu Santo nna ra David qui'ni Cristua nna née SEÑOR, loti' ra bi ñi:

⁴⁴ Señor Dios nna gunènie Señor quíya'a nna rèe:
Gùduani cuittá'a' lado bàni,
Hasta qui'ni gúnna' làtsi' ná' lu'
iyaba canu làa cca guyu cã lu',
Para qui'ni gúl-liani lu' iquiqua quì.

⁴⁵Acca por ca titsa'a nna yù ri'u qui'ni la'a mísmuba David nna reya bi Cristua SEÑOR. Entonces ti'ala modo acca née descendiente qui' David cá. ⁴⁶De gutixà'a Jesús nuã' nna, ni ttu cã nna labiru betseláni cã biÿa titsa' ni ecàbini cã ne. Acca dèsdeba tsá làniana nna lanuru beyáÿani inàba titsa'a ne adí.

23 Làniana gunèni Jesús ca enni'a a'hua ca discípulo qui'áa nna rèe: ²Ca judíua nna chi bete cã poder qui' ca fariséua' nna ca maestro qui' quì nna para ethàsilà'na cã nu ra lo ley nu bethà'na Moisés lani ca ta' tàta qui'

rí'ua. ³Acca iyaba nu ina cą acerca de nu ra lo ley nna liudà ba naga' le nna lígúni ą nna. Pero bittu guni le ti'ba runi cą, porqui'ni puro huenne ba runi cą, pero hecho qui' qui' nna labí rului'ą na. ⁴Ruỹìqquia cą yùà' ìdi'i nna tàbi nna rutsia tè cą na iqqia ca enne' para guni cą na, pero làcą nna nidi ti'to' làa runi cą nu rena cą. ⁵Antesla runi cą iyábani para ilá'ni ca enne' cą. Rudilàga'áru cą ca listón làti rudia cą ca titsa' nu ra lo Escritura nna rugàl-la' ná' qui' cą ą'hua lo ÿigá qui'. ą'hua ruditùniíru cą ca lári' nu raccu' cą adiru ti'chu adí ca enne'. ⁶Ral-la' cą asiento íqquiará' tè canchu chi ral-la' fiesta qui' qui', ą'hua ral-la' cą ca primero asiento le' ca sinagoga làti retùppa cą. ⁷Yala rú'ulatsi' qui' gappa ca enne' ÿetse' cą titsa' làti cca i'yya, ą'hua qui'ni gá tè ca enne' cą nombre nu dacca' ti'a maestro. ⁸Pero lebi'i' nna hué' le cuidado qui'ni làa gudàliani ca enne' le ti'atsi ná le enne' re' cuenta, porqui'ni ttu teruba enne' dua ná Maestro qui' le, es decir Cristua; pero iyaba le nna hermano ba gá luetsi le. ⁹Nu ttu nuỹa gá le tàta le' yétsiloyu'j ti'atsi runi li ą adorar, porqui'ni ttu teruba Dios Padre enne' dua ÿiabara' née Tata qui' le. ¹⁰Nihua bittu gulaba latsi' le qui'ni gá ca enne' le qui'ni ná le nu neru qui' qui', porqui'ni làteruba Cristua nna née Xana' iyate le. ¹¹Acca nuỹa enne' nu runi ą iyaba le servir, là enni'a nua' adiru enne' ÿeni entre lebi'i'. ¹²Nu cani qui'ni yala dàliani ą nna, pues i'yu tsá qui'ni egà'na menos lá; pero nu rulaba latsi'i' qui'ni lanu nuỹa ná rù ą nna, pues

i'yu tsá qui'ni cca lá enne' ÿeni. ¹³Pero lebi'i' ca maestro de la ley nna ca fariseo nna, ica'rútsi'íru le porqui'ni yala enne' tsè' rulue' le, pero álahua hualini le. Ruthàya le reino qui' Tata Dios para ca enne', nihua lebi'i' làa rà'a le, ą'hua nihua làa rue'él-la' huá le canu calatsi' gá'a. ¹⁴Ica'rútsi'íru lebi'i' ca fariseo nna ca maestro de la ley nna porqui'ni yala enne' tsè' rulue' le, pero álahua hualini le. Rigua le biỹa té qui' ca niula viuda nna, runi tè le oración tùni tse' para gulue' le ti'atsi yala enne' lí ná le. Acca adila fuerte ná castigo thí' le. ¹⁵Ica'rútsi'íru lebi'i' ca maestro de la ley nna ca fariseo nna porqui'ni yala enne' tsè' rulue' le, pero álahua hualini le. Ribèni le hàstaá lo indatò' nna yúbitsi nna hueyila ttu enne' para tanu ą ca cosa nu runi le. De chi ną enne' qui' le nna, runi le qui'ni ccą merecer achùppa tántola tsá lo yi'bél-laá ti'chula lebi'i' por mal nu rulue'ni li ą. ¹⁶Ica'rútsi'íru lebi'i' porqui'ni labí la'yani' qui' Tata Dios té lo losto' le, pero catè latsi' le iche' le ca enne' nna rena le: Nuỹa diba guni ą jurar nna gúdu ą templo qui' Jerusalén por testigo nna, bihua biỹa ccani. Pero rena huá le qui'ni nuỹa diba gúdu ą oro qui' templua por testigo nna pues chi ną obligado para guni ą nu chi beni ą ofrecer. ¹⁷Lebi'i' canu làa rulaba tsè' latsi', yala chul-la re' la' riyeni qui' le. Rena huá le qui'ni canchu bel-liu qui' le nna làa yù'ą le templu ą nna entonces labí ná le'ya para Tata Dios. Biala dacca' adiru para gúdu le por testigo, tsí oru ą' o tsí templo nu runi qui'ni cca oru ą' le'ya áccá.

¹⁸ A'hua rena le: Nuḡa diba gúduḡ altar por testigo nna, bihua biḡa ccani, a'hua nuḡa diba gúduḡ por testigo ofrenda nu tsia lo altar nna pues chi ná obligado para guniḡ nu chi beniḡ ofrecer. ¹⁹ Necio ba ná le a'hua yala chul-la re' la' ritelíni qui' le. Biala dacca' adiru para gúdu li ḡ por testigo, tsí ofrendḡ o tsí altar nu runi qui'ni cca le'ya ofrendḡ áccá. ²⁰ Inte' nna nia' le qui'ni nuḡa diba runi jurar nna ruduḡ altar por testigo, pues rudu huḡ por testigo itute ofrenda nu tsia lúḡ. ²¹ A'hua nuḡa diba runi jurar nna ruduḡ templuḡ por testigo, pues rudu huḡ Tata Dios por testigo porqui'ni templuḡ nna ná para lèe. ²² A'hua nuḡa diba runi jurar nna ruduḡ ḡiabara' por testigo, pues rudu huḡ por testigo trono qui' ḡiabara' tsa'tsela tehuá Tata Dios enne' duani lo trono qui'áa. ²³ Ica'rútsi'íru lebi'i ca fariseo nna ca maestro de la ley nna porqui'ni yala enne' tsè' rulue' le, pero álahua hualini le. Ribeqquia le para diezmo hàstaá ca semilla lathi to' ti'na menta nna anís nna comino nna, pero labila runi le ca cosa nu adiru dacca' nu da' lo ley qui' Tata Dios ti'na lu'uxticia tsè' nna la' retúalatsi' nna fe nna. Ca nua' la náduel-la' guni le, pero nihua làa guxùl-la latsi' le gute le qui' diezmo. ²⁴ Nìdiruani titó' labí ritelíni le, pero càte latsi' le iche' le ca enne'. Ca mandamiento xcuichuto' nna yala ribeqquia latsi' le guni le ca cumplir, pero ca mandamiento nu dacca' adiru nna nìdiruba làa rulaba latsi' le guni le ca. Te ttu dicho nu rena le: Lani cuidado ba ruttèni le vino nu ri'ya

le para qui'ni làa gabi le ttu bé'ya to', atsi'íni ràbi la le ttu camello xeni tsè'. ²⁵ Airu lebi'i ca maestro de la ley nna ca fariseo nna porqui'ni yala enne' tsè' rulue' le, pero álahua hualini le. Reyii le tsuḡ teruba fuera qui' ttu taza nna plato nna, pero liú'u la nna tsa'ti'ni le la'ubàna nna la'hueni lu'uxticia mal nna. ²⁶ Lu' fariseo, labí la'yani' té qui' le, porqui'ni priméruḡa ná qui'ni qui' le le' tzaḡ nna platuḡ nna, làniana ccá huá nàri lado fuérala. ²⁷ Airu lebi'i ca maestro de la ley nna ca fariseo nna porqui'ni yala enne' tsè' rulue' le, pero álahua hualini le. Yala latsitte rilá'ló ca bà tsítsi canu beyú'u ì'yu, pero liú'u lá nna yala cuttsi ril-là' ca porqui'ni tsa'ti'ni ca tsíta yatti. ²⁸ A'hua lebi'i nna lo ra' teruba yala enne' lí rulue' le lani ca enne', pero liú'u lá losto' le nna tsa'ti'ni le la' huethacca'ḡi a'hua adí ca tul-la'. ²⁹ Ica'rútsi'íru lebi'i ca maestro de la ley nna ca fariseo nna porqui'ni yala enne' tsè' rulue' le, pero álahua hualini le. Rilitha le monumento lo bà qui' ca profeta nna, a'hua yala ìyyà latsitte rutsia le lo bà qui' adí ca enne' beni tsè' ru'a lo Tata Dios, ³⁰ rena tè le: Cáalá chi tsè'e ri'u loti' gutsé'e ca ta' tàta qui' rí'ua nna labí uccua ri'u cabi tulappa enne' mal para gutti ri'u ca enne' uccua profeta. ³¹ Inte' nna nia' le qui'ni por ca tìtsa'a nna ribeqquia le sentencia contra la'a lebi'i ba de qui'ni runi le sostener qui'ni ná le descendiente qui' canu betti ca ca profétaá. ³² Acca lígúni telá cumplir maldad nu beyàtsani ca ta' tàta qui' lía guni ca, porqui'ni chi rulaba

latsi' le guni li a. ³³Yala mañoso ná le tì'a ca bèl-là. Ti'áruálá modo guni le para làa cca le condenar tsá le lo yi'bél-laá cá. ³⁴Acca rithél-la'a' lani le ca profeta nna a'hua canu ritelí tsè'nì nna ca maestro tsè' nna, pero lebi'i nna gútti la le cabi nna gutá' le cabi lo yà curutsi nna, attu te cabi nna hué' le cabi le' ca sinagoga làti retuppa le, a'hua gutsia latsi' le cabi le' ttu ttu ca yetsi nna. ³⁵Anía modo ccá huá le responsable por lù'uti qui' ca enne' labí falta té qui' cabi, dèsdeba lù'uti qui' Abel enne' beni nu rú'ulatsi' Tata Dios, hàstaá lù'uti qui' Zacarías yì'ni Berequías enne' bètti le loti' dùq le' lí'a qui' templua èxaba làti du altar fuera.

³⁶Hualigani te' riquixa'ánia' le qui'ni iyate nuá' nna tátsia iquua iyaba lebi'i canu tsè'e anna. ³⁷Lebi'i canu tsè'e le' ciudad Jerusalén rútti le ca profeta nna rudua huá le íyya iquua ca mensajero rithel-la' Tata Dios lani le. Iyé vuelta tsè' uccua látsa'a' gutùppa' le tì'a ttu yiti rutùppa ca yì'ni to' qui'i liú'u xilí, pero labí uccua latsi' le. ³⁸Acca nia'le qui'ni templo qui' líq' nna chi dua tàttsi bá, ³⁹porqui'ni dèsdeba annana labiru ilá'ni le inte' hàstaá qui'ni i'yu tsá inne le tsè' nu cca quia' nna ina le: La' dàliani para cuiá'lu' porqui'ni da' cuiá'lu' por nombre qui' Señor dios.

24 De beria Jesús le' templua chía déyeé nna, gubiga' té ca discípulo qui'áa para gulue'ni cabi e adí ca edificio qui' templua. ²Jesús nna rèe cabi: Anna teruba rila'ni le iyaba ca nui. Pero hualigani te' riquixa'ánia' le qui'ni i'yu tsá qui'ni labiru eyà'na

iquua luetsi ca íyya xeni nu cua'ni templuì, porqui'ni hual-lani canu da' idittu' nna guthinnia gutàppa'ní cá iyá'yiate cá.

³Huappi tìe guri'e lo i'ya láq Monte de los Olivos, bitsina' té ca discípulo qui'áa ru'a lúe nna gunàba titsa' cabi e yà'ba latsi' nna ra cabi e: Calatsi' tu quixá'ani cuiá'lu' intu' cuaýa ccá ca così. Biani señal ní ccá canchu chi íl-lani cuiá'lu' attu, a'hua canchu chi íl-lani fin qui' yétsiloyu cá. ⁴Becàbi Jesús nna rèe cabi: Lihue' cuidado qui'ni nú ttu nuýa guthácca'yíq le. ⁵Porqui'ni nuýetse' íl-lani lani nombre quia' nna ina cá qui'ni làcá nua Cristua. Anía modo nna ca enne' ýetse' guthácca'yí cá. ⁶Hua iyeni báni le ina cá qui'ni da' guerra o qui'ni chi cca guerra. Pero bittu gátsini le, porqui'ni náduel-la' cca iyaba ca così, pero nìhuani labí chi gùl-la' té fin. ⁷Porqui'ni ttu nación nna til-lq contra attu nación, a'hua ttu gobierno contra attu gobierno nna. A'hua íl-lani itsahue' nna ubina' nna la' riýú' fuérteni gaýa tediba lugar nna. ⁸Iyaba ca così nna ccá cá nu chì' thulo rubání ca dolor. ⁹Làniana gute cá le cuenta para ccá le sufrir hàstaá qui'ni gútti cá le. A'hua iyábani ca enne' nna guyudí' cá le porqui'ni ná le enne' ríalatsi' quia'. ¹⁰Làniana nuýetse' cá edúl-la'a latsi' qui' nna gute cuenta luetsi qui' a'hua guyudí' luetsi qui' nna. ¹¹A'hua iýetse' ca enne' íl-lani nna ina ca qui'ni rinne cá parte Tata Dios, pero labí líni cá. Enne' ýetse' guthácca'yí cá. ¹²Por causa de qui'ni hua día la rànì tul-la' nna, acca la' tsi'ilatsi' qui' iýetse' ca enne'

nna étu bá. ¹³ Pero nu thu ba tsittsi
 lani inte' hàstaá fin nna, lànua
 nna l-lá. ¹⁴ Náduel-la' ccá predicar
 evangelio nu cca qui' reino qui'
 Tata Dios le' itúyiani yetsiloyu para
 qui'ni ccá saber iyábani ca nación.
 Làniana íl-lani fin. ¹⁵ Acca canchu
 chi ilá'ni le nu guniá nu ccábá latsi'í
 le' lugar nu ná para Tata Dios, tì'a
 chi gutixà'a profeta Daniel (nu
 rul-la nna ná qui'ni hue'él-la' latsi'í
 téliniá), ¹⁶ làniana canu tsè'e le'
 región qui' Judea nna ná qui'ni
 ucuitta taá cã tsía cã lo ca ló'ya lá.
¹⁷ Nuỹa tediba duã iqquia azotea qui'
 yú'u qui'í nna, ná qui'ni eyàdiã nna
 ucuitta tabá, bittu eya'ã le' yú'u
 para thí'ã biỹa te qui'í. ¹⁸ A'hua nu
 reni fuera lo tsina qui'í nna, bittu
 eyeqquiã litsi'í para gutùppã ca
 yũí, sino ná qui'ni ucuitta tabá.
¹⁹ Pero canchu chi gal-la' tsá nna
 ica'rútsi'íru ca niula nùà' huatsa
 to', a'hua canu rugatsi' yì'ni qui'.
²⁰ Acca línnabani Tata Dios lani
 oración qui'ni canchu chi gal-la'
 tsá ucuitta le nna bittu ccã tiempo
 idil-la' nihua tsá redi' latsi' ri'u.
²¹ Porqui'ni íl-lani ca sufrimiento
 fuérteni nu labí chi uccuã dèsdèba
 gure' yétsiloyu hàstaá tiempo tsè'e
 rí'u, nihua làa ccáruhuã bitola nna.
²² Canchu labí eto' ca tsá tiempo qui'
 ca sufrimiéntua nna entonces lanú
 nuỹa l-lá. Pero por la' retúalatsi'
 qui' Señor lani canu chi becu'e
 nna, acca labí itsa ca sufrimiéntua.
²³ Làniana canchu nuỹa gã le:
 Línnã' tsáruhuá, nì du Cristua, o
 línnã' tsáruhuá nà' taá dùe, bittu
 tsíalatsi' le. ²⁴ Porqui'ni huàl-lani
 làti tsè'e le canu ina qui'ni làcã nuá
 Cristua. Hua ría huá canu ina cã

qui'ni rinne cã parte Tata Dios pero
 labí líni cã. Làcã nna guni cã iye
 ca milagro nna a'hua adí ca cosa
 de la'huacca nu ccáyíini latsi' ca
 enne' para qui'ni gurèxaèl-la' cã cã
 xiaba hàstaá canu chi rée'ní Tata
 Dios. ²⁵ Ca nui riquixa'ánia' le con
 tiémpuba. ²⁶ Así es qui'ni canchu
 gã cã le: Línnã' tsáruhuá, fuera
 yétsiã' taá dùe, bittu iria le. O
 canchu gã cã le: Le' ttu cuarto to'
 qui' templuã' taá ri'e, bittu tsíalatsi'
 le. ²⁷ Porqui'ni tì'a rappi étha nna
 rudàni' rabániã dèsdèba làti ril-lani
 bitsa hàstaá làti reniã, a'hua ilá'ni
 iyáyiate ca enne' Nubeyu' de
 Yíabara' canchu chi itée attu de
 repéntetaá. ²⁸ Porqui'ni gaỹa tediba
 té ttu nu yatti nna, pues níahuá
 itùppa ca bechettu.

²⁹ Cuantu taáni tté sufrimiento
 qui' ca tsá lànina nna, entonces
 bitsã' nna echùl-lã, a'hua biuá'ã'
 nna labiru gudàni'ã. Ca bélia nna
 ìnnia cã de yíaba, a'hua iyaba
 canu tsia yíaba nna tatittini cã.
³⁰ Làniana ilá'ní qui'ni dua Nubeyu'
 de Yíabara'. Iyaba ca raza qui'
 yétsiloyu nna yala ehui'ní cã
 ilá'ni cã ne canchu chi íl-lanie lo bía
 lani la'huacca yèni qui'e nna la'yani'
 de yíabara' nna. ³¹ Lèe nna ithèl-la'
 teée ca ángel qui'e para ucueti cabi
 trompeta nna gutùppa cabi ca enne'
 rée'ní Tata Dios itúbani yétsiloyu,
 dèsdèba làti ril-lani bitsa hàstaba
 làti reniã. ³² Litelíni comparación
 qui' yexxuhuía: Canchu chi rerè'ne
 lúj nna rebia ca l-la' qui'í nna,
 anía modo cca ri'u saber qui'ni
 chi' taáduã íl-lani tiempo verano.
³³ A'hua lebi'i nna, canchu chi ilá'ni
 le qui'ni cca iyaba ca cosa nu chi

gutixa'ánia' le nna, á' modo nna ccá le saber qui'ni exatàa ru'a puerta chi debíga' fin. ³⁴Nia' le qui'ni làniana, aláa antes, hual'lani fin qui' tiempo tse'e ri'uj. ³⁵ÿiaba nna yétsiloyu lani iyaba ca indatò' nna l'luya bá latsi' qui, pero ca titsa' quíy'i' nna labí tté çà sino té qui'ni iyate çà nna ccá çà cumplir. ³⁶Pero lanú nuÿa yù biÿa tsá ní nihua biÿa hora ní, sino làteruba Tata quíya'a nna yùe; nìdirubani ÿi'nie nna labí yù bi, nihua ca ángel tsè'e ÿiabara' nna labí yù cabi. ³⁷Ti'a uccua loti' gùdua Noé, a'hua ccá canchu Nubeyu' de ÿiabara' nna chi íl'lanie. ³⁸Porqui'ni ántesca ccá juicio indáa nna puro gu'ya go bá nna huettsaná' bá nna beni ca enne' hàstaá qui'ni bi'yu tsá gut'à Noéa le' bárcuá. ³⁹Labí bennia çà cuenta hàstaá qui'ni uccua iyya juíciua nna biluÿa latsi' qui. Aníahuá ccá canchu chi íl'lanie Nubeyu' de ÿiabara' de repentetaá. ⁴⁰A'hua canchu chuppa ca nubeyu' tsè'e çà tsina, ttuà nna édi'e, attuà nna eyà'na bá. ⁴¹A'hua canchu chuppa ca niula yù'u çà huettu, ttuà nna édi'e, attuà nna eyà'na bá. ⁴²Acca lítsé'e al tanto, porqui'ni labí yù le biÿa hora él'lanie Señor qui' lía. ⁴³Litelíni nui: qui'ni ttu tàta nna, cáalá yùà biÿa hora íl'lanie ubàna nna, pues labí gá'athia porqui'ni calatsi'i' thuà al tanto para labí hue'él'la'á nuÿa cuana biÿa té le' yú'u qui'i'. ⁴⁴Acca lebi'i' nna, lítse'e al tanto, porqui'ni Nubeyu' de ÿiabara' nna là' íl'lanie taánié canchu chi nìdirubani làa rulaba latsi' le qui'ni íl'lanie.

⁴⁵Nuni enne' ní ná ttu siervo fiel nna té la' riyeni tsè' qui'i', acca

bethà'na xana' niá na le' yú'u qui' bía para huí'á na cuidado nna gutià nu go ca enne' tsè'e tsina hora ná qui'ni gó çà cá. ⁴⁶Ica'rubà enni'a canchu chi etsìna' xana' niá nna ilá'ni bíà qui'ni runià voluntad qui' bi. ⁴⁷Hualigani te' riquixa'ánia' le qui'ni gute bi làtsi' ní'i' iyate nu té qui' bi para cu'úb'i'á. ⁴⁸Pero ttu siervo nu labí runi tsè' nna gulaba lá latsi'i' nna cania: álahua annatè él'lanie xana' ya'a, ⁴⁹lániana thulo chía huí'á adí canu runi tsìnàa, a'hua í'ya gúà lani ca borracho. ⁵⁰Níyalatsi' enni'a nna él'lanie xana' niá tsá nu nìdi làa ribèdà bi, hora nu labí yùà qui'ni él'lanie bi nna. ⁵¹Xana' niá nna idí'ni guni bi a castigar, làniana gudàl'la tè bi a lani adí canu beÿia. Nía nna yala ccá sufrir nna cuetsià nna goyà'atsùni layi'i'.

25 Canchu chi i'yu tsá nna, entonces reino qui' Tata Dios nna ccá comparar t'ia tsìi ca niula cuiti', guÿi' çà ca lámpara qui' qui' nna biria tè çà tal'lèda çà ènne'yu' gútttsaná'a para guni çà bi acompañar yú'u thá'a. ²Gayu' ca niúláa nna uccua çà nu té la' riyeni tsè' qui' qui, pero ágayu' çà nna labí la' rulabalatsi' tsè' té qui' qui. ³Canu bihua rulaba latsi' tsì'a nna guÿi' gáláa çà ca lámpara qui' cania, pero labí guÿi' çà aceite para cà'a çà le' ca lámpara. ⁴Canu té la' riyeni tsè' qui' cania nna gut'à bá çà aceite le' ca lámpara qui' cania. ⁵Pero rìtsa bá ènne'yu' gútttsaná'a nna, gul'lanie chía betsiàlà qui' qui nna gutá'athie çà. ⁶Merua riluèla yèlà nna biyeni tsì'i ttu nu gunne iditsa nna rā: Nì chi da' ènne'yu'

gúttšaná'a, líria tatsà' le bi. ⁷Iyaba ca niula cuiti'a nna huatha chì ca nna begàl-la' ca ca lámpara qui' caniá. ⁸Làniana gayu' canu bihua rulaba latsi' tsì'a nna ra ca canu té la' riyeni tsè' qui' caniá: Lígúnna xiarú bání titó' aceite qui' líq' qui' tu', porqui'ni chi reyòla ca lámpara qui' tu'í. ⁹Becàbi gayu' canu té la' riyeni tsè' qui' caniá nna ra ca: Para qui'ni làa eyàtsa qui' tu' nihua lebi'i nna, adila tsa' lítsía xia làti rutti' ca aceite nna lígó'o para lebi'i. ¹⁰Pero miéntraste dia ca huì'i aceite nna gul-lani ènne'yu' gúttšaná'a. Canu tsè'e prevenídua nna gutà'a ca lani bi làti cca thá'a. Làniana beyaya tè puértaá. ¹¹Bitola nna betsina' ca niula nu labí rulaba latsi' tsì'a nna bel-làbi ca ru'a puértaá nna ra ca: Señor, señor, guthàlia cuiá'lu' gá'a tu'. ¹²Pero becàbi enne' rúttšaná'a nna ra bi ca: Hualigani labí nabia' te' le. ¹³Làniana ra huá Jesús ca: Por nui nna acca lebi'i nna lítsé'e al tanto porqui'ni labí yù le biya tsá nihua biya hora qui'ni Nubeyu' de Yíabara' nna ná qui'ni éllanie.

¹⁴Reino qui' Tata Dios nna cca huá comparar tì'a ttu ènne'yu' nu rida' bi dia bi idittu' nna, acca gutàyi tè bi canu runi tsina qui' bí'a nna bethà'na bi lani ca ca interés qui' bí'a. ¹⁵Ttuq nna bete bi gayu' bolsa to' nu yù'u oro lani a, attuq nna bete bi chuppa bolsa to' nu yù'u oro lani a, attuq nna bè' bi a ttu bolsa to' nu yù'u oro lani a. Bete bi según ti'iya té bá capacidad qui' ttu ttu qui. Làniana guda' té bi dia bi idittu'. ¹⁶Nu guyi' gayu' bolsa bél-liuá nna huia taq nna bethà'a bél-liuá nna beni tiq gana ágayu'

tanto. ¹⁷Anía tehuá nu guyi' chuppa bolsa bél-liuá nna beni huá gana áchuppa tanto. ¹⁸Pero nu guyi' ttùba bólsaá nna huíq nna gutàniq liú'u yú nna becatti' tiq bel-liu qui' xana' niá. ¹⁹Guttè diba tsá nna bel-lani xana' ca siérvuá nna beyuni bi cuenta lani ca. ²⁰Bitsina' tè nu guyi' gayu' bólsaá nna nùà' tiq ágayu' bolsa nna ra: Señor, gayu' bolsa betsia cuiq'lu' làtsi' nàya' nna, nìba tè ágayu' bolsa nu chi benia' gana iqqi. ²¹Acca ra xana' niá na: Tsè'ba ná nu beni lu' siervo tsè' nna cumplido nna; lani ti'to' rúba uccua lu' fiel, acca adírula iýeni gúnná' làtsi' ná' lu'; por nui nna yala redacca' látsa'a, a'hua lu' nna edacca' huáni lu'. ²²Bitsina' tehuá nu guyi' chuppa bólsaá nna ra: Señor, chuppa bolsa betsia cuiq'lu' làtsi' nàya' nna, nìba tè áchuppa bolsa nu chi benia' gana iqqi. ²³Xana' niá nna ra bi a: tsè'ba ná nu beni lu' siervo tsè' nna cumplido nna; lani ti'to' rúbá uccua lu' fiel, acca adírula iýeni gúnná' làtsi' ná' lu'; por nui nna yala redacca' látsa'a, a'hua lu' nna edacca' huáni lu'. ²⁴Làniana bitsina' tè nu guyi' ttu bólsaá nna ra: Señor, inte' nna yúá' qui'ni ná cuiq'lu' ttu enne' duro, pues redi' cuiq'lu' làti labí gùda cuiq'lu', a'hua rutùppa cuiq'lu' làti labí bedàl-la cuiq'lu'. ²⁵Por nui nna gutsi te' nna becatti' bá' bolsa bel-liu qui' cuiq'lu' liú'u yú, acca nìba tè nu benna cuiq'lu' lani inte'. ²⁶Becàbi tè xana' niá nna ra bi a: Siervo malo nu labí riýu', hua yù bá lu' qui'ni redi'a' làti labí guda' a'hua rutuppa' làti labí bedàl-la' nna. ²⁷Biecca labí gulú'u lu' bel-liu

quíy'i' banco para qui'ni canchu chi el'lania' nna edi' ya' a lani y'i'n'i. ²⁸Acca lebi'i' nna lícua bolsá' lo ní'i nna líúte tì a lani nu té tsi' bolsa qui' nia' la. ²⁹Porqui'ni nu'ya diba té qui'i' nna, la nna th'i' lá adí nna gata'n'ia adí i'jeni. Pero nu labí té qui'i' nna, pues hàstaá ti'to' nu té qui'i' nna ítua telá. ³⁰Acca lithi' tè siervo nu làa ri'yu'a nna, líúd'al-la a fuera lá le' chul'la, nía nna ccá sufrir nna cuetsiá nna góya'atsùni layi'i'.

³¹Canchu chi íl'lani Nubeyu' de Y'iabara' le' la'yani' qui'e lani iyaba ca santo ángel, làniana cué'níe lo xila' tsè'ni qui'e para gucu'e entre ca enne'. ³²Por ejemplo: ttu pastor nna rèl'la'a bá luetsi ca carneru to' lani ca chivo. A'hua Nubeyu' de Y'iabara' nna etùppa itúyiate ca enne' qui' iyaba ca nación ru'a lúe. ³³Ca enne' gutsi'e lado ná' bànie nna ccá ca comparar lani ca carnero to' qui' ttu pastor. Pero ca enne' gutsi'e lado ná' yattie nna ccá ca comparar lani ca chivo qui' ttu pastor. ³⁴Lèe nna née Rey enne' rigú'ubia' lo iyate acca gá tie ca enne' tsè'e lado ná' bànie: Lità canu chi beni Tata quí'a bendecir, léya'a le' reino nu chi ná preparado para lebi'i' dèsideba uccua yétsiloyu. ³⁵Porqui'ni gutùnia' nna benna le gùtua'; gubìtsia' nna benna le inda gu'ya'; gurèni ttùba' nna bedi' le inte' litsi' le; ³⁶casi xpela' bá gurènia' nna benna le nu gucua'a'; huì' te' nna tanàba titsa' le inte'; gùttá'a' litsi' iyya nna bita le tanèl'le' le inte'. ³⁷Làniana ca enne' beni tsè'a nna ecàbini cabi e nna ina cabi: Señor, cuani

gutùni cuiá'lu' nna benna tu' gutó cuiá'lu' cá. Cuani gubitsi cuiá'lu' nna benna tu' inda gu'ya cuiá'lu' cá. ³⁸A'hua cuani bilá'ni tu' gureni ttùba cuiá'lu' nna bedi' tu' cuiá'lu' litsi' tu' cá. Cuani bilá'ni tu' gurèni cuiá'lu' casi xpela' bá nna benna tu' nu guccu' cuiá'lu' cá. ³⁹A'hua cuani huì'ni cuiá'lu' nna tanàba titsa' tu' cuiá'lu' cá. A'hua cuani gùtta' cuiá'lu' litsi' iyyà nna tanèl'le' tu' cuiá'lu' cá. ⁴⁰Ecàbinie ca nna íneé: Hualigani te' nia' le qui'ni loti' beni li a lani nu'ya ttu ca hermanos quíy'i' màsqui'ba ná nu adiru xcuichuto' nna, pues ti'atsi para inte' bá beni li a. ⁴¹Làniana gá huéé canu tsè'e lado ná' yattie: Liucùtta ru'a lua' porqui'ni maldito bá ná le, tsía le lo yí' nu chi ná preparado para numalua lani ca ángel qui'i', làti cca ca sufrir tulidàni. ⁴²Porqui'ni gutùnia' nna labí benna le gúá'; gubìtsia' nna labí benna le inda í'yá'; ⁴³uccua'a' ttu enne' dittu' lani le nna pero labí benna le ttu lugar to' làti eyà'na'; casi xpela' bá gurènia' nna pero labí benna le ttu lári' to' gaccu'a'; huì' te' nna a'hua guttá'a' litsi' iyyà nna, pero labí tanàba titsa' le inte'. ⁴⁴Làniana ecàbi huáni ca ne nna ina ca: Señor, cuani gutùni cuiá'lu' nna gubitsi cuiá'lu' nna gurèni ttùba cuiá'lu' cá. Cuani gurèni cuiá'lu' casi xpela' bá nna huì'ni cuiá'lu' nna gutta' cuiá'lu' litsi' iyyà nna labí beni tu' cuiá'lu' atender cá. ⁴⁵Làniana ecàbinie ca nna íneé: Hualigani te' nia' le qui'ni lebi'i' nna labí beni li a lani nu'ya ttu canu adiru xcuichu tú'i, acca nihua lani inte' labí beni li a. ⁴⁶Acca ca nui nna tsía bá ca

para ccá cą sufrir tulidàba ttu castigo nu labí fin quì'ì té, pero ca enne' biria tsè' ru'a lúe nna edacca' latsi' quì tulidàni lani la'labàni nu labiru ttíq qui' quì.

26 Beyacca ba gutixà'a Jesús iyaba ca tít'sa'a, làniana rèe ca discípulo qui'áa: ²Chi yù le qui'ni áchúppa ubitsa teruba reyatsa para gal'la' tsá fiesta nu reya ri'u Pascua, làniana gute cą inte' Nubeyu' de Ýiabara' cuenta para gutá' cą inte' lo yà curutsi.

³Làniana iyaba ca sacerdote principal nna ca maestro de la ley a'hua canu rigú'ubia' entre ca enne' judíua nna betùppa cą le' lí'a qui' Caifás nu ná huexána' qui' ca sacerdotéa. ⁴Làcą nna gulu'u tít'sa' luetsi quì ti'iyàla guni cą para gudaxu' cą Jesús lani máñaba para gútti cą ne. ⁵Ra cą: Alàa tsá gani fiéstá' gudaxu' ri'u a preso, para qui'ni làa etùppa ca enne' ýetse' nna chatha alboroto le' ciudíj.

⁶Làniana re' Jesús le' yet'si láq Betania litsi' Simón enne' huì'ni yet'su' yùtsu'a. ⁷Bitsina' tèt ttu niula ru'a lúe nù'a ttu frasco tsíttsi to' tá'a lì'ì perfume nu dacca' yaýi tsè' beduq perfúmea iquua Jesús de ri'e lo méyáa. ⁸De bilá'ni ca discípulua nui nna bitsa'áni cabi nna ra cabi: Biecca catittia nui ni'ì, ⁹porqui'ni cáalá bètti' la ri'u perfúmea' nna, iýeni tsè' quiýa cą na guni ri'u cualani ca enne' ritè la'di'. ¹⁰De gutelíni Jesús nu rulaba latsi' ca discípulua nna rée cabi: Biani cca ritsa' le niulíj ni'ì. Pues lą nna chi beniq ttu obra tsè' lani inte'. ¹¹Ca enne' pobre nna tulidàba tsè'e cą lani le, pero inte' nna álahua tulidà

renia' lani le. ¹²Porqui'ni de beduq perfúmi iquua' nna beniq inte' preparar para canchu chi igàttsi'a'. ¹³Hualigani te' nia' le qui'ni gaýa tediba ccá predicar evangéliuq le' itúbani yétsiloyu nna, guna huá ca enne' nu beni niulíj.

¹⁴Làniana ttu canu tsì'nua láq Judas Iscariote nna huíq ru'a lo ca sacerdote principal nna, ¹⁵raq cą: Biani gúnnánì le quia' para gútià' cuenta Jesús lani le. Làcą nna beni cą acordar lani a qui'ni gute cą tsii érua' moneda nu de plata quì'ì. ¹⁶Desdeba lànìa nna beyìla latsi' Judas ti'iyàla modo gutiá ne cuenta.

¹⁷Primero tsá fiesta qui' Pascua loti' chi ro cą ettaxtíla sin levadura nna, bitsina' ca discípulo qui' Jesús ru'a lúe nna ra cabi e: Gani calatsi' cuiq'lu' guni ri'u fiéstj para qui'ni guni tu' preparar go se' cuiq'lu'. ¹⁸Lée nna rée cabi: Lítsía le' ciudá' le' litsi' ttu nubeyu' nna ga li a: Maéstrua nna guthèl'le'e intu' nna rée: Chi debiga' hora quia', acca le' litsi' lu' nna gunia' celebrar páscuq lani ca discípulo qui'yi'j. ¹⁹Ca discípulua nna beni cabi ti'taba ra Jesús cabi nna beni cabi preparar para guni cabi celebrar Pascua. ²⁰De gúl:là tsá lànìa nna gurè'nie lo méyáa lani tsì'nu ca discípulua. ²¹Miéntaste ro cabi nna gunne Jesús nna rée: Hualigani te' riquixa'ánia' le qui'ni ttu le nna gutiá inte' cuenta làtsi' ná' canu labí cca guyu cą inte'. ²²Làcabi nna yala triste uccuani cabi. Gudulo ttu ttu tsa cabi nna ra cabi e: Tsí inte' Señor. ²³Becàbie nna rée: Nu ruga'a ní'ì le' plato lani inte' nna, lą nua gutiá inte' cuenta. ²⁴Nubeyu'

de Ñiabara' nna hualigani ccá bá cumplir lani e iyate nu ga'na escrito nu cca qui'e, pero ica'rútsi'íru nu gutiã ne cuenta; pues para la nna adila tsa' cáalá bittu telá gùliã.

²⁵Làniana Judas nu guniã ne traicionar nna ra: Tsí inte', Maestro. Becàbi Jesús nna rève na: Lu' bá chi ra a'. ²⁶De chi ro cabi ttu te la'góa nna, guỹi' Jesús ettaxtílaá nna gunàbèe bendición lani Tata Dios enne' ná Tata qui'áa nna gùl-le'ée ettaxtílaá nna bi'e ca discípulo qui'áa nna rève: Líthi' nna ligo nna, nui nna nã cuerpo quia'. ²⁷Làniana guỹi' tiè vásaú. De chi bi'e gracia Tata qui'áa nna betie lani cabi nna rève: Líthi' nna lí'ya iyate le; ²⁸porqui'ni nui nna nã reni quia' para qui'ni ccá seguro promesa cubi nu runia' nna ilàliã para qui'ni gata' la' runittiló por ca tul-la' qui' iyetse' ca enne'. ²⁹A'hua riquixa'ánia' le qui'ni dèsdeba annana labiru i'ya' inda qui' betsulí' hàstaá qui'ni i'yu tsá i'ya ya' a' attu lani le le' reino qui' Tata Dios.

³⁰De beyacca bil-la cabi hímnua nna huía cabi lo i'ya láã Monte de Olivos. ³¹Làniana Jesús nna rève cabi: Iyaba le nna gutsè'e latsi' le inte' nèle, porqui'ni ra Tata Dios lo Escritura: inte' nna gútia' permiso para gútti ca enne' ná Pastor, làniana ca carnero qui' bía nna gathilàlia ca. ³²Pero riquixa'ánia' le qui'ni bitola de eyátha'a' de lo lù'uti nna, nérue' lo le para etsa' ri'u Galilea attu vuelta. ³³Làniana gunne Pedrua nna ra bi e: Màsqui'ba iyaba ca gutsè'e latsi' qui' cuiã'lu', pero inte' nna nunca labí gutsè'e látsa'a' cuiã'lu'. ³⁴Jesús nna

rève bi: Hualigani te' nia' lu' qui'ni nèle nna tsunna vuelta labí thí'ché' lu' qui'ni nabia'ni lu' inte', làniana cuetsi xcurúdia. ³⁵Pedrua nna ra bi e: Màsqui'ba canchu caduel-la' gatti huá' lani cuiã'lu', pero labí ínniã' qui'ni làa nabia' te' cuiã'lu'. Anía tehuá ra iyaba ca discípulua.

³⁶Làniana bitsina' Jesús lani cabi ttu lettia láã Getsemaní nna rève ca discípulo qui'áa: Niba líxuani miéntraste tsa'á' gunia' oración. ³⁷Jesús nna guche' tiè Pedrua a'hua chuppa ca ñi'ni Zebedéua nna. Làniana gudulo uccuani triste latsi'e nna tsí'irúbani uccuanie nna ³⁸rève cabi: Yala triste cani latsi' lóstu'a' ti'atsi chì' taání rattia'. Niba licuèda inte' nna bittu ga'athi le. ³⁹Guda' tiè áti'to' tè anía lá nna, beduỹíbie nna benie oración nna rève: Tata Ñitsi' quia', canchu ná posible qui'ni bittu ttí'a' ca sufrimiéntu, pero alàa ti' ccá bá látsa'a' sino ccá bá según voluntad qui' cuiã'lu'. ⁴⁰Làniana beyéqqie làti tsè'e ca discípulo qui'áa nna ti'éthi bá cabi, acca rève Pedrua: Tsí labí ccani le gúchia le bétsiala ttu hora rúbá para guni le inte' acompañar cá. ⁴¹Lítsé'e al tanto, lígúni oración para qui'ni làa innia le le' tentación. Hualigáláa yala dispuesto ná le ccá le enne' fiel lani inte', pero labí fuerza té qui' le. ⁴²Huía tiè attu nna benie oración nu cca chuppa vuelta nna rève: Tata Ñitsi', canchu labí posible té para qui'ni làa ttí'a' ca sufrimiéntu, pues ccá bá según voluntad qui' cuiã'lu'. ⁴³De betsine'e attu nna dedeti'áthi hua cabi, porqui'ni tsà'ti'bání bétsiala lo

cabi. ⁴⁴Bethà'na bée cabi nna huíe attu benie oración nu cca tsunna vuelta nna gunnie la'a mísmuba ca títsa'a. ⁴⁵Làniana betsine'e attu làti tsè'e ca discípulo qui'áa nna rèe cabi. Tsí àtsabá ti'éthi le. Chi gùl'la' hora qui'ni inte' Nubeyu' de Ýiabara' nna ttí'a' làtsi' ná' canu tul'la'. ⁴⁶Léyátha nna léya', nì chi da' nu gutià inte' cuenta.

⁴⁷Atsabá rinne Jesús nna, gul'lani chì Judas ttu canu tsì'nua. A'hua iýtse'ni ca enne' da' lani a yù'u ná' qui' espada l'le yà l'le. Làcã nna da' cã por orden qui' ca sacerdote principal a'hua por canu rigú'bia' le' yétsiá. ⁴⁸Judas nu gutià ne cuéntaá nna gutixà'q' ti'i'ya ná seña nu guniã, nna rã: Nu gutsa'lo ya'a nna, lã nua, gudaxu' tabá li a. ⁴⁹Gubiga' taã ru'a lo Jesús nna beniã ne saludar nna rã ne: Maestro. Làniana betsa' tè lú'j ne. ⁵⁰Jesús nna rèe na: Amigo, bianicca da' lu'. Làniana gubiga' cã làti du Jesús nna bedaxu' chì cã ne preso. ⁵¹Pero ttu enne' entre canu tsè'e lani Jesús nna gulèqquia bi espada qui' bía nna becàa ná' bi nna bè' bi ttu huenitsina qui' huexána' qui' ca sacerdotéa nna guchu bi yéti nagui'j. ⁵²Jesús nna ra tie bi: Begú'u espada qui' lu'a' lugar qui'j, porqui'ni iyaba canu ribèqquia cã espada nna, pues lani espada hua il'lüyání latsi' qui'. ⁵³Tsí ina ri'u cani lu' qui'ni inte' nna bihua cca te' inábania' Tata quí'a, lèe nna ithèl'le'e téelá tsì'nu ejército de ca ángel para edi' cabi inte' cá. ⁵⁴Pero cáalá ná qui'ni cca lã', ti'ala modo ccá cumplir nu ra lo ca Escritura làti riquixa'a qui'ni náduel'la' ccá' padecer ni'i.

⁵⁵Làniateáa nna ra Jesús canu yétse'á: Tì'a canu dia gudaxu' ttu ubàna, a' da' le yù'u ná' le espada nna yà nna para gudaxu' le inte' preso. Ttu ttu tsá bá gùri'a' le' templua nna gutixa'ánia' iyaba le nu cca qui' Tata Dios, atsi'íni bihua bedaxu' le inte' nna. ⁵⁶Pero iyaba canui cca para qui'ni ccá cumplir nu bedia ca profétaá acerca de inte'. Làniana iyaba ca discípulua nna betsè'e latsi' cabi e nna becuitta cabi.

⁵⁷Canu bedaxu' cã Jesús preso nna guche' cã ne ru'a lo Caifás nu ná huexána' qui' ca sacerdotéa, làti tuppa ca maestro de la ley a'hua canu rigú'ubia' entre ca enne' judíua. ⁵⁸Pedrua nna idittu' bá deno bi e hàstaá le' lí'a ru'a yú'u qui' huexána' qui' ca sacerdotéa. Gutà'a tè bi nna gurè'ni bi lani ca policia para inna' bi bi'ya guthácca' cã Jesús. ⁵⁹Làniana ca sacerdote principal a'hua canu rigú'ubia' le' yétsiá nna lani iyaba canu retùppa Junta Suprema qui' ca enne' judíua nna reyíla cã ttu causa contra Jesús, para qui'ni gappa cã néda gute cã ne cuenta para gattie. ⁶⁰Pero labí bi'ya caúsani betseláni cã contra lèe màsqui'ba iýtse' cã gulitha cã bela'na qui'e. Bitòy'iani nna gubíga' áchúppa testiguá nna beni latsi' qui' nna ⁶¹ra cã: Nui nna rã qui'ni huaccaniã gutàppa'ã templo qui' Tata Dios, pero le' tsunna ubitsa teruba nna echithã na attu. ⁶²Guduli tè huexána' qui' ca sacerdotéa nna rã ne: Tsi bihua bi'ya ecàbi tí' lu'. Biani nuã' ra canui contra lu' cá. ⁶³Pero Jesús nna labí becàbie. Làniana huexána' qui' ca

sacerdótea nna gunniá attu nna ra ne: En nombre de Dios, pues lèe nna bànie tulidàba, rinábania' lu' qui'ni quíxá'a lu' canchu hualí ná lu' Cristo Ýi'ni Tata Dios. ⁶⁴Jesús nna rèe na: Lù'ba chi ra á'. A'hua nna nia' le qui'ni dèsdeba annana ilá'ni le Nubeyu' de Ýiabara' duánie lado ná' bání de la'huacca qui' Tata Dios nna íl'lanie lo bía ýiabara'. ⁶⁵Làniana huexána' qui' ca sacerdótea nna guchèda'ní ýúi para gulu'e' qui'ni yala bitsa'ániá nna ra: Labí respeto té qui'í lani Tata Dios. Biáruálá testíguni riquína'ni ri'u cá. Chi biyéni le gunniá ca titsa' nu ná qui'ni làteruba Tata Dios ínnie á'. ⁶⁶Annana biani ína le ccá qui'í. Becàbi tabá cã nna ra cã: Ccá bã merecer gattiã. ⁶⁷Làniana betùtu chì xèni' qui' lúe nna bè' cã ne puñete. Adí cã nna gutìni ná' qui' lúe nna ⁶⁸ra cã ne: Canchu ná lu' Cristo nna guna tsanna nuýa nua' bí'ã lù'na.

⁶⁹Pedrua nna re' ba bi le' lí'a. Làniana gubiga' ttu criada làti re' bía nna ra bi: A'hua lu' nna gurèni huá lu' lani Jesús nu Galiléa'. ⁷⁰Pedrua nna labí guýí'ché' bi nna ra bi ru'a lo iyaba qui: Labí yua' biýa nuã' ra lu'. ⁷¹De beria bi ru'a puértaá nna bilá' tènì attuã bi nna ra canu tsè'e nía: A'hua nui nna gurèni huá lani Jesús Nazarénuã'. ⁷²Labí guýí'ché' Pedrua attu vuelta nna beni bi jurar nna ra bi: Labí nabia' te' nubéyu'ã'. ⁷³Ti'tó' taá bitola nna gubiga' canu tsè'e nía nna ra cã bi: A'hua lu' nna hualigani ná lu' enne' qui' qui' porqui'ni hàstaá la' rinne qui' lu' nna redacca' rabání. ⁷⁴Beni chi

Pedrua jurar nna ra bi: Nitti ba' canchu labí lí te' de nia' qui'ni labí nabia' te' nubéyu'ã'. Làniana guretsi chì xcurúdia. ⁷⁵Bexa tè latsi' Pedrua ca titsa' gunne Jesús loti' rèe bi qui'ni: Labí cuetsi xcurúdia ántesca ccá tsunna vuelta guni lu' inte' negar. Làniana yala behuiní'ni bi nna beria bi fuera nna biditsuní bi guretsi bi.

27 De chi da' rànì'a nna iyaba ca sacerdote principal a'hua canu rigú'ubia' entre ca judíua nna gunne lettia cã ti'íýa modo guni cã contra Jesús para gútti cã ne. ²Beýlquua cã né'e nna bete tè cã ne cuenta lani gobernador Poncio Pilátuá.

³Làniana Judas nu benia' Jesús traicionar nna, de bilá'niã qui'ni nu ýeni chi ruthácca' cã ne nna, acca beleníniã nna uccua latsi'í ótiã tsìi érua' moneda nu de plátaá lani ca sacerdote principal nna canu rigú'ubia' entre ca enne' judíua nna, ⁴acca ra: Inte' chi benia' tu'la', betí'a' cuenta ttu enne' inocente para gattie. Lacã nna ra cã na: Biáruá dacca' guni tu' ni'i. Nà'ba beyu ti'íýa guni lu'. ⁵Judas nna guru'na tiã bél'liuá le' templua nna beria tiã nna huíã guthi yániã nna gúttiã. ⁶Ca sacerdote principal nna de bedi' cã bél'liuá nna ra luetsi qui: Labí ná qui'ni cu'ú ri'u bél'liuã làti yù'u ofrenda qui' templu' porqui'ni nã nu dàcca'ní réni qui' ttu enne'. ⁷Gulèquua lettia diba cã nna hu'í cã lani bél'liuá ttu pedazo loyu qui' ttu nubeyu' nu runi traste, para ccã panteón qui' canu dítu'. ⁸Dèsdeba lànìa nna gutíxa tè cã lá lóyúa: Loyu por precio de réni. A'ba

té líi hàstaba natsá. ⁹Ania modo uccua cumplir nu ra Jeremías enne' uccua profeta qui' Tata Dios tiempo antigua nna ra bi:

Guỹi' cą tsìi érua' pieza plata, precio nu bedu ca ỹi'ni Israel nu dàcca'ní ttu enne' lània.

¹⁰Lani bél'liuá nna huil'i cą loyu qui' nu runi trásteá, ti'a beni Señor inte' mandado.

¹¹Jesús nna de gùdue ru'a lo gobernador Pilatua, lą nna gunàba tìtsa'a ne nna rą: Tsí ná lu' rey qui' ca judíuą' cá. Jesús nna rée na: Lù'ba chi ra á'. ¹²Ca sacerdote principal ą'hua canu rigú'ubia' entre ca enne' judíua nna betsia cą queja contra Jesús. Pero lèe nna labí becàbie. ¹³Làniana Pilatua nna rą ne: Tsí bihua riyénini lu' bícca'áya rinne cą contra lu'.

¹⁴Jesús nna nidi ttu tìtsa' labí becàbie hàstaá qui'ni gobernador nna yala uccuaỹi latsi'í.

¹⁵Tsá gani fiéstaá nna té costumbre qui' gobernador gúla'a ttu preso, nuya tediba inàba yétsiá.

¹⁶Merua lània nna té ttuą litsi' iyyà láą Barrabás, hua dàa gá tìtsa' qui'í runiá mal qui' ca enne'. ¹⁷De betùppa iyaba ca enne' judíua nna ra Pilatua cą: Núlá calatsi' le gúlá'a', tsí Barrabás o tsí Jesús enne' lá Cristo áccá. ¹⁸Anía ra Pilatua porqui'ni hua yù bą qui'ni por la' yélatsi' bá bete cą Jesús cuenta lani ą. ¹⁹De re' Pilatua le' juzgádua nna bitsina' ttu razón nu guthèl'la' niula qui' Pilatua nna rą: Bittu tehuá gúlatsi' qui' lu' nu cca qui' nubeyu' inocénteą', porqui'ni yèlà tabíní gunne te' bitsiàla por causa qui'í. ²⁰Pero ca sacerdote principal

nna ą'hua canu rigú'ubia' entre ca enne' judíua nna gulù'u yi' cą latsi' yétsiá qui'ni innàbani cą Pilatua qui'ni gudilá Barrabás lá pero Jesús nna gatti bée. ²¹Gobernador nna gunàba tìtsa'a cą nna rą: Núlá canu chuppí calatsi' le gúdílá'a'. Becàbi taá cą nna ra cą: Barrabás.

²²Pilatua nna rą cą: Biala gunia' lani Jesús enne' lá Cristuį ni'i. Becàbi iyaba cą nna ra cą: Tá' bą lo curutsi. ²³Làniana ra Pilatua cą: Pues biani mal ni chi benią ni'i. Pero làcą nna adila guretsiyà'a cą nna ra cą: Tá' bą lo curutsi.

²⁴Beyùba Pilatua qui'ni labí cca tsi qui' qui, ántesla adila escándalo runi cą, acca guỹi'ą inda nna gutii ní'í ru'a lo canu yétsiá nna rą: Por nui nna cca le saber qui'ni labí ccá' responsable por lù'uti qui' ènne'yu' tsè' du nì. Lebi'ba ibàga' li ą. ²⁵Làniana ituba yétsiá nna rą: Intu' ba lani ca ỹi'ni tu' nna ibàga' tu' réni qui'í. ²⁶Pilatua nna bela' tią Barrabás. Pero benią mandado iyàa' la Jesús, làniana betiá ne cuenta para té'e lo curutsi. ²⁷Ca soldado qui' gobernador Pilatua nna guche' cą Jesús le' lí'a qui' paláciua nna betùppa iyábani cą ita'lùbani e. ²⁸Gulèqquia tè cą ỹúe nna begàccu' cą ne ttu lári' de color morado. ²⁹Gulù'u tè cą iqqie ttu corona tíaníą yèttse'. Gulù'u tè cą ttu vara le' né'e lado bàni, bedu tè ỹibi qui' ru'a lúe nna beỹitsi tènì cą ne nna ra cą: Viva, Rey qui' ca judío. ³⁰Làniana betutu xèni' qui' ne nna guỹi' tè cą vara nu dèniáa nna bè' cą iqqie. ³¹Bitola de beni cą ne burla nna, bebèqquia cą lári' nu naccu'éa nna begàccu' cą ne ca

ỹúeá attu. Làniana guche' cą ne para gutá' cą ne lo curutsi.

³²Merua riria cą lani e nna bettsà' cą ttu nubeyu' Cirenéo láą Simón, behuà'ni duella' cą na curutsi qui' Jesús. ³³Bitsina' cą lugar láą Gólgota, titsa' qui' ri'u nna ra: Iquua Bega' Yatti. ³⁴Bete cą vinagre chixiá nu ná il-la' para í'yèe. Benixi díbee vinágreá nna pero labí gú'yèe na. ³⁵Betaá' diba cą ne lo curútsia nna làniana bedàl-la cą rifa nuỹa la cą gal-la' ca ỹúeá. Anía modo nna uccua cumplir nu bedia ttu profeta gunne bi nu cca qui'e nna ra bi: Gùl-la'ání cą ca yó ya'a nna bedàl-la cą rifa lo qui. ³⁶Guỹua tení cą nna gunna' cą ne. ³⁷Betaá' tè cą ttu letrero iquua curutsi làti téaa biỹa cca té'e nía nna ra: NUI NUA' JESUS REY QUI' CA JUDIO. ³⁸Betaá' huá cą lo curutsi ttu ttu lado luítte'le chuppa ca ubàna, ttuą lado ná' bànie, attuą lado ná' yattie. ³⁹Canu guttè nía nna beduadí' cą ne nna bettáa iquua qui para guni cą ne despreciar nna ⁴⁰ra cą: Lu' nu rena qui'ni gutàppa' lu' templua nna le' tsunna ubitsa teruba echìtha lu' a, pues bedilà la'a lù'ba nna beyàdi tsanna lo curútsiá' canchu hualigani ná lu' Ỹi'ni Tata Dios. ⁴¹Anía tehuá beni ca sacerdote principal ne burla, lani ca maestro de la ley nna ca fariséua nna a'hua iyaba canu rigú'ubia' le' yétsiá nna ra cą: ⁴²Canu huaya' nna bedilà bą atsi'íni la'a làbą nna labí ccaniá gudilà; Annana eyàdiá lo curútsiá' canchu hualigani ná Rey qui' yetsi Israel, lànialá nna hueyya latsi' ri'u qui'í. ⁴³Lą nna gùppa bą confianza Tata Dios, pues gudilà bée na anna

canchu hua catsi'ínie na; porqui'ni la'a làbą nna ra: Inte' ná' Ỹi'ni Tata Dios. ⁴⁴Anía tehuá beduadí' ca ubàna tá' lo ca curútsia ne.

⁴⁵Ttu tsi'nu hora ti'gá nna bechul-la le' itúbani yétsiloyu hàstaá ritìj tsunna. ⁴⁶Chi' taáduą gal-la' ritìj tsunnaá nna gunne Jesús idítsani nna rée: Elí, Elí, lama sabactani. Ca titsa'a nna quiere decir: Tata Dios quia', Tata Dios quia', biecca betse'e latsi' cuiá'lu' inte'. ⁴⁷Tuchùppa canu tsè'e nía nna de biyéni cą rée anía, accana ra cą: Elías bá rul-luíttsa'a. ⁴⁸Làniateá nna bigàa ttuą guỹi'a ttu esponja nna bedibithá na lani vinagre, bedua tią na lo ttu yí nna bi'ą ne í'yèe. ⁴⁹Pero adí cą nna ra cą: Bittu, sino inna' ri'u canchu ita Elías gudilà bi a. ⁵⁰Làniana idítsa tsè' guretsi ya'a Jesús nna betie espíritu qui'e làtsi' ná' Tata Dios. ⁵¹Làniateá nna lári' rriani nu dàa para gunią dividir le' templua nna bireda'a uccuą chuppa l-la'áni biyàlia dèsdeba íquiará' hàstaba yàrèe' por la'huacca qui' Tata Dios. A'hua gùyù' yétsiloyu nna, a'hua ca íyya èl-la nna biỹa' cą. ⁵²A'hua ca yerubà nna biyàlia cą, nuỹetse' ca enne' qui' Tata Dios canu chi gùtti nna beyátha cabi. ⁵³Beria cabi le' yerubà bitola de beyátha Jesús de lo lù'uti nna, huía tè cabi le' Jerusalén ciudad nu ná para Tata Dios; enne' yetse' nna bilá'ni cą cabi. ⁵⁴Làniana ttu capitán lani adí canu tsè'e guardia làti tá' Jesús lo curútsia nna, de gutebé'ni cą qui'ni gùyù' nna a'hua bilá'ni cą iyaba ca cosa nu uccua nna, yala gutsini cą nna ra cą: Hualigani qui'ni lą nna ná

Ÿi'ni Tata Dios. ⁵⁵Idittu' tí'ba de nía nna tsè'e iýe ca niula huenna'. Làca nna tanó ca Jesús dèsdeba Galilea nna beni ca ne servir. ⁵⁶Entre ca niuláa nna látsi' huá María Magdalena, a'hua María nàna qui' Jacóbua nna Joséa nna, a'hua nàna qui' ca Ÿi'ni Zebedéua nna.

⁵⁷Mérutaá da' ral-la lánia nna bitsina' ttu enne'yu' rico nu Arimatea lá bá José. A'hua làbi nna uccua bi ttu enne' huíalatsi' qui' Jesús. ⁵⁸Joséa nna huía bi ru'alo Pilatua gunàba bi cuerpo qui' Jesús. Pilatua nna benia orden gute ca cuerpo qui' Jesús lani bi. ⁵⁹Joséa nna bedi' bi cuérpuá nna betùbi tè bi e ttu sávana cubi. ⁶⁰Gutixa tè bi cuerpo qui'áa le' ttu bà cubi nu chì' beni ba bi le' ttu íyyatò'. Betsíga' tè bi ttu íyya Ÿéni'tsè' ru'a bàa nna bedà' tè bi. ⁶¹Nía nna du María Magdalena a'hua attu María nna, guŸuaní cabi ru'a bàa.

⁶²Attu yu'utsá nna guttè diba beni ca preparar para tsá redi' latsi' qui' nna, betùppa ca sacerdote principal a'hua ca fariséua ru'a lo Pilatua nna, ⁶³ra ca: Señor, intu' nna rexa latsi' tu' titsa' nu gunne bèŸiaá loti' bàniru naá, qui'ni bitola de tsunna ubitsa nna eyáthà de lo lù'uti. ⁶⁴Acca guthel-la' cuiá'lu' guardia para qui'ni hué' ca cuidado lo bàa hàstaá bitsa ccá tsunna, para qui'ni làa tsía ca discípulo qui' niá de réla nna cuana ca cuérpuá nna gá tè ca ca enne' qui'ni chi beyaccabàniá, entonces adí teerulá peor ccá la' beŸiŸi' tì'chula nerua. ⁶⁵Pilatua nna ra ca: Nà'ba tsè'e ca soldado qui' le. Lítsía nna lígúni a seguro tì'a ná bá la' rulábalatsi' qui'

le. ⁶⁶Làca nna huía ca beni seguro ca bàa, berèni tè ca sello lati íyyaá nna betsè'e ca guardia.

28 Guttè diba tsá sábaduá para tsáni' díla primero tsá qui' semánaá, huía María enne' Magdálaá lani attu María huanèl-le' lo bà qui' Jesús. ²Guttè tè ttu la' rìŸu' fuerte gani, porqui'ni ttu ángel enne' guthel-la' Señor nna huàdi bi de Ÿiabara' nna gutua bi íyya nu re' ru'a bàa nna gùdua tení bi iqqi. ³La' rinna' qui' ángeliá nna uccua tì'a la'yani' qui' éthá. Ÿo bi nna uccuá tsítsi tùni tì' taání beyi'. ⁴Canu tsè'e guardia nna de tántuani gutsini ca nna, biŸitti'ní ca nna gubixi ca nna gùtì tsaléttia taání ca. ⁵Gunne ángeliá nna ra bi ca niuláa: Bittu gátsini le, hua yúbá' qui'ni reyila le Jesús enne' betti ca lo curútsia. ⁶Lanúrué té nì pues chi beyathèe de lo lù'uti tì'ba chi rèe. Litaáruhuá inna' le làti gutixa ca néa, ⁷lítsía quetha taá ligàtsi ca discípulo qui'áa qui'ni chi beyathèe de lo lù'uti. Lèe nna tsíe Galilea, níabá ettsà' li e. A' ná qui'ni equixa'ánia' le. ⁸Ca niuláa nna yala biquila' latsi' cabi a'hua yala bedácca'ni cabi nna, beyya chi cabi quethani para equixá'ani cabi ca discípulua. Ca niuláa nna merua deyya cabi taquixá'ani cabi ca discípulua, ⁹tiémputaá nna tàttsa' Jesús ca niuláa nna benie cabi saludar. Làcabi nna gubiga' cabi ru'a lúe nna gunita' cabi ca nì'e nna beni cabi e adorar. ¹⁰Jesús nna ra tìe cabi: Bittu gátsini le, lítsía líúte notici' lani iyaba ca bettsi' ya'a para qui'ni tsia ca Galilea nna, nía ba ettsà' tu'.

¹¹Dàca'te deyya ca niuláa nna, tuchùppa canu tsè'e guardia nna beyya huá çà le' ciudáad nna gutixa'áni çà ca sacerdote principal iyaba ca cosa nu uccua. ¹²Betùppa tè çà lani canu rigú'ubia' entre ca enne' judíua nna, gunne lettia çà nna bete çà iýénitse' bel'liu qui' ca soldadua nna, ¹³ra çà: Lebi'í nna ínne le qui'ni ca discípulo qui' niá bítà çà de réla lá nna gutua gattsí' ba çà cuerpo qui' niá miéntraste ti'áthi ri'u. ¹⁴Canchu gúna gobernador asúntuì nna, entonces intu' ba ccálaní tu' à arreglar, bihua cuidado tsé'e le. ¹⁵Làçà nna guýi' çà bél'liuá nna beni çà tì'a nu chi gulù'u titsa' ca judíua çà. Iì modo nna riquixa'a ca enne' Judea nu uccua, hàstaá anna.

¹⁶Huíá taá tsinia ca discípulua Galilea lo i'ya làti chi ra Jesús

cabía. ¹⁷De bilá'ni cabi e nna beni cabi e adorar, pero tuchùppa cabi nna labí huía tè latsí' cabi canchu làganie enni'a. ¹⁸Lànianà gubiga' Jesús gúnnie lani iyaba cabi nna rèe: Itute poder chi benna Tata Dios látsi' nàya' para cu'úbi'a' ýiabara' à'hua yétsiloyu nna. ¹⁹Acca lítsía nna liquixá'ani iyáyiate ca enne' le' iyábani ca nación anta' yétsiloyu qui'ni tsíalatsi' qui' inte' nna ccá huá çà ca discípulo quia'. Guni tè le çà bautizar lani nombre qui' Tàtáa nna, qui' Ýí'niáa nna, qui' Espíritu Santo nna. ²⁰Liulue'ni çà iyate nu ná qui'ni guni çà tì'a chi pá'a' le. Inte' nna du bá' lani le para gunia' le cualani ttu ttu tsáaní hàstaá l-luýa latsi' yétsiloyuì.

À' uccua.